

Mohand AIT IGHIL TIMLILIT D CÉLINE

Yuḡal s amḍiq-is mi ifaq. Taswiet kan ata tessay seg ljiha n lebher teftilt: « D ta ! ». Bihfih ineggez i ubaryir tikkelt-nniḍen. Yetṭef-itt d arabes yer ljiha anda tessay teftilt, armi yewweḍ yer yiwet n teflukt, sawlen-as-d yuli, gren-t sdaxel n yiwen ukarṭun, rnan fell-as lqecc. Ur yezri anda yella ney sani i la yetteddu, ney acu i t-yettrajun.

Mi ffyen berra i lmersa, refden-d yibehriyen lqecc i sburen yef Saɛu, sutren deg-s ad d-yali. asekkud n Saɛu yers yef yiwen. Yeeqel-it d argaz-nni i yemlal tikkelt tamezwarut deg ljameɛ n lihud di Athenes. Yefka-yas-d sslam s teqbaylit i Saɛu. Saɛu yerra-yas-d s teqbaylit dayen. Qqimen akken i sin yer ljiha tamadayt n ttaburt, ttmeslayen yef lihala n tmurt d wayen akk i d-yezzin i ddunit.



Mohand Ait Ighil, d amaru yettwassnen nezzeh deg leqdic-ines yef umezgun. Akken dya i d-yura tullisin i d-yessekles d ammuden. Deg wayen yeenan asileḡ-ines deg uxeddim, yella d amaswaḍ agejdan n tedrimt, yesdem d anezraf n tyiwant.

Ma d leqdic-ines adelsan, yella-d, di Bgayet, gar wid i d-yesbedden tiki n uselmed n yilugan n tira n tmaziyt, yiwen seg wid i d-yesbedden amsizwer n ccna amaziḡ... Akken dya i d-yessazreg aṭas n wungalen : Allen n tayri, Taẓelmaṭ texser, tiyersi... Deg useggas n 2000, di Fransa, Salem Chaker yekkes-d asentel n Lbak seg wungal-ines. Yewwi dayen aṭas n warrazen : 1992, arraz n umezgun deg Uzellagen ; 1994, Arraz Mammeri di Tizi Wezzu...

Ur yettnuz ara لا يباع
Non destiné à la vente

صدر هذا الكتاب بدعم من وزارة الثقافة والفنون.

Tawlaft n tduli : Sser yeffren.
© Yacine Zidane.



ISBN : 978-9947-865-89-7



Mohand AIT IGHIL

TIMLILIT D CÉLINE ⵜⴰⵎⴰⵣⵉⵏⵜ ⵏ ⵙⴰⵏⵓⵔ

Ungal
ⵙⴰⵏⵓⵔ



2022

يتاير
Yennayer



الجمهورية الجزائرية الديمقراطية الشعبية
ⵙⴰⵏⵓⵔ ⵏ ⵙⴰⵏⵓⵔ
ASQAMU UNNIG N TIMMUZZA

Ayen yura :

- *Tazelmaṭ texser, tayeffust ur terbiḥ ara*, Amezgun, 1999.
- *Allen n tayri*, Tullisin, 1999.
- *Atlanta*, Tullizin, 2000.
- *Axeddaε*, Amezgun, 2000.
- *Tchekhov s teqbaylit*, Tullizin / Amezgun, 2003.
- *Tiṭersi*, Ungal, 2008.

Tawlaft n tduli : Sser yeffren.

© Yacine Zidane.

ISBN : 978-9947-865-89-7

Dépôt Légal : Septembre 2023.

Timlilit d Céline
†Σ□ΠΣΠΣ† Λ Θ%ΠΣ|



Arraz n Uselway n Tegduda
i Tsekla d Tutlayt Tamaziɣt
- 2023 -



Mohand AIT IGHIL

Timlilit d Céline
 +ΣCΠΞΠΣ+ Λ ⊙%ΠΣI

Ungal

2023

*I kra n win i γ-d-iherzen tiγawsiwin d leadat,
i kra n win d-imudden afus akken ad aγent ass-a
azal s wudem d amaynut.*

TIMLILIT D CÉLINE

Mi d-yeldi allen-is Mezyan, yuki-d seg temlellit yeglan yis-s akken di tnafa sdaxel n lbabur, yufa-d yiwen umnagi, iqummec-d yer uqerruy-is. Meqquer cwiṭ, iban seg wid i d-yettruḥun yettaqqalen gar tmurt n Lezzayer d tin n Fransa akken ad d-jebden lantrit-nsen. Yelsa yiwen ubaltun kemmil fell-as armi qrib ad as-yeffeṛ iḍuḍan-is, takaskiṭ s tmezzuḡin am tin n Yirusiyen.

—Qrib tlata tsaetin kečč d nadam. Akka kan i tteassay ul-ik dya ad yehbes tiyita. I s-d-yenna uwessar-a s tutlayt n taerabt.

—I kečč, d anwa-k ?

—Nekk kriḡ amḍiq deg texxamt-a, sdat wagla-k. Yusa-d yur-i yiwen uxeddami n lbabur, isuter deg-i ad k-d-qqley amendad. Ata amek i nemlal. Isem-iw Lhewari.

—Isem-iw Mezyan. I s-d-yerra awal Mezyan, yettheyyin iman-is ad d-yezdi lqed.

Yeqqim rrif n lbenk, isullef i wudem-is s yidiklan-is.

—Yyan ad k-xelseḡ kra deg lqahwa.

Ffyen i sin seg texxamt.

Fihel laeṭil yemger uzeṭṭa n tdukli gar Mezyan d Lhewari. Uḡen amḍiq deg yiwet tqernit n tzeqqa n lqahwa. Lhewari yeswa lqahwa, ma d Mezyan isuter yiwet tebyart. Idis yer yidis, qublen tilizri, bdan seftutusen-d awal yef tmucuha yedran d yal yiwen. Lhewari yettmeslay-d yef tallit-is, iseggasen n temrawt 60, ma d Mezyan, ur isugget

awal. Xetța-xetța, ad d-yerr awal i tuttra i s-d-iḍegger Lhewari. D tallit wučči, Lhewari yenced Mezyan ad yeddakel yid-s yer wučči.

Qqimen, mqabalen. Qbel ad d-yawed wučči, Lhewari yenna i Mezyan :

—Nekk, yezmer lhal ad k-uḥwajey ; kečč, yezmer lhal ad k-liqey.

—Amek, acu tebyid ad d-tiniḍ akka ?

—Mi yewwed l babur yer lmersa n Mersilya, eiwen-iyi ad nessuffey takerrust. Deg berra ad neddakel yer *Provence*, anda zedvey.

—Umbeed ?

—Swab ad t-id-yefk Rabbi. Ur ttqelliq ara, ur k-ttağğay ara, alamma terked liḥala-k.

Mezyan yekcem-it lhir, ad yeqbel ney ad yagi. Ma yeqbel, ur yettruḥ ara yer tansa anda yezmer ad yaf gma-s. Ma ur yeqbil ara, mačči d ta i d turrugza i as-slemden imawlan-is ; ur yezmir ad yeğğ argaz i imendedden fell-as mi yuḍen.

Mezyan yettfelsif kan wama yezra ur yesi lxetyar. Ur yezmir ad s-d-yini ala.

Mi yekcem l babur yer lmersa n Mersilya, Mezyan, iheyja-d takemmust-is, isubb yer ugaraj anda tella tkerrust n Lhewari.

D Peugeot 204, wesret am bab-is. Amutur yeɣya, tcuber, teqcer deg kra yimedqan. Ter deffir yeččur-itt-id d ččina yakk d tqeratin n crab n Lezzayer. Mezyan yenher-d takerrust, yesni-tt deffir tiyid, yettraju nuba-s ad d-tawed. Mi lehqen sdat udwanyi, kra tettqeddim tkerrust, isedfar s usekkud i wayen i d-tæbba. Anagar i yezra Lhewari belli adwanyi yecyel d wayen-nniḍen, isuter Mezyan ad s-d-yefk lekwayed-is ad isusem. Ilaq ad yeddem rray s lxef. Deg

uqerruy-is xelđen lecƣal : ad yefk lekwayeđ i yiwen ur yessin ? A heltara, ad yelhu ccƣel ma ur sen-yefki ? Ur yesɛi lemziya, yekkes-d lekwayeđ seg lĵib, imudd-iten i Lhewari. Yettef deg Rebbi.

Azal n snat tsaetin swamek i d-ffƣen ƣer berra. Mezyan akken inehher takerrust, yesteqsa Lhewari :

— Acu yebƣa akka ƣur-neƣ udwanyi-nni ?

— Ur yebƣi kra deg wayen yeenan lqanun. Wa d *Pied-noir*, yebƣa ad s-fkeƣ kra deg čina neƣ taqerɛet n crab n Lezzayer. D aya i yeđmee.

— Umbeed ?

— Yufa-d sebba yis-k, akken ad yi-sefjeɛ. Gulley ur tt-yečči, ur t-yeswi !

— I nekk, txemmed fell-i ? I t-yesteqsa Mezyan s tađsa.

Deg berra, gar yiberdan n temdint n Mersilya, Mezyan ikemmel akken tanehrawt n tkerrust ddaw uswilleh n Lhewari is-d-imalen ansa ara yekk. Mi wwđen ƣer *le Vieux-port*, Lhewari isuter deg-s ad yehbes, akken ad yefk yiwet n lamana i yiwen deg yimedduk-al-is. Mezyan iwala-d yiwet tqernit, iger din axenfuc n tkerrust. Mi yezra ur d-tzeg ara ƣef wid yetteeddayen, isens amutur.

Ffƣen-d.

— Ugay ddunit-ik merra, da deg Mersilya i tt-teseeddađ ?

— Akka, ma d tura aql-i deg yiwet n taddart.

— Ihi kečč, seg wid iƣef yura Kateb Yasin. i s-yenna Mezyan s tađsa.

— Anwa-t Kateb Yasin-a ?

— Ihi, kečč ruħ ad d-teqđuđ lecƣal-ik, nekk ad ruħey anda ara siwley i yimedduk-al ƣer tmurt, ad ten-xebbrey s tiwđin bxir waɛla xir.

Mi yekfa ccvel d umsalam d uqesser, Lhewari yenced Mezyan ad uyalen yer tkerrust, kemmlen abrid yer *les Antibes*.

Mezyan icuba abrid teṭtef tkerrust yer win yellan deg temnaṭ tamaddayt n tmurt n Leqbayel. Gar wallel d ubrid, zgan izuṣar ssan s tzegezwt s reggu waman. Akken dayen abrid yettwaesser gar uzaṣar d ṭaltin. Tamuyli n Mezyan tedha deg wayen tettwali. Ma d Lhewari yuṣen tanumi d ubrid-a, ikessel, yettu iman-is.

Abrid yessawen cwiṭ, armi d tawwurt n ṭiwant. Lebni s udṣay, ulac lbatimat. Tizenqatin ulac aṣas. Am wakken amasdag¹i tent-id-yebnan, yenna : ma tlaq tezniqt ad d-tili, neṣ ma ulac ulayṣer.

Lhewari yuki-d. yenna i Mezyan :

—Aṣ tama tazelmaṭ.

Azal mya lmitrat berra i ṭiwant, Lhewari isuter deg Mezyan, ad yeḥbes sdat yiwen uxxam, ad t-id-iraju kra n teswiṭ.

Lhewari, yeffeṣ-d yeddem-d yiwet tkemmust, yessawel :

—*Maurice* !

Yeffeṣ-d yiwen ufellaḥ deffir uxxam-nni, d afayan, yelsa talaba n leblu n uxeddim, gar yifassen yeṭtef čapa, yeena-d Lhewari. Isuy-d s tutlayt tafransit :

—Ah, ameddakel-iw Lhewari ! Ur k-iṣeyyeb ara ubrid ?

—Tribyan ay ameddakel-iw *Maurice*, tribyan ! Ata wwiṣ-ak-d kra seg « riḥet leblad ! »

—Saḥit, *mon ami*, saḥit ! I uqcic-a d anwa-t ?

—D yiwen n yilemzi n twacult-iw.

—Saramex ad d-myezg d *Céline*, akka, kečč d nekk, ad nuṣal d yiwet twacult.

1. *Architecte*.

—Ncalleh !

—Ncalleh !

—Ilaq ad ruḥey tura, eyiy acemma.

—Ruḥ ay ameddakel, abrid shala. Mi d-tenejbar *Céline*, ad ak-d-ceyey cwiṭ n wučči.

Mi yesla Mezyan i tdiwennit-a gar *Maurice* d Lhewari yenna, ilaq ad yerr lɛadat n tmurt yer rrif.

Kecmen axxam. Lhewari yerra yer tbernint waman d lgaz d trisiti yeldi-tent. Ma d Mezyan, yufa-d yiwen n umḍiq yelha i usgunfu, yerra srid yur-s, isenned, yedda di tnafa.

Kra tsæet, atta tusa-d *Céline*, tewwi-d kra n wučči.

—Azul a Lhewari !

—Azul a yelli. Acu i kemm-id-yewwin akka ?

—Yenna-yi-d baba, tuḡaleḍ-d. I ubrid yelha ?

—Yelha.

—Nniy-as ahat teeyiḍ, ur tezmireḍ ad theyyiḍ učči. Wwiḡ-awen-d i kečč d uɛggal-nni i d-yeddān yid-k, kra n tanalt.

—Saḥit a yelli.

—Ma tuḡwajeḍ kra-nniḍen ini-d. Mi d-yejba baba yur-k taswiɛt ad yeglu yis-s.

—Saḥit a yelli.

Azekka-nni, Lhewari izuyɛr Mezyan yer lqahwa. Ata teɛna-t-id *Céline*. D tilemẓit tecbeḥ, anagar ires fell-as usekkud n Mezyan, din-din yenteḍ deg-s, yugi ad d-yeqcer. Yedhec amek i tettwafeşşel.

—Aki-d ay aqcic ! Ur ay-ttbehdil ara.

—Tecbeḥ a Lhewari.

—Aya zriy-t qbel ad d-tawḍeḍ, meɛna tura aql-ik tetturareḍ s tmira-nney.

Ula d Mezyan yeşjeb-as i *Céline*. Mi t-twala tezmumeg-as-d s tuffra d lehya ʔef Lhewari. Tban, tessən lēada n tmurt n Lhewari.

—Sbeḥ lʔir a Lhewari. Tesbenned ućči-nni n yiḍelli ?

—Nezzeh, a yelli, nezzeh !

Ḑsan *Céline* d Mezyan i sin.

—Tikkelt-a tegliḍ-d s yiwen uεeggal ?

—Ih a yelli. Wa d Mezyan, ayaw-iw.

—Mreḥba yis-k !

—Tanemmirt.

—Isem-iw *Céline*. Acu ara tsuḍ ?

—Isem-iw Mezyan. Efki-yi-d yiwet lqahwa s uyefki d yiwet n *madeleine*.

Lhewari, yezdi lqed-is iruḥ ad d-yawi itikiyen n *tiércé*. Ma d *Céline* truḥ ad d-tawi ayen ssutren i sin yid-sen. Azal n εecra dqayeq, Lhewari yezga yesteqsay deg yimeddukal-is yellan deg lqahwa ad t-welhen ʔef yiēudiwen ara yextir, wid iʔef ara yesres tṭwal. Mi yekfa cʔel, ata yuḡal-d, gar yifassen ajernan d yitikiyen. Yeqqim-d, imud-d amaru d itikiyen i Mezyan. Yenna-yas :

—Ceṭṭeb ʔef numruwat n yiēudiwen ara k-d-iniʔ.

—Yerbeḥ !

Mezyan yebda aceṭṭeb deg yitikiyen. Atta tuḡal-d *Céline*, tegla-d s sniwa iʔef rsen ayen akk sutren deg-s ad tt-id-tawi. Lhewari yeddem afenjal-is yeswa-t ʔef tikkelt. Yeddem *croissant*-ines, yerna itikiyen yekker ad ibedd sdat n tilizri i d-yeskanayen) amzizwer n yiēudiwen.

Ma d Mezyan yeēna amḍiq anda tella *Céline* yesteqsa-tt ʔef tilifun.

—Ahat ad tesiwleḍ ʔer tmurt ?

—Ih. Ğğiʔ kra n lehbab, qelqen fell-i.

Tmazzed yer yiwet tqernit, tejbed-d tilifun, tefka-yas-t-id.

— Ezg dihin, ma tebııd, ur k-d-yessal yiwen.

— Xaıı, ula d da yelha. Ad meslayey s tutlayt-iw, ulac win ara ifehmen da. I s-yenna s taısa.

Mi yekfa asiwel i Jamal, ixebber-it s tiwıdı-ines bxir-weelaxir, yuza-d yer *Céline* :

— Tanemmirt. Aıhal i yi-d-tewwi ?

— Ass-a syur ameallem. Imeslay-yi-d fell-ak baba idelli.

— *Monsieur Maurice* ? Acu i m-d-yenna ?

— Akken walay ur yeıliı ara.

— Acu i m-d-yenna ?

— Yenna-yi-d anagar lxir fell-ak. Acu i k-id-yewwin yer France ?

— D tewnef².

— Yah ! Aya d ajdid.

— Acuyer ?

— Tuget seg wid i d-yettasen ur sein axemmem-a n twafka n wazal i tewnef-nsen. Ahat nezmer ad nemyiger tameddit-a yur-wen ney yur-ney, xali-k d baba sdukulen taqerruyt yer tqerruyt yal id.

— Ncallah !

— Akka, ncallah ! Ilaq ad uyaley yer uxeddim.

Kra teqqim din *Céline*, Lhewari yerra-yasen-d amendad. Armi tekker i d-yuıal.

— Waqila teejbed-as.

— Yella kra i d-trebıed ? I t-yesteqsa Mezyan, akken ad s-yesseereq ameslay.

— Rrıı-d ayen urarey. Azekka ad neıred. Ma tfukked, kker ad nruı.

— Zwir !

Ter umnar n tewwurt, Lhewari izul yef wid yeqqimen din deg lqahwa.

Tameddit-nni, ata yejba-d *Maurice*, tadjajt n crab d lkas gar yifassen.

—*Houari* ! I d-isuy seg umnar n ufrag n uxxam n Lhewari.

—Kcem, kcem ay ameddakel-iw, mreḥba yis-k ! Tawwurt teldi. I as-d-yerra awal Lhewari s daxel uxxam.

—Mselxir fell-awen !

Yuy amḍiq yef yiwen deg sin yikursiyen-nni itteqluqulen, yersen sdat n tewwurt. Taqerret d lkas yesres-iten yef yiwet ṭabla d tabeztuḥt yellan din yef tama tazelmaṭ-is.

Ata Lhewari yeffey-d seg uxxam, yegla-d ula d netta, s tyellayt n ttay d lkas. Yal wa s tissit-is, yal wa s ddin-is.

—Acuyer ulac *Céline* ? I t-yesteqsa Lhewari.

—Textar ad teqqim deg uxam. Ahat yef leqdic. I s-d-yerra s wawal *Maurice*.

Lhewari, yebren-d yer Mezyan, imeslay yid-s s tutlayt n taerabt :

—Ihi, tebɣa ad ak-temlil iman-ik. Ruḥ ena-tt.

—Yerbeḥ a ccix Lhewari.

Mi yezdi lqed ad iruḥ, yetter-it-id *Maurice*.

—Anda akka ?

—Ad irafeq *Céline*, akken ur tetthas ara ḡḡan-t yirgazen.

—Gur-k lḥeq.

Akken kan yewweḍ Mezyan sdat n uxxam n *Maurice*, yuli tikeddanin-nni yemmugen s usɣar, sdat tewwurt yessawel i *Céline*. Yiwen ur d-yerri awal i usiwel. Yeldi-d yer berra tawwurt-nni n djaj, yedhem yer daxel. Isawel tikkelt-nniḍen :

—Massawt *Céline* !

—Aql-i deg tnawalt, ttheyyiy-d učči i Balka.

Tejba-d.

—D anta-tt Balka-ya ?

—Ah, d tidet ! D taqjunt-nney. Tettetdu-d yur-s akken tettmeslay, gar yifassen tettef yiwet tqessult.

Tenced-it ad ddaklen akken i sin, yer texxamt anda tella Balka.

Iwala Mezyan, adaynin yeččur d lmal.

—Ulli-ya merra nney. Nxeddem-d nesnuzu aguglu.

Mi tesres taqessult i teqjunt, tenced Mezyan ad yeddu yid-s yer umđiq anda sexzanen afermaj.

—Zemrey ad s-iniy i baba, ad ak-isexdem da yur-neý d ameksa.

—Ulac ara xesrey.

Ata amek tebda tmeslayt gar *Céline* d Mezyan, armi yuýal ixeddem yer *Maurice*.

Seg yimir lhırfa-s d ameksa. Netta yeyran amek seddawen lecýal yef lbabur, tura yesselhay lecýal n wulli. Yettu akk acu i t-id-yewwin. Meəna sebba tamezwarut s way-s yeqbel ad yuýal d ameksa, ur telli d tin n yidrimen neý n uxeddim ur nucaə. Tikkelt tamezwarut ideg iwala *Céline*, deg lqahwa anda mmegren awal. Seg yimar tuýal-as d iswi.

Deg yixef-is rwint tektiwin. Yettwali deg tewwura ldint-d, meəna ur yezri ansi ara yekcem. Neý ahat yekcem ur yufi tawwurt s ara d-yeffey.

D tikkelt tamezwarut i iwala Mezyan, amek ttrebbin tiyetten, da deg *La Provence*.

Deg unebdu, da deg *La Provence*, am tmurt n Leqbayel, imeksawen salayen lmal ikess, yer temnađin iwexmen, iherzent ałcic.

Mi ara yali Mezyan s lmal yer temnađın-a, yettyıma atas n durtat iman-is deg teẓgi, amsaæef-is anagar taqjunt Balka. Ma d aħnin-is anagar Rebbi. Saæa-saæa, jebbun-d imsebriden ney imexlal, kra suturen deg-s cwiṭ wučči, kra ttaken-as-d ; wa yettawi, wa yettağğa-d. Kra deg-sen d ifenṭaziyen, ur suguten awal, ad qimen ad sgunfun ur d-tettawiḍ lexbar alamma twalaḍ amḍiq anda yeqqim, d ilem ; akken i d-yusa i iruḥ. Imdanen-a, ula d Mezyan ur iştuqqut yid-sen ameslay. Wiyi d imdanen yuḡen tanumi d tsusmi. I Mezyan, wiyi meslayen-d ney gugmen kif-kif. Ulac lexbar yelhan ara s-d-ffin. Ma d lexbar yebya ad isel, yettraju-ten syur *Albert*, axeddam-nniḍen n *Maurice*, i d-yettalin berdayen deg waggur.

Mi d-yewweḍ wass wis-xmestac, ad yefk Mezyan tamezzuyt, ad yesmeħsis yer ljiha tamaddayt ansa ara d-yekk ssut n lħaref userdun i d-inehher *Albert*, i s-d-yettawin aæwin. Yestaḥlay Mezyan mi t-iwala ney mi s-yesla ; yettawi-yas-d lexbar n temnaṭ yezgan yer tama tanaddayt. Yesteqsay-it dima yef wid izewjen. Lħasun d lexbar yef *Céline*, i yebya ad isel. Mi isubb *Albert*, Mezyan ad yuḡal yer tyeṭṭen d Balka ad yebdu ad asen-iseftutus deg wawal yal wa s umur-is yal wa s sḍa-s, ad iḥetteb akken deg wussan yezrin, melmi ara d-yejbu *Albert* s lexbar d uæwin.

Tasebħit tekfa, ur d-yelḥiq ssut yettqaraæ Mezyan. Tameddit asigna yebda yettyummu tignewt, yewwet-d cwiṭ ugeffur, isebzeg-d lqaæa. Mezyan yenna aæṭṭel-a ahat yekka-d seg ubrid, mi yebzeg, tuæer-as talluyt i userdun. Zrint kra tsætin, lħal yesfa, yurad wayen yuraden, itij yettirriq, tiregwa deg yidurar sgerguren. Mezyan, gar leswat akk i t-id-yettlaḥaqen, anagar i yettraju yiwen : yekkat a d-yefrez ssut n lħaref userdun ara d-yenher *Albert*.

Taswiēt kan, Mezyan yesla i ssut yettraju. Yebda yesēinḡiq, ad iẓer d anwa-t wa i d-iteddun. D ayen ur yumin.

D *Céline* i d-inehren aserdun teqqim yef ccwari-nni uleẓẓaz.

Albert tikkelt-a yuḡen. Ata acuyer i d-tuli *Céline* deg umḡiq-is.

Mi d-tewweḡ, lḡal yedda. Yesteqsa-tt Mezyan acuyer i tēḡḡel. Terra-yas-d :

—Yeereq-iyi ubrid.

Tamuyli n Mezyan ur d-teḡcir deg *Céline*. Ur yumin iruḡ ad yeskiddeb allen-is. Ayen akk i tt-yurga, tura attan da sdat-s. Ters-d seg userdun, teddem-d amuziḡ i s-d-theyya deg uxxam. Mezyan yecba semēa, ibedd yebbajew am tfunast sdat tmacint, kra ur ittembiwil deg-s. Tenna-yas :

—Ahat ad tmeēneḡ kra, ad d-teḡreḡ afus-ik.

—Uuh, semḡ-iyi.

—Uḡay ur tumineḡ d nekk i yellan da, sdat-k.

—D tidet, ur uminey.

Yejleq-as aēwin gar yifassen-is, ma d nettat tefka asekkud i wayen akk i d-yezzin. Twala aqbub anda yeggan Mezyan, terra yer din tekcem, tufa s dixel sin yihiduren ssan, fell-asen tres tduli, d yiwet tzaēluqt d yileddi d ubeckiḡ eelqen yer yiwen yiggig.

Tebren-d *Céline* yer Mezyan, testeḡsa-t :

—Ihi da i tegganeḡ, ay ameksa-inu ameybun ? Ahat terfiḡ mi telliḡ da iman-ik ? Acu txedmedeḡ, acu tettxemmimeḡ mi teqqimeḡ iman-ik ?

—Reffuy mi ara d-tēdeddi terkeft wuccanen. Mi ara yili kulci yewzen dehhuy d *Balka*, d usmekti n wayen yelhan.

Mezyan yebya a s-yini, gganey ttarguy-kem, ttakiy-d gelluy-d s lexyal-im. Yenbeddal segmi i tt-iwala.

Tesakked tignewt, twala itij yebda yeskura-d azarig yer tyaltin. D leməalim n yid iteddu-d.

—Ugay ur zmirey ad uyalay tura ! Tallast ad iyi-tettef deg ubrid.

Mezyan yebya ad as-yini «ih», meəna ikukra.

—Akken walay, zgiy gar zebra d ufdis. Ulac ara m-yexdem yiwen : ur zmirey ad dduy yid-m, ad ggey lmal ad yuval d lefrisa i wuccanen ; ur qebbley ad tehwaɗ iman-im.

—Ihi da ara gney ?

—Amek ihi ? Ad am-d-ssuy s daxel uqbub, ma d nekk, ad debbreɣ aqerruy-iw. Ayilif tura, d baba-m ; saramey ur yettqelliq ara fell-am. Snɛi deg tallit-a n smayem uɗan wezzilit.

Mi teqbel ad tekk id din deg teɣgi, Mezyan yekker s tazla, yefsi-d cedd n tbarda, izuɣer aserdun yekkes-as srima, yeqqen-it yer yiwen wakti yellan s daxel usefreg n lmal, yeəna amɗiq anda snint tqermin, yegla-d s uɣemɣum d kra yesɣaren rɣiqit isezwar-iten yer lkanun, yuval-d yeqqim yer ljiha ixulfen tin ansa i d-itekk wabbu. *Céline*, tegla s tɛhellabt teəna tixsi tezzeg-itt-id.

Mi tessay tallest, lwehc yeyli-d, lmal inejbar-d yer daxel ufrag. Idurar yer lembeɗ tɛbinen-d am uzarig yer ljiha uyelluy yiɛij. Yekcem Mezyan yer uqbub, iheyɣa-d usu i *Céline*, yenced-itt ad truɥ ad tgen. Nettet tekcem, netta yeqqim sdat tmes, yesres tayellayt n lqahwa.

Tezri cwiɥ kan akka n tegnit, atta *Céline* tefɣey-d seg uqbub, tuɣ amɗiq sdat-s.

—Acu i kem-id-yessakin ?

—Yerwel fell-i yiɗes yerna swehcey.

—Qqim ihi ad tsuɗ afenɣal n lqahwa.

Mezyan isenser taħedduft yesres ʔef yiri-s, yesbur yis-s tuyat n *Céline*. Yerna yeddem-d kra tqermatin, yeqqim yesmentig deg tmes.

Am Mezyan am *Céline*, yal wa seg tama-s yebʔa ad imel aṯas n lecʔal i wayeḍ, maca wa ur yufi imeslayen s way-s ara d-isefsi tikersi.

—Yenʔa-yi usemmiḍ. I as-tenna *Céline*.

—Tura ad taʔ tmes, ad yenqes fell-am. Sber kan cwiṯ.

—Wicqa ma ʔʔareʔ-d ʔur-k ?

Mezyan iggugem, ur yettraju deg yimeslayen am wiʔi, yessaram aṯas-aya ad asen-isel. Lḥuman deg tfekka-s tura, yugar win d-tettakk tmes.

Ur truja ad d-yerr awal, *Céline* tuṯa ʔur-s. Mezyan yezzi-yas-d s yiʔallen, ma d nettat tesres aqerruy-is ʔef tayet-is.

—Ur testewḥaceḍ ara iman-ik da ?

—Aḥal-aya segmi teddreʔ iman-iw.

—Ṭhemleḍ lexla ?

—Ḥemleʔ-tt acku ayen akk yellan deg-s yecbeḥ yeṯfa yeṯsa. Deg-s tgelled lehna d talwit. D aya i sarameʔ ufiʔ-t. Da deg teʔgi mi igen umdan, ddunit-nniḍen tettaki-d tetteemmir tasusmi : ccna ucrured waman deg tregwa, aman deg yigelmimen ttiriqen s tziri wayur, wid akk izedʔen idurar teffʔen-d tṭhewwisen, skuran-d tikkwal ssut isenʔajab, ad tesaḍ i yicigwan zehren mi ten-ihuz waḍu, aḥci igemmu. Akka, ass yeʔmer s yimdanen, iḍ s ʔʔawsiwin-ines.

Sekren taqerruyt ʔer tqerruyt. Mezyan iḥekku-d timucuha-s, ma d *Céline* tettefriwis teddeḥḥis-d iman-is ʔur-s ṭhennec-it. Bdan tameslayt, s usteqsi amezwaru n *Céline* :

—Sliʔ, tella yiwet leadda ʔur-wen, anda tametṭut terram-tt d tallest, argaz d tafat. D tidet ?

—Ugaɣ teɣriɖ aɳas ɣef tmurt-iw ?

—Xaɳi, meslayeɣ aɳas d baba ɣef tmurt-nwen. Baba yessen-itt, din i yesɛedda lɛesker-ines.

—Acuɣer i m-d-imeslay ɣef tmeɳɳut, mačči ɣef wayen-nniɖen ?

—Ahat yuged fell-i.

—Weh mazal-ikem mezzɣiyeɖ ?

—Uh ! Ttreɣ-k-id akken ad fehmeɣ taswiɛt tesbureɖ-iyi s yisteqsiyen.

—Tura ad am-d-rreɣ. Neqqar tameɳɳut d tɳlam, argaz d tafat...

—Imeslay-iyi-d dayen, ɣef yiwet iwumi tsemmam Guraya.

—Tameɳɳut-a, akken laɖya uran wid yetnadin amezruy, d tin yennuɣen ɣef tmurt, teddem slaɰ ɣer yidis n Σerruj akked Barberrus, tennuɣ mgal amnekcama aspenyuli. Akken dayen i d-qqaren d tisetmatin deg tlata yid-sent : Guraya teqqim di Bgayet anda i s-yefka lijaza Sidi Σabdelqader ; tis-snat d Jewa, laɖya adrar-a anda tezga, semman-t fell-as ; taneggarut isem-is Timezrit, tura tebna din yiwet tɣiwant yuɣen isem-a. Acu kan aya, mazal yeqqim d timucuha ulac anza amassan i wayen i d-mliɣ akka. Ar tura wa i d aɣilif deg tmurt : ur newwiɖ ara ad naru amezruy-nney. Akka cubaɣ ad tettwaqenɛɛɖ s lqima nefka i tmeɳɳut.

—Akken walay, ugaɣ teɣriɖ ? I s-tenna.

—Kecmeɣ tasdawit.

—Acu teɣriɖ ?

—Lecɣal n wallel.

Iɛedda-d yiwen yitri. *Céline* tebɣa ad tbeddel tameslayt akken ur t-tessefqae ara.

—Tezriɖ dacu-t wa ?

—Wa qaren-as itri iteddun.

—Nekkni, nettawi-d fell-as lfal ; ma yessay s tafat-is tarwiht, ad truḥ qbala yer ljennet. Txedmed yakan d ameksa ?

—D tikkelt tamezwarut. Nekkni yur-neḡ, d aneggaru d win yenḥafen deg taddart i yettaqqalen d ameksa.

—Acuyer i teqqleḍ d ameksa, kečč ?

—Anwa i m-yennan ur nḥafey ara ?

Tesusem, terfed aqerruy-is yer yigenni tessikkid deg yitran.

—D tikkelt tamezwarut i walay anect-a n yitran. Tessneḍ akk ismawen-nsen ?

—Wid ilaqen ssney-ten. Triy-ten deg tesdawit. Sikked : wihin i ten-yugaren deg ttireq, qaren-as itri amassna³, ma tærqeḍ deg lebḥer ḍfer ljiha anda yella.

—I wihin ?

—Winna, sawalen-as awari⁴.

—D anwa i d itri umeksa ?

—D wihin. Fer yimeksawen d win i d itri icebḥen : mi d-iban tameddit, d lemɛalim n unejmuɛ n lmal, mi d iban tasebḥit d lemɛalim n twaffya n lmal.

—I wihin, isem-is ?

—Winna ur yelli d itri n lqaea, winna sawalen-as Tamawayt⁵.

Kra yessefham deg-s, *Céline* tettazeḍ-d tetthennic-d yur-s, taqerruyt-is tebda tettazay s nadam yef tayet n Mezyan. Mezyan iḥulfa s lḥuman n ugerbuz n *Céline*. Tkemmek akken asteqsi s tayect sellaw, ma d imi iteffi-d awalen amzun tekken-d seg wadda i wanu.

3. *Etoile polaire*.

4. *Grande ours*.

5. *Venus*.

—I kečč, amek i tettwalađ tameřřut ?

Mezyan, iger taqerrumt taneggarut yer tmes. Yerfed-d ixef-is, isakked itran deg yigenni, yenna-yas :

—Deg tallit-a, ttwaliy tameřřut am yitran yessayen igenni, wagar-asen, wa tiziri-s tucae wa tenqes.

Tecmumeh, terra-yas-d :

—Mi ara tebyuđ tettuyaleđ d amedyaz.

Azekka-nni, ssut ugama ibeddel. Itran yettwazereen deg tignewt am tejlibt n yizamaren deg uřriq, tfeğğigen s tziri, acemma acemma ttisliwen armi ttwaččen s tafat wass. Ssut ugama ibeddel ; ifrax čewčiwen, lmal yebda ařritet. *Balka*, tuza-d yur Mezyan am tin yebyan ad tezzem deg-s, ad astini : «it-azri tbeddled-iyi.»

Iqeddem yer tkeddust n yiswaren, yeddem-d kra tqermin, yerna-d asařur i isezwar yer lkanun, yessař times. Yeena amdıq anda rsen igerwazen yeddem-d tařellayt d tħellabt, yeddem-iten-d, yerra yer yiřzer isukk aman řef yifecka, syin yeččur tařellayt d aman, yerra yer třetřen yezzeg-d ayefki, yuřal-d, yesres tařellayt řef tmes, yeqqim.

Atta tuki-d *Céline*, tegla-d s tađsa řef tcenfirin-is, tamazed. Tezdi-d lqed, terra yer yiřzer ad tesired. Mi twala Mezyan yezwar-itt yer leqdic, iheyya-d kulci, tsared truħ-d yer tama anda yella Mezyan. Kra tettembiwil, Mezyan, yeqqimen sdat tmes, yetteeyyir deg-s s usekkud. Yettwali-tt zun d yiwen deg yitran n *it-azrin*, i d-isubben, acu kan wa ur yuřal ara.

Teqqim-d sdat-s, teldi-d takemmust sway d-tegla mi d-tuli, tekkes-d kra n tziđanin. Swan akken afenğal n lqahwa s uyefki. Mi kfan, *Céline* tenna-yas :

—Ad ak-d-rnuy cwiř lqahwa d taberkant ?

—Awi-d ttıl-m.

Tger iɣil-is teddem-d taɣellayt yersen sdat tmes, teččur-as-d afenğal.

— Ihi lhırfa-k d abeħri ?

— Ih, xedmey yiwet tikkelt d abeħri, assa ɛerqey-d deg lmuja-m, ur d-ffıyey. I s-d-yerra s wawal Mezyan s taɣsa yerna yezda-d s lhenna n taɣect.

— I tura mi tekfiɗ taksawt n lmal, acu tettwaliɗ ?

— Mi d-ħellıy kra usurdi, ad aliɣ yer *Paris*, ad nadiɣ yef gma.

— Ur bıyıy ara ad truħeɗ.

— Ula d nekk, ur bıyıy ara ad ruħey, meɛna am kemm am nekk ur nesɛi lxetyar.

Tezdi lqed-is *Céline* teɛna amuziɗ sway d-tegla, teddem-it-id, terra yer s daxel-is iqeccucen i d-tewwi. Mezyan dayen, yekker-d ula d netta, yerra yer tbarda yeddem-itt-id yesberdeɛ aserdun.

Céline sufella userdun, bdan ttsubbun aksasar-nni yezgan din. Kra uquddim ara iger iserdun, igellu s lecɣal sufella uzagur, irennu idɣayen ddaw lħafer, i yettegririben, zun ttafaren deg-sen.

Ma d ul n Mezyan, ğğan-t-id yezmek yeħzen, ugar ɛad tikkelt-a. Yettaɥtaf amɗiq akken ur yettħerrik kra deg-s neɣ sdat-s, ur iserwal ara ssut i d-seggrayen.

Mi tezri tallit n teksawt deg yidurar anda yella uħcic, ata isubb-d Mezyan yenher-d tajlibt yizamaren.

Mi isekcem lmal yer udaynin n *Maurice*, iqeddem s axxam, ahat ad yemlil d *Céline*. Sdat tewwurt, yemlal-d yiwen urgaz s clayem dewren am wid n *Georges Brassens*, yettef tabyirt ijeɣyem deg-s, gar tcenfirin iɛelleq usebsi. Isellem fell-as, yestaqsa-t : Ulac mass *Maurice* ?

— Kečč i d ameksa iɣef yi-d-temeslay *Céline* ?

— Ih, d nekk. I kunwi, d anwa-kum ?

—Nekk, d xali-s.

—Mreħba yis-wen.

—Ad ak-d-iniḡ, mreħba yis-k, kečč dayen. Meena, am kečč am nekk, yiwen ur yelli deg uxxam-is. Acu kan axir ma necba imdanen yelhan i yettarran awal d aziḡan. Kcem ad tesirdeḡ. Ma d nekk, ad d-rnuḡ tabyirt. Ad ak-d-gluḡ s yiwet ?

—Ala a mass. Ad ruħeḡ ad steqsiḡ ḡef Lhewari. Ačħal-aya segmi ur nemḡer.

—Sarameḡ tameddit-a ad d-tuḡaleḡ ad nečč imensi.

—Ma tnecdem-iyi ur d-qqareḡ ala.

—Ihi atan tettwanecdeḡ seg tura. Ma uḡin at uxxam ad nečč nekk yid-k di berra.

—Ar taswiēt ihi.

Mezyan yettēf abrid ḡer uxxam n Lhewari. Mi yewweḡ, yebda asqerbeb. Ur d-yettuḡal ssut. Isejba seg ttaḡ, ur yettħerrik kra deg uxxam. Yettēf abrid ḡer tħerna. Ahat din ara yili. Yewweḡ ulac la Lhewari la *Céline*. Yesteqsa amēallem ḡef *Céline*, yenna-as-d : «Tfuk lxedma». Yuḡal-d armi d uxxam n *Maurice*.

Mi d-teḡra *Céline*, Mezyan iteddu-d ḡer lembeēd, tuzzel ḡur-s s lferħ, ddaw tmuḡli n xali-s, ibedden ḡer umnar n tewwurt. Itij, deg yidurar, imal ḡer uḡelluy, izarigen i d-yeskura cban taftilt n tcemmaēt mi truħ ad tekfu.

Msalamen s lferħ i d-yugmen aḡas uraqi. Mi d-leħqen ḡer umnar n uxxam anda ibedd xali-s, tenna-yas i Mezyan : Wa d xali. Sawalen-as *Michel le Breton*. Yenna-yi-d temlalem yakan, yerna yenced-ik-id ḡer yimensi.

—Ur sēiḡ lxetyar, xersum. Ur ufiḡ Lhewari. Ma ur ččiḡ da, ad subbey alamma d tħerna.

—Yenna-yi-d xali. Ma ur neḡbil s uncad-inek, ad teddaklem ḡer tħanut wučči deg berra. Ihi d nekk, ara wen-

id-inawlen učči, yerna s lferh. Sya ar d-yajed, atan a Mezyan ukursi ad teqqimeđ. Ad ak-d-awiy kra ad tsuđ ?

—Xaři. Byiy ad cfey, ma yella wamek.

—Yyan.

Akken i sin teddun yer s daxel n uxxam, Mezyan yesteqsa-tt yef baba-s anda yella. Terra-yas-d isubb ad iwali anda tewweđ suma n uguglu, akken ad iwali ma t-yexdem ney ur ittenettab ara fell-as. Kecmen yer tcacast. Mi tekfa aheyyi n leqcuc n tucfa, netta yeqqim din, nettat tef Fey-d terra yer tnawalt.

Qimen-d ad ččen. Tesres-d *Céline* imensi. Theyya-yasen-d *la paella*. Gar rruz d zeefran d yifelfel qerrihen d tebselt, rnan-d yiqemrunen⁶ d tmusrunin⁷ d yimermaden⁸ tqeslabin d dwaxel uyaziđ, kulci yedhen s zzit uzemmur. Am Mezyan am *Michel le Breton*, yennumen tetten iman-nen, am *Céline* yettxiqen, irkel, ufan iman-nen ass-a.

Mi kfan učči, qimen akken di berra, yal wa s lkas. Bdan aseftuti deg wawal. Tebda-d *Céline* : Axeddim n xali d abehri. Hku-yağ-d a xali kra tmucuha yedran yid-k.

—Raju a *Céline*, a yelli tamectuht, ad nwali acu yettxemmim yinebgi-nney umbeed ad neldi tiwwura i tmucuha. I s-d-yerra awal *Michel le Breton*. I kečč, acu i k-d-yewwin yer Fransa ?

—D tewnef. I s-tenna *Céline*.

—Akka ?

—Akka. Ad rnuğ ad nadiğ yef gma ijaħen da di Fransa, ma yella mazal yedder, ur yemmut ara ddaw tqentert.

—Ma tebdid anadi yef uxeddim, ma tetsellikeđ aqerruy-ik deg lecğal n wallel, steqsi-d fell-i di *Brest*.

6. Aqemrun = *crevette*.

7. Tamusrent = *langouste*.

8. Amermad = *calamar*.

Nezmer ad nexdem jmiε. Akken walay, nezmer ad nemlil deg lœeqliya.

—D ayen i yriy di tesdawit. Ihi nezmer ad nexdem akken jmiε, ma zgiy-d yid-k di lœeqliya.

—Aha, a xali. Awi-d kra tedyant. I tenna i xali-s akken ur s-yettawi ara Mezyan.

—Ruḥ qbel, rnu-d yiwet tqeræet a yelli. Mi d-tuḡaleḍ, ad am-d-bduy tadyant n tegzirin *Seychelles*.

Mi tekker, *Michel le Breton*, yenna i Mezyan : « Tuged ad ak-akrey i nettat ». Yekkes yiwet n tifert n lkayeḍ seg ljjib, yegzem-d cwiṭ deg-s, yura fell-as tansa-ines, imud-itt i Mezyan : « Atta din tansa d numru n tilifun-inu. Fer-itt, sya ad twali-tt, atta tuḡal-d ».

Imar kan ttwaqnen s wawal wagar-asen.

TABABURT SKALA

Tababurt Skala, telheq tura yer yiwet tkeddust n tegzirin yezgan sdat n *les Açores*, deg tlemmast ugaraw.

Skala, d tababurt n *Michel le Breton*. Tecbeḥ, tejhed, deg teẓzi, talɣa-s tbedd am tin uɛudiw, ma deg tikli tecba zayla n tḥerrat.

Michel le Breton, bab n ttaburt yeqbel yal axeddim i d-tmudd tegnit, awi-d kan ad d-yaf sebba n twaffɣa ugar ɛad ma llan deg-s isurdiyen. Yehmel aṭas ilel armi yessaram ad yemmet ad yemḍel s daxel waman-is, ma d Skala ad as-tili d lekfen.

Mezyan yesteqsa-t : Acuɣer yettḥef deg ttaburt-a taqdimt yettmuruden, deg tallit-a tamirant anda medden ttazzalen ad d-rebḥen lweqt ?

—Lxilaf gar imdanen-a d nekk, yezga deg tayri. Nutni seg wid iḥemlen ttazzalen yef udrim. Nekk, tayri-w tsenned yer ttaburt d lebḥer qbel usurdi. I s-d-yerra awal.

Azal n settin yiseggasen deg ticett n *Michel le Breton*, iɣes zur, ɣas akken lqed ɣezzif ma d iḍarren-is wenɛen tarusi yef lqaɛa. Asebsi dima yezga deg yimi-s ; s clayem yesɛa yettak ccbi acennay *Brassens*.

Yerfed tiṭ yexzer mebeid, yewwi asebsi yellan deg ufus-is yer tcenfirin-is. Yeẓra yiwen usigna ur s-yeɛjib, yejbed nnefs deg usebsi ; yebren-d yer Mezyan, yellan ibedd yer yidis-is ayeffus. Din-din mmifhamen s usekkud, ayen i d-iteddun ur ten-ireḥhem.

— Akken walay asigna-ya ad d-yeffi anagar lɣimra⁹.
 — Xaṭi !
 — Amek ala, a lqebṭan ?
 — Nniy-ak xaṭi, mačči d takeddust-a n usigna ara ɣ-
 iæṭṭlen.

D wa i d aɣbel n *Michel le Breton*. Ɛas ur yeḥmil ara tazzla, meɛna ur yelli seg wid yettɣeyyiɛen lweqt. Tteɛbiya wassa d tissent ara yawi seg lmersa n *Brest* ɣer *Karulin wadda*. Ilaq ad yaweḍ deg ttiɛad, acku deg lmersa-nni ttrajun-t yimsenza. Syin dayen yella wayen ara yerfed.

Ur yesɛi lxetyar, ayen yuran ad iɛeddi. Ilɛl ur yeḥbis alebbed.

Ata yelḥeq-iten-d usigna yegla-d s lɣimra d aɛwin. Tababurt Skala tuɣal am yifer yerfed waḍu yetthubbun d lmujat yesferfiṭen. Tṭfen-t am lefrisa i d-ɛnan yiɣersiwen sewḥacen, ma d Skala teṭṭef dmam. Mi d-tejba yiwet lmuja tugar timezwura, ters-d fell-as, ssut uceqqeq yejga ibedden deg tɛaburt yeyleb zhir tesker lɣimra. Anagar ara yekfu ssut uceqqeq, ad twalaḍ iceqfan yerfed-iten waḍu. Cwiṭ-cwiṭ armi tababurt Skala temsawa d yilel. D aya i iselken tababurt deg uzdar : ayen akk ara d-yezgen i lɣimra yeddem-it waḍu.

Liḥala sufella n tɛaburt texser, deg lqae-is aman ɛummen, xelḍen d tissent. *Michel le Breton* yendeḥ ɣef yibehriyen ad d-awin lpumpat, ad wexren ɣer deffir ad d-jebden aman.

Ibehriyen bdan alhaḍ d uqlileḥ. Mi bbɣen ajeɛbub deg waman yezgan deg lqae n tɛaburt uɣalen-d ɣer tbernatin i d-isekkfen salayen-d aman. Ur ḥebbsen alamma ɛyan iɣallen, neɣ ḥulfan s wul d turin bɣan ad tredqen. Mi teɛya

9. *Tempête*.

terbaet ad d-tuḡal tayeḡ ad tt-texlef, ad tejbed aman
alamma teeya tfekka.

Ass yemmed lymra tesferfiḡ deg-sen. Mi terked cwiṡ
lyimra, ibeḡriyen afen-d talwit, ad walin ayen yeḡran. Ur
d-yeggri kra yelha sufella n ttaburt ; kulci tesusef-it-id
lyimra d asawen, yeqqen lweeḡ d lmuja yedda.

Mezyan gar yibeḡriyen yettnadi anda ara yaf talwit.
Aḡlil win yeḡran aḡlil win ur nezri. Sin wussan nutni d
aneccef d usali d uwezzeḡ deg waman. Ayen walan akka
tura, ileddi-d tiwwura i lexsara yerna iteffi-d aqḡae n layas.
Taswiṡ kan aman n yilel ad summen Skala ḡer s daxel.
Tababurt am lḡeyya izeddren tettnaḡ d lmut, ad d-tali.
Mezyan, gar yibeḡriyen-a ixussen deg termit, yessikkid
yettnadi yessaram talwit ansa ara d-tekk. Wwten ad d-
sekkren amutur n ttaburt, ur d-yettarra, ula d askeḡkeḡ ur
d-yeskeḡkuḡ akken ad ḡemḡen ahat ad yecḡel. Teḡra yid-
sen am ubucluc gar yiḡuraf. Liḡala-ya terna-d agam n facal
i yifadden.

Tura lḡal yenbeddal, lymra truḡ teḡḡa-d later-is deg
ttaburt, itij yuḡal-d yettreqriḡ sufella waman, agaraw
yerked. Mezyan isakked ḡer lembeḡ, isuy :

—Walit ḡer sdat, yettbin-d lbabur !

Ibeḡriyen d tirni, refden-d ixfawen-nsen, sakkden ḡer
ljiha anda iwehha Mezyan. D tidet. Walan lbabur
yettmurud-d ḡur-sen. Mazal ur uminen, ugden teḡlellin s
yiṡij neḡ tamuḡli tluḡ ur tferrez gar tidet d tkerkas. Ugden
ttwalan s wallen uwermi, ayen walant ad inerni.

D tirni-nsen ḡebsen leqdic, mkuddasen ḡer deffir n
wayen i d-yeggran deg ttaburt Skala, sikkiden metwal
lbabur-a i d-iteddun ḡur-sen. Kra-nni n tuysa yezgan deg
yibeḡriyen, yerna-d fell-as n lferḡ. Tura bdan ttzeqliden.
Lbabur ileḡḡu-d metwal-nsen.

Kul εemmal yettqeddin-d, lbabur yettimyur gar wallen-nsen. Tura yeqreb nezzeh, ilaq ad d-yesres tiflugin yef waman. Meena lihala tessewham tuyal tessewhac ; ula yiwen ubeħri ur d-isejba seg lbabur-a iteddun.

Mezyan ibat, yesteqsay deg yiman-is :

— Acu ixeddem akka ?

Ibeħriyen d tirni bbajwen. Ulac win yumnen gar-asen ayen yettwali. Kuffren, ttsuyun akk s wurfan. Yiwen gar-asen s lƳid, yettmeslay d lbabur :

— Ttxil-k ħbes, uyal-d Ƴur-neƳ !

Lbabur s tikli lwayet, iεedda ur d-yehbis ara, ur yesli ula i yiwen. Am win yebƳan ad yesqecmee yis-sen. CwiƳ-cwiƳ, zzaren-t yettibεid. Ibeħriyen n ttaburt Skala sikkiden deg lbabur d tamendeffirt irewwel fell-asen. Yefka-yasen lweqt ad Ƴren isem-is *Tiziri*.

Mezyan yessnen lqanun n tikli n lbabur deg waman, iqummec, yerra ixef gar yifassen, yebda asmermeg i yiman-is : « AcuƳer yexdem akka, anay yeƳra-yaƳ-d ? »

Michel le Breton yeεqel d tikkelt tamezwarut yeħsel Mezyan deg lebħer, yeƳar-d, mi d-yewweɖ sdat-s, yekna-d, yenna :

— Labud ayen teƳriɖ neƳ ayen tebyiɖ, d wayen iderrun deg lebħer d sin lecƳal xulfen. Ur ttayes ara, akken i d-yejba wa ara d-yejbu wayeɖ. Am wass-a ad nsu lkas lbira gar yifassen, idarren rsen yef wakal. Zdi lqed-ik !

Ihuz-as tayet s tiyiti n tegmat.

« AcuƳer ur d-yehbis ara ? » i yesmermeg *Michel le Breton*, awalen gar tcenfirin-is. Ula d netta iħar, maca yugi ad d-yesken i yibeħriyen yettwaqelleq deg wayen yettwali. Ur yelli deg lebƳi-s.

Lbabur *Tiziri* asmi yeffeƳ seg lmersa, yerra Ƴer tmurt n *Gambie* anda yesres leqden sway d-yegla, syin iεebba-d

tigelmatin i t-yettrajun. Abrid yelha, allel yerked, bihenfih yewweḍ s amḍiq. Fer tewwura n lmersa n tmurt-a, rayes n lbabur imuger-d aḥlif ur yezmir yiwen ad iqabel ; Lehlak tterka yessayen deg tmurt-a. Bab n leqden izuḡer-d kra yirgazen, sersen-d selea deg lbabur Tiziri, syin yetṭef abrid berra i lmersa, iruja ar d-taweḍ nuba-s ad yerfed selea-ines. Ixeddamen ara d-iṣebbin tigelmatin ur d-yufi yiwen. Ilaq ad igani din alamma banen-d. Rayes yeḡra akken siḡzifen tallit i d-ttfuktin yiḡlifen. Anagar ssber i d aḥbib, ulac ara yexdem. Armi zrnt tlata n durtat s wamek i iṣebba tigelmatin.

Azekka-nni tasebḥit lbabur Tiziri yeqlεε. Rayes ixuyel sin yibeḥriyen uḍnen ; sellawit taglimt tbeddel nnila. Anagar ddan cwiṭ s daxel ugaraw, liḥala s daxel lbabur tenneqlab. Tuget yibeḥriyen mmuten. Gef lbabur ulac ṭbib. Kra n tegnit kan, lmut tuḡ gar yibeḥriyen. Ula d rayes tegla yis-s.

Lbabur Tiziri, kra ineḡḡer abrid, liḥala s daxel-is tettibrik, ibeḥriyen tteḡlayan yiwen-yiwen am yizan. Acemma-acemma lbabur isenqas arured, ulac aṭas yibeḥriyen ara yettkelfen s lecḡal s daxel. Tiziri yuḡal am nεac sedhayen zuḡuren waman d waḍu akken byan, anda byan.

Sufella n lbabur ggran-d anagar tlata yibeḥriyen, ttemεetnayen ddelwiḥen sya ḡer da, lbabur yebren ḡer tama tamaddayt. Din xersum yegget rwaḥ d tuḡalin n lbaburat. Qimen kra ad sgunfun, mi tezri kra n tsaεet anagar yiwen i d-yekkren ; sin-nniḍen qumcen muten akken. Seg yimar, lbabur Tiziri, yeḡna s wuṭṭi d waman ḥlawen, yexla s yimdanen. Sferfiṭent deg-s lemwaḡi.

Abεḥri d-yeggran sufella n lbabur yesred, ḡur-s aḥal-aya segmi yeḡḡaε layas. Tura yettnadi amek ara yesεeddi

tagnit. Taswiɛt yesla i leɣyaɖ. Yumen ur yumin, d tidet ney d targit ? Iwenneɛ-d iman-is s uqummic, yesmuzgut ad yeɣqel ma asuɣu-ya yella ney yesmerjeji-t yiɲij. Yuzzel yer sdat lbabur, yessakked ur d-iban wayra, yeɖfer akken rrif-rrif armi d ljiha tanaddayt. Iwala tababurt Skala yer deffir. Ibedd am win yettɛf kerraf. Zher-is glan yis-s waman. Ayen yuɣwaɣ yewweɖ-d armi d sdat-s, iruɣ.

Yettwali azgen n tɓaburt i d-yeggran, ɲffen deg-s ddmam kra yibɛɣriyen, gar wallen-is ttibeiden. Allen-is gelment s yimeɲɲawen. Iɣaɖ-it lɣal, iɣulfa teɖra yid-s am unagam nyan waman. Lbabur Tiziri, itteddu mexlaf amɖiq anda tella tɓaburt Skala. ɤas akken sellaw s ɛeyyu, yejmeɛ-d ayen i s-d-yeggran d tazmert, yuzzel yer ljiha anda tella tfuset n uweɣɣeh n lbabur, yebda idewwir deg-s. Igernen ula i yexdem.

Abeɣri ineggez s lferɣ. Cwiɲ-cwiɲ lbabur Tiziri itezzi-d armi d-yuɣal yer ljiha anda tezga tɓaburt Skala, yettwafesren ɣef ugaraw. Tura yessal i yibɛɣriyen ttsuɣun, ttejtitiɣen.

Anagar *Michel le Breton*, i yeqqimen yettweɣɣid, ur yefhim ayen yettwali. Yeɣra kra yella, meɛna d acu-t ? Yeɣqel belli wid yellan s daxel ɣran-ten-d, mi d-yejba tikkelt tamezwarut lbabur. Yefra, yegzem tikti, yenna ula d lbabur-a yezga deg-s uɣilif.

Acemma-acemma, zun iɣebbu, lbabur yelɣeq-d, ibɛɣriyen slan i snasel uɣur yeqqen umeɣber. Tura tteklen, dayen selken.

Isejba-d ubeɣri-nni, gar yifassen yettɛf asawaɖ, isuɣ-d :

— Aql-i iman-iw ɣef lbabur.

Michel le Breton, yesddukel ifassen-is, yewwi-ten yer yimi, isuɣ :

— Acuyɛr ?

—Mmuten akk... s lehlak...

Ibeħriyen zeyben, cerēen deg wallen-nsen. Abeħri yef lbabur Tiziri, ikemmel-d ameslay : « Ruħet-d s tuccfa ».

—Ur ħsiy ad d-nawed, iyallen-nney fecclen. I s-d-yerna awal *Michel le Breton*.

Mezyan isuy fell-as :

—Acu s-teqqaređ akka ? Weh liħala ideg nella tugar tin i y-yettrajun. Nekk, ad ġelbey yer waman, ma wwdey a rbeħ a tafat ma mmutey ad llzey.

Ineggez Mezyan yer waman yebda lēum. Wiyidnin đefren. *Michel le Breton*, itettru yef liħala n yibehriyen d tbaburt-is. Mi d-yeggra iman-is yenna : « Yesēa lħeq Mezyan ».

Ikemmel ula d netta ineggez yer s daxel waman.

Ʀef lbabur Tiziri, lqebtan *Michel le Breton*, isuter abehri i d-ufan yedder, ad as-d-yefk attafttar n lbabur, anda urant merra tilufa yedran sufella n lbabur. Abeħri yuḡal-d gar yifassen, yegla-d s uttafttar. Imudd-it i *Michel le Breton*, isedfer-as-d s wawal :

—Ussan-a ineggura d nekk i yettarun ayen yedran.

—I yibehriyen yemmuten ?

—Đeggrey-ten yer waman. Ur seiḡ lxetyar.

—Zriḡ, ur tesseiđ lxetyar. I s-d-yerra awal *Michel le Breton*, akken yeqqar deg uttafttar.

Ma d ibehriyen n tbaburt Skala, yuḡalen tura d ibehriyen n lbabur Tiziri, atena bdan ttreqqisen ayen yerzen.

Lbabur Tiziri, yekcem lmersa n *Boston*. Amēllem n lbabur yuli-d, ur yeeqil yiwen deg yibehriyen-is. *Michel le Breton* yakk d ubeħri n lbabur Tiziri, imenēen seg lmut, uḡan-d ḡur-s. Ĥuzan iman-nsen yer rrif, qqimen, mlan-as tidyanin yedran yid-sen. Sersen-d sselēa. Din-din fran lecḡal : amēllem yeqqim s lbabur bla ibehriyen ; *Michel le*

Breton yeggra-d, s yibehriyen bla lbabur. Mifhamen *Michel le Breton* ad yuḡal d lqebṭan ʔef lbabur Tiziri.

Ibehriyen i d-yeddān deg lbabur Tiziri, s lxiq i d-yersen fell-asen, mi yekfa asenked deg-sen ṭbib, rran ʔer lbiru anda i ttwaxelsen, rnan wwin-d bermesyun n twaffʔa seg lmersa. Anagar i ten-terra tewwurt n lmersa ʔer berra, yal wa anda yendeḥ s wul iqeslel ad yekkes jjiq d lxiq.

Mi kfan tumla n tmacahut yeḍran d tbaburt Skala d lbabur Tiziri, *Michel le Breton* d ubehri rran ʔer yiwet n tzeqqa, mudden-asen-d kra n lekwaḡeḍ stenyan-ten. Ixeddāmen n lmersa n *Boston* zuḡren lbabur ʔer tzeqqa anda ara yettwaneqqa.

Mezyan, ixaq ad yeefes ʔef wakal, ixaq ʔef tiddi ʔef wakal. Anagar i d-yeffey seg lmersa, yetṭef azeglal¹⁰ i t-id-iqublen d aqibal.

Iberdan n Lmarikan ugaren wid n tmura-nniḍen. Iberdan-a, wid-nni i ten-išemren ʔas agerbuz yella ma d leeqel yezga anda-nniḍen, neḡ tiṭ teldi ma d asekkud ulac-it. Šemren s ssut, uḡalen am uṭufan yesgerwizen deg leqcuc ʔef yimawlan ad as-d-ttwilhen, ur tettettun. Iberdan da wessieit, ʔezzifit, ččuren s tkerrusin, aḡbas ulac am yiḍ am wass, sbeḡ-meddi, tafat ur tnessi, tiḡuna ldint d tirni. Deg ubrid, mi tecēel d tazeggayt, tikerrusin ad ḡebsent, ad d-ḡḡent azrug, din-din ad išemmer s yimsebriden. Mi tecēel d taḡcicit, bihenfiḥ azrug ad yeybu. Akken tebyuḍ trefdeḍ ixef-ik, alamma tēuj tēenqiqt-ik, werḡin ad twalaḍ tiqantucin n lbatimat yeyban deg lieli zun rant ad xebcent igenni.

Tudert di tmurt n Lmarikan, tecba tin n tmacint n lluzin ; siwel tetteddu, ayen yezdin ʔur-s ad iḡerreḡ. Mezyan

10. Boulevard.

yedha s tlelli sway iħulfa deg temdint-a tageɛmirt n *Boston*.

Tizenqatin da, ttemɗillint ur ttemyagarent, ɣas ta tqubel tayed, ma d timyigert n yimezday-is, werğin ad mlilen. Tal tazniqt s leħkem d lħakem.

Mezyan iħus i usemmiɗ i d-yeglan s llaz, yuɣal-d d tamendeffirt, yecfa ɣef yiwet n ttberna teqreb lmersa, yeğğa-tt ɣer deffir. Yegzem d rray-is ad yerr ɣer din. Tugett n wid i d-iqesden ttberna-ya d ibeħriyen.

Yeldi tawwurt n ttberna, imuger-it-id lħuman yakked zhir irekkmen s daxel, ad as-tiniɗ d iski n tutlayin, yal lğens yella din, lebbɗen akk s tmeslayin; hah d tahendit, hah d taglizit, hah d tacinwat... Mi t-terra tewwurt ɣer s daxel, yezzi-d s usekkud i ɗablat d ukuntwar, iwala ɣer ljiha tazelmaɗ lqebɗan *Michel le Breton* ibedd sdat ukuntwar. Yefreħ mi d-yufa amsaɛef. Yerra srid ɣur-s.

Michel le Breton, izeyyed-as kra deg tissit. S taɗsa, yenna-yas Mezyan :

—Azul a lqebɗan.

—Ah, Mezyan, nwiɣ tɛerqed. Ad ak-xelseɣ tabyart-nni i k-weɛdeɣ ɣef ttaburt. Jbed-d akursi. Qim.

Yendeh i uqeddac ad d-yawi tabyart i Mezyan ad d-yernu i netta lkas n lwiski.

—Nekk, usiɣ-d ad ččey.

—Ula d nekk mazal ur ččiɣ. Tura ad nečč jmiɛ. Tessawleɗ i *Céline* ?

Mezyan yedhec isetha. Deg ljiha-nniɗen yefreħ mi t-id-yesmekta ɣef kra yelha. Akken ad yegzem tameslayt ɣef *Céline*, yerra-yas-d awal s leħya :

—Ula kra n tdukli gar-aneɣ a lqebɗan. Nniɣ-ak ruħey ad kksey jjiq n tikli taswiet dehceɣ, brusmey dhiɣ s tzenqatin n tmurt-a.

Michel le Breton yefhem mačči d lɛada i Mezyan, imawlan n teqcict ad meslayen yef yelli-tsen i yiwen-nniɖen. Ula d netta yegzem awal.

— Twalaɖ ! Mačči am *la Bretagne*, liɣala-s terked.

— Mačči am tmurt-iw dayen, liɣala-s tgen.

— Tecfiɖ yef ttberna-nni deg *la Bretagne*, anda nemlal tikkelt tamezwarut ?

— Cfiy a lqebɗan. Waqil tzeydeɖ-as cwiɗ deg tissit.

— Anagar mlalent wallen-nney, cgen-d kra wawalen seg yimawen, din-din nemmezg-d, yeɣmel-ik wul-iw.

— Akka a lqebɗan.

— Xaɗi, deg wass-a, sawal-iyi-d *Michel* kan ! I s-yegzem lhedra, akken awalen slugluɖen deg yimi-s s šakra. Meɛna sebba tamezwarut n temlilit-nney d *Céline*. D nettat i yi-d-yennan yur-k aselkin n ubehri. Ilaq ad as-tayeɖ kra n terzuft. Ney mulac ad tefqeɛ fell-ak.

D tidet, ula d tikkelt ur s-isawel Mezyan s yisem-is.

— D tidet. Ula d nekk, riɣ ad ak-d-hedrey yef yisurdiyen-a i y-d-tefkiɖ zgelli.

— Amek ?

— Asmi i yi-d-tenniɖ ad dduy d axeddam deg ttaburt-inek, sutrey-k a yi-teldiɖ *le compte* di *la Bretagne*. Ur zriɣ ara ma teldiɖ-iyi-d *le compte* ney ala.

— Wama ! Amek ihi. Ldiy-ak-d yiwen *le compte* deg *la Société Générale*. Ata da numru i k-d-fkan. Yewwi afus-is yer tmuziɗ iɛelleq, yekkes-d yiwen n lkayeɖ.

— Xaɗi, mačči d numru i uɣwajey.

— Amek ihi ?

— Ad ak-d-rrey idrimen-a, ger-iten deg lbanka, ma tzemreɖ.

—Awi-d. Ma d akarni ceyɛɛy-t i *Céline*. Nekkni s yibehriyen ilaq dima ad nwekkel yiwen i lecɣal-nney yef wakal.

—Alamma dmey ayen s wacu ara d-aɣey tarzuft i *Céline*. I s-d-iseggra awal s leɣya Mezyan.

Michel le breton, yeddem lkas-is n lwiski yejɣem, mi d-yesres lkas yenna i Mezyan : « Tura mel-iyi-d amek i textareɗ axeddim am wa ?

—Seg zik tthussuy s kra ijebbed deg-i, armi umney ttwaqqney yer tikli d unagi... seg zik hemley tarewla yer yimedqan anda ulac leswar, anda ssayen igran wessiɛen. S daxel texxamt, ttwaxnaqey. I kečč ?

—Nekk, ahat xulfey tuget n lyaci, wid-nni yettnadin yef kulci anda ara t-afen. Tikkwal, ttnadin ula yef yiman-nsen. Nekk, ttafey deg usikel amek ara rewley. Tarewla yef wacu ? Ur zriɣ. Akken dayen i hemley ad dduy akken ur tthulfuy qimey iman-iw ».

Dsan akken i sin. *Michel le Breton* yenced Mezyan ad rren yer yiwet ɣabla, ad ččen.

Mi kfan učči, ffyen-d. Mezyan yerra yer yiwet ɥanut yuy-d kra wučči i teqjunt-is Balka, ma d *Michel le Breton* iwala yiwet ɥanut teznuzu isebsiyen, yekcem yuy-d yiwen. Asebsi-nni aqdim yerra-t yer tcekkart, ma d ajdid i d-yuy yewwi-t yer tcenfirin-is. Yenna-yas Mezyan :

—Asebsi-ya mačči am win n *Georges Brassens* !

—Tura aql-aɣ deg Lmarikan, ad uɣaley am *Bufallo Bill*. Zwir.

—Semmeɣ-iyi a *Bufallo*, ilaq ad ruɣey ad d-seɣley acekkuɣ-iw, atan ad uɣaley nekk d *l'indien*, umbeɛd ad nennay, kečč d nekk. I s-d-yerra awal Mezyan s taɣsa tezɗa yef tcenfirin-is.

—Ruḥ ihi, ma d nekk, ad ak-rajuḡ deg ttberna ihin alamma tuḡaled-d.

—Akka, ar taswiēt.

Mezyan yebda tikli, mačči kan ḡef unadi n useṡṡal, yebḡa dayen ad yellez, ad iwali Lmarikan-a, ma tecba tin yezra deg tilizri.

Tamdint-a, n Lmarikan, tres deg wul n Mezyan. Ama s cbaḡa n lebni-s ; lbatimat εlayit amzun aqermud yettmizziḡ ad yetṡef asigna. Lbatimat ttreqriqent s djaj deg wass, deg yiḡ s tafat d tteswirat udellet. Llant dayen tzenqatin, lebni-nsent acemma kan i d-yuli seg lqae, am akken yettmurud. Mezyan yezga deg tlemmast am umdewwel¹¹ yetturar.

S cwiṡ yisurriffen kan, ad teffḡeḡ i tezniqt ad d-tezgeḡ deg tayeḡ. Ilaq azal n rbee n tsaet n lweqt d tikli. Maca lxilaf yezgan gar tezniqt d tayeḡ meqquer ; yettwaḡsab s yiseggasen. Lxilaf deg temεict, lxilaf deg lebsa, lxilaf deg leadat, lxilaf deg wučči, lxilaf deg tikli, lxilaf ula deg lebni.

Deg tzenqatin-a anda yebda adelweḡ Mezyan, lebni-nsent d ajdid, jerdent am uzarig deg temdint. Rrif-rrif, llant lbatimat d tiqdimin i zedḡen wid yenḡafen. Anagar ara tebdud ad teggareḡ isurriffen s daxel n lḡuma, ad ṡulfaḡ s yiberdan-is εuffen-k, susufen-d deg-k. Gas akken lyaci iteddu yettaqqal, ma d tudert ur telli din neḡ s daxel wulawen. Leḡyud tmezduḡin-a εayen d tirni ttkacban, cemten, beddlen tirmi s yileḡdan, ugar aya, la fesren-d i tmuyli, lmizirya i d-yettεerrijen si tal tama, tezḡa fell-asen am cbak. Ula d tiwwura kif-kif-itent, win ur nennum d lḡuma-ya, yezmer ad yeḡleḡ deg tewwurt neḡ deg wannag.

Ziḡen ula d tamurt-a, ḡas akka tuḡ isem meqquer, tucae aṡas, maca lmaḡerrat i d-yersen di ddunit, ula d nettat tuḡ

11. *Comédien*.

amur deg-sent. Llan imakaren, llan imattaren, llan igellilen, llan at iëbbað yexwan...

Tizenqatin dima neacent, ččurent, imdanen deg-sent teddun ttaqqalen, ulac asteefu, ad as-tinið ur ttɣiman ad ččen, ur gganen. Ter tewwurt umitru ad d-temlileð acennay, gar yifassen agumbri, ɣef uqerruy dima ires učapun, ama i cbaħa neɣ deg tuget ɣef nda, yetturar *le country*, ɣer sdat yiðarren-is yesres yiwet tmucwart, i win ihewnen kra ad as-t-id-yefk. D aya ara k-iëejben deg tmurta, ulac win ara isutren kra deg wayeð netta ur s-d-yettarra wayra. Akken qqarent temɣarin-nney n zik, « ttarran lfal ».

Akken daɣen ur ilaq ara ad nettu, llan daɣen imerkantiyen yettseyyiren leɣal n ddunit, at iëbbað yerwan, mi ikennec tikkelt tateffaħt ad att-iðegger. Akken yura yiwen udamsan : « Limer ad d-nelqeð ayen yettmiren ɣer yibidunen n leknis d učči, deg tmurt n Lmarikan, nezmer ad nsečč tlata n tmura deg Tefriqt ».

Cɣel amezwaru i yetteħririten deg uqerru n Mezyan : ad d-yay učči i Balka sɣa ad yettu. Syin ad iruħ ad isetṭel acabuy i yulin, i yezðan amzun d azezzu, ɣef yixef-is. Mi yekfa s usečči n Balka, yeffeɣ-d, yesteqsay deg lɣaci anda yella uħeffaf ; wa yerra-d awal i Mezyan, wa ikemmel tikli fiħel ma yeħbes-d, wa yetmenyek yis-s... Ziɣen mačči am tmurt. Ikemmel tikli armi i d-yufa aħeffaf. Yekcem taħanut, yesres tacekkart-nni n wučči n Balka ɣef ṭabla yezgan din sdat-s, syin yuy ula d netta amɣiq.

Da deg Lmarikan, taħanut uħeffaf mačči am tmurt-nney : d taħanut i d-yettarwen awal d inilban, tecba lqahwa d utaksi n tjara. Yal wa acu ara d-yeglu d asentel¹² : hah awal ad yefti ɣef twacult, hah ɣef leɣla n ddunit, hah ɣef

12. *Sujet.*

tseritit... Ladya, deg tmurt, tlata n tjarat-a, ur tezmired ad teldid yiwet deg-sent alamma fkan-ak-d ttesriḥ syur ukabar F.L.N. acku ttnawalent atas awal. Ma d da, di Lmarikan, yal wa yettef amdiq-is, iletha d kra ney yedha s kra, ma d awal ulac, am wid ur nettmeslay, uḍnen aggugem.

Mi d-telheq nuba n Mezyan, yettef amdiq yef watag. Isetha deg yiman-is, mi iwala deg lemri acekkuḥ yulin yef uqerruy-is.

Isuter deg uheffaf, ad as-yekkes tamart, ad yernu ad as-isenqes atas deg ucebbub.

Aheffaf, yenced-it ad d-yekker yer yiwen umdiq akken ad as-isired acekkuḥ qbel ad yebdu asetṭel. Mi yekfa, isuter deg-s tikkelt tis-snat ad d-yuḡal yer watag. Mezyan yewhem deg lqima ttaken i umdan.

Aheffaf-a yettmieqal d aṭelyani, banen idammen-is ḥman am wid yimezday n wallel agrakal. Mi yefra cḡel n tarda n duzan, aheffaf yetḡar-d yer Mezyan, yenna-yas s tutlayt taglizit : « Mi nekfa d ucebbub ad d-nuḡal yer tamart ». Syin yebda asetṭel s tmacint deg uqerru n Mezyan s zdeffir.

Ter watag wis-sin yellan yer tama tayeffust n Mezyan, yeqqim yiwen ufayan, iheyya-d iman-is ad yekkes tamart. Akken dayen i qqimen sin yimdanen tteassan nuba-nsen. Mi yekfa uheffaf d useṭṭel n tamart i ufuyan-nni, yeena yiwet tqernit, yeddem-d yiwet tserbiṭ, yesres-as-tt yef wudem, imar-imar yekkes abaltun-is amellal, yeddem-d lfista-s, yerwel.

Yiwen deg yergazen-nni yettrajun, yezdi-d lqed, yeena yiwet tewriqt talleq yef tewwurt n ṭhanut, yebren-itt : yerra-d yer s daxel tira « Teldi », yekfa udem yuran « Tendel » yer berra. Ma d argaz-nni wis-sin, bih-bih yeena lmus n tesdila yesres uheffaf, isukk-as i urgaz-nni afayan.

Mezyan, ur yumin allen-is. Yesteqsay ma d asaru i yettferrij ney d tidet i yettidir ? Mi d-yuki d yiman-is, s lxef ibedd-d yeldi-d tawwurt yeffey qbala yer berra. Deg uznig, yerra srid yer lmersa.

Mi d-yekcem deg tewwurt n lmersa, yeena amdiq anda yehbes l babur, yekcem s dixel. Am win imerjejjin, ur yefriq gar targit d tilawt. Isakked-it-id *Michel le Breton*, yeεqel kra yeḍra. Ula d netta yuged, yehsa kra n diri yella-d, meena mi iwala aqerru n Mezyan, iṭerḍeq s taḍsa.

Yerra yer tqecwalt-is, yeddem-d lmus n tesḍila, isuter deg Mezyan ad d-yetṭyar yer ubasan n waman, ad as-ikemmel tawakksa n ucebbub. Akken yeskeṛ, *Michel le Breton*, ikemmel-as ttestila i Mezyan ur nessei lxetyar. Mi yekfa *Michel le Breton* acelleḥ deg tqerruyt n Mezyan, iruḥ isared ifassen-is d lmus-nni n tesḍila, syin yegla-d s waman isared-as i Mezyan yeččuren akk d idammen.

Mezyan yerked-d cwiṭ. Yenqes deg-s urgagi. D tagnit-a i yextar *Michel le Breton* yesteqsa-t acu yeḍran yid-s. Mezyan, s usmeqmeq d unehheq, yemla-d tadyant yeḍran.

Mi yekfa, yenna-yas *Michel le Breton* :

—Walan-k din ibulisen ?

—Xaṭi.

—Ihi, tselkeḍ, ur skura aybel. Tzemreḍ ad tettud cyeḥ.

Michel le Breton, isuter deg Mezyan ad as-ixelles kra tebyarin. Ffyen-d, rran yer yiwet ttberna kemmlen-as s tissit. Armi yedda lḥal aṭas s wamek i d-uṭalen. Teddun ttleṭwayen am yijaεbuben ; wa ur yezmir i trefdawt n wa. Mi yekfa *Michel le Breton* yiwet n ccna, ad yerfed awal Mezyan nuba-s, ad d-yecnu yiwet. Wwin-d akken abrid armi d l babur.

Akken ittemduduε, Mezyan s daxel texxamt, tneggez-d yur-s Balka. Yeldi-d yiwet tiṭ, imekta-d tacekkart-nni n wučči i d-yuṭ i Balka, i yettu bla lebṭi deg ṭṭanut uḥeffaf. Isuter deg-s ad as-tesmeḥ. Yerra yer wusu yehzen s wayen yexdem.

Anagar yesres aqerruy-is yef tsumta, ddunit tettezzi yis-s, iεuq-d kra tikkwal, syin akkin yedda deg tnafa d usmekti n *Céline*. Balka tuṣa-d yer yiṭil n Mezyan tessumet-it.

Mezyan yettargu igen yezzi-d s yiṭalen i yiṭid, uccen yettqaraε deg-s melmi ara d-igen, mi t-tewwi tnafa, uccen ineggez-d ad as-yaker iṭid. Mezyan yekkat, uccen yettkerric. Iduqqes-d. Yufa d *Michel le Breton* i s-d-itekkxen Balka yexneq gar yiṭallen-is.

Mi sgunfan kra wussan, bab n lbabur Tiziri ixebber *Michel le Breton*, ata iban-d yiwen usikel yer *Singapour*.

Isawel *Michel le Breton* i yibeḥriyen, yenced-iten ad d-zzin i ṭabla, ad d-qimen. Syin akkin iseεlem-iten yef usikel-a ajdid, isextar-iten anwa yebṭan ad yeddu d wid ur neḃṭi.

Ibeḥriyen, seqredcen awal yef lecṭal yeεnan akk asikel.

Mi mifhamen, azekka-nni εebban selea, ṭṭfen abrid yer *Singapour*. Lebḥer ires mi d-yeffeṭ lbabur seg lmersa n *Boston*. Lḥan akken aman rekden. Mi wwḍen yer tilas waman n tmurt *Timor*, lebḥer yebda ilebbeḍ, lemwaji ttserfiqent deg lbabur Tiziri. Ibeḥriyen ur ttakin armi d-ufan iman-nsen s daxel n lṭimra, abeḥri itezzi yis-sen, *Michel le Breton*, iceyyeε tiṭri n unadi yef slak. Tura walan ulac leslak ma qimen sufella n lbabur. Uzzlen ddmn-d ayen fsusen d wayen zemren deg lecṭal-nsen.

Michel le Breton, am win yebnan yef lmut-a, ur yuyis ara, ur iḥerrek kra deg-s. Yuṣa-d yur-s Mezyan isuter deg-s ad ineggez. *Michel le Breton* ibedd am win yettrajun deg kra ad at-id-yaweḍ.

Mezyan iruja armi d dqiqa taneggarut, yeddem-d yiwen umrar, yiwen uqrab ideg yerra kra n lqec, yettəf Balka gar yiyallen-is, ineggez, yejttuttel yef yiwet telwiht. Yeddem-d amrar sway i d-yegla, yeqqen iman-is yerna Balka d uqrab yer telwiht-a, yesred. Yezra ulac ara yexdem, ad yeddu akken ddan waman.

Abeħri yettak-it i wayeɗ, mi s-tebra yiwet lmuja ad at-teddem tayed ad tezzuwer. S daxel waman, mi d-tewwet lmuja yezder. S daxel wallay tilufa ttemlexwadent, ur yefriz kra: itettu ddunit ney yettleqqim deg-s, itettu imeddukal ney yettay amur gar-asen, itettu imawlan ney tura sawalen-as-d, isawal-as-d *Michel le Breton* ney d targit i yettargu, itettu *Céline* ney tærrej fell-as s yiyallen-is n teglimt talegyant, idukkel d terbaet umezgun ad uraren anda n kra ney dayen yeğga-ten i lebda, itettu taddart ney teɥyar-d yur-s, Balka temmut ney... Din-din iduqqes-d, yeldi-d allen-is. Yesferfed yer tama anda i tt-yeqqen, yufa-tt din, yestehna. Iwala-tt tbedd-d sdat-s tuced am umdan. Ihuz aqerruy-is, yesgel-d iman-is, yeqqim-d. Yewwi afus yer umuziɗ yeddem-d yeswa aman, yerra taqeræett ar umkan-is. Yesred, yesmeħsis. Anagar ssut n lmujaat yessaɥ. Mi d-yeldi allen-is, idekwel-d s ssut n yibufucken¹³, yeεqel ssut-a ad d-yeglu s lxir ; anda tezga lħeyya ur nettidir deg wallel, ilaq ad teqreb lqaεa. Iwenneε-d iman-is, isikkid yer lembeεd, ata tettbin-d yiwet tqintuct zun d akal. Ur yeεqil armi yeɥyar ; d tizgirt. Yumen ur yumin. Tuɣal-it-id terwiht, teffey-it tuysa d lweswas. Akka yezra ayen yebɣun yeɗru, ur yettættil idarren-is ad rsen yef lqaεa, ad yettuhedden.

Yebda lεum yer ljiha n tegzirt. Imi-s yeldi yeqqur s fad, itij yezlef-as taglimt. S εeyyu yeεya, d facal i d-yeɣlin yef

13. Ibufucken (abufuck) = *mouette*.

ugerbuz, Mezyan iħulfa s waman jebbden deg-s yer ljiha tamaddayt. Ayen akk yekka d lweqt gar waman lqayen ur yexlie ara, akken yexlee tura mi rsen idarren-is yef yijdi n uftis. Maca taswiēt am ta i iruja aħal-aya, tin n temlilit d tudert, tesnera-d deg-s tazmert umennuy.

Mi d-yeffey i waman, syin-syin yerra ddaw yiwen useklu, yesred, yeqmec allen-is, yettxemmim. Ira ad yekcem deg tlam, ad yezder ad imager tudert-nniċen, tin ideg tuy tumert. Isarem dayen ad yezmer ad ineggez yer yidis-nniċen anda ara yemlil tudert yecban tudert. Seg uxemmem yer wayeċ armi yedda di tnafa n eeyyu.

Mi d-idekwel, yeldi-d allen. Yesmeħsis i ssut n lmujat yennum yakan deg waħal-aya. Iqeddem yer ugaraw ibedd sdat-s, allen cerēent tucnent, wissen ma sikkident, imezzuyen dayen ula d nutni, sgerguren s dixel, wissen ma ssalen ; bedden cban wid n tfunast tedhec mi twala tamacint.

Yewhem ! Mačči d ayen i d-yettqaḍaε usekkud. Mačči d ayen i d-tjemmeε tmesliwt. Ma d lmujat, attan tuli atta tuyal-d, am tyanimin mi yemger uzeṭṭa. Yettmektay-d lmut, tudert. Tamuyli-s ad tettruħ ad tettnadi anda ara d-temlil kra yugaren temyer n ugaraw. Iħulfa iman-is da anect ubeεεuc, xaṭi kif-kif-it d wulac. Yuged. Yebda yesteqsay yef liman, d anwa-t wa izemren ad iseyyer lecçal-a yegεamren anect ugaraw-a sdat wallen ney ayen i t-yugaren. Amdan, da, yestewħac iħeqqer iman-is.

Ur yumin ayen yettwali. Ma d targit i yettargu ney ayen i d-yettbinen i wallen d tidet. Amḍiq-a yesmekta-yas-d, yiwen usaru yezra, isem-is « 07 n tedianin n Sindbad », anda yiwen deg yimdewlen yenna i wayeċ : « Tigzirt-a tettwaxza, da ara nemmet ».

Yebda Mezyan yettħeqqıq deg tilawt i s-d-yezzin, yerna yefka tamezzuƣt ansa ara d-yekk kra n ssut ara s-d-yerren tarwiħt neƣ ara yeglun yis-s. Yuƣal yeqqim. Din-din Balka tuza-d ƣur-s teqqim. Isakked ayen akk i s-d-yezzin. Iwala aqrab-nni, yeddem-it-id, yekkes-d lƣec yellan s daxel, yefser-it ma d ućči yerra-t ƣer yiwet tqernit.

Deg umđıq-a anda yella Mezyan, ƣer deffir iqurreε-it-id wallel ƣer sdat d amadaƣ yecbek s yisettufen yezđan ula ƣef yisekla. Zun imƣan n ddunit fkan ttıeād n temlilit da. Tamuƣli n Mezyan ur tessefra amđıq. D tidet yerwel ƣef tƣerma, tadlegt¹⁴ tecba tin i d-ħekkun deg tmucuha. S daxel umadaƣ-a, yecban jahenama meēna d taħcicit, ur yezri yiwen acu yellan deg-s neƣ acu teffer. Ahat iƣersiwen d luluf, wagar-asen win izemren i wayeđ yenƣ-it. Lħasun d wa i d lqanun n tudert deg yimeđqan yecban wa. Isakked Balka, yerfed-itt-id, yenna-yas : « Da ulac lfiraq gar-am d nekk. Neƣ ahat d kemm axir-iw ».

Ƣas akka yeƣli-d fell-as lweħc meēna ad at-yeƣleb mi tella yid-s Balka, ad as-d-yeħku tamacahutt-is, tin n teqziħt ikecmen tamurt n Lmarikan s yisem d arusi. Yeddem-itt, isuden-itt s lxiq. Yenna-yas :

—İd-a, kemm kan d nekk ara nsehher. İlaq ad d-nezdem, atan lħal yebda ittenbeddal.

Teslek-it Balka, iseftutus-as-d awal mi ixaq ƣef tmeslayt. Yettmeslay yid-s s wawal iƣerrez s lħenna, yettεeyyiđ fell-as mi yefqeε, yeććur wul-is. Yeƣra ulac ara texdem, meēna yif ma yella yiwen iƣef ara teštredqeđ afeqqiε, wala ma tessexzaned deg-s ad yefti am urekti. İselmed-as ad tseyyeđ, akka ahat ad tesleħ i kra, ƣas ulamma i yiman-is.

14. *Décor*.

Mezyan ur yezri ma ad yeqqen taluft-a yeḍran yid-s yer
lmektub, akken ad d-isenser iman-is yef lwam. Ladya
tazwara yur-s lxetyar : ad yeqqim deg tmurt ad yedder ur
yettmettat ur t-yettay wayra, ney ad yextir tiyimmit deg *la
Provence*, ad isehmu amḍiq yer yidis n *Céline*. Meena...

Asfel-is yehlek tilelli. Seg zik netta d anadi d usteqsi, mi
d-ldint tewwura, yekcem yer unagi. Ula d leqraya yextar
senεa yezdin yer unagi. Ata acu i t-id-isawḍen yer tegzirt-
a. ilaq-as ad inadi tura deg yiman-is anda ara yaf cwiṭ n
tebyest d laεqel qbel ma yebda yettayer.

Yeddem-d kra yesyaren isuli-d yis-sen azemz¹⁵ akken ur
iεerreḡ fell-as lweqt. Iḥetteb ussan iεeddan i d-ibennun
durtat, durtat yettuyalen d aguren.

Ass-a Mezyan iεezzem d rray yegzem ad iqeddem, ad
yedhem s daxel n teẓgi ney umadaḡ-a yellan sdat-s. Din, ad
inadi ulamma yef tiqqit waman.

Anagar yekcem s daxel umadaḡ yestewḥec s ssut i d-
yettuyalen ; din-din tugdi teyleb fad. Yuḡal-d d
tamendeffirt, yufa-d sebba s εeyyu. Yenna, aman anda
byun maren taggara-n sen d allel. Tura ad yesber, azekka ad
yeddem rray.

Azekka-nni tasebḥit, iqeddem s kra n lmitrat s daxel
umadaḡ. Din imuger agama n tidet, ula d riḥa txulef tin n
umḍiq anda yella. Mi yezger i yiwen umḍiq yemcubbak s
uyanim yezzif nezzeh, win ikecmen s daxel-n sen ad d-ibin
zun ata s daxel lḥeb. Mi yedda akkin cwiṭ, yemlal-d isekla
kemmilit zḍan s uḥcic, yef yifurka yal wa s lfakya-s, εlulqen
fell-asen ibeεεucen yal wa s senf-is.

15. *Calendrier*.

Imazzed yer yiwen useklu yejbed-d s lemhadra lfakya-ines, sya ad yili din kra yeffer, am yiwersiwen yezra deg yisura anda i ten-id-skunan ur rehmen ara.

Izerman n da, ur sein cafaqa deg umdan, ma ur k-yeqqis ad ak-yeşer. Mezyan yesteqsay anwa amexlul izemren ad yedder deg umdiq yecban wa, nnig yiwersiwen. Yedhem s dixel umaday armi qrib ad as-yeşreq ubrid ansa i d-yekka, yerra ađar yuđal-d yer wanda igen iťazri. Ma d Balka, tikkwal tezwaray Mezyan, tikkwal tettuyal d tamendeffirt, tesbedd timezzuđin-is tettwillih i yal ssut i d-yettlađaqen.

Tignewt tēemmer-d, Mezyan yebda yettnadi anda tella kra n lđila ad tt-id-yeččar d aman. Din-din lđal ibeddel, lehwa tebda tekkat. Mezyan yekkes ēeryan, akken ad isired agerbuz, yerfed aqerru-s ad isu deg lēin n yigenni. Ur teđbis lehwa armi d tameddit, ma d lđal ur semmed ara.

Deg yiđ i d-yernan, Mezyan yessay times yesred, ma d Balka tebda aseglef. Mi tezri kra teswiť, Balka teđbes aseglef ; iđab ssut fell-as. Yeťyar ŷur-s Mezyan, yufa-tt tesred, yesferfed-as ma yella kra i tt-id-yeqsen. Deg uslaf i s-yeslef, iđudan-is mlalen-d yiwet tsegnit tenta sufella n teglimt-is. D kra yiwen i tt-id-yewten. Mi d-yerfed aqerruy-is ad isikked, iwala kra yimdanen s tlaba txulef tin ttlusun imdanen n tura, zzin-as-d, hebbun-d, leđđhun-d ŷur-s. D imezday imezwura n tegzirt-a i yezra. Wwđden-d sdat-s, s lemhadra, refden-t yef tuyat-nsen. Mezyan imazzed yerfed-d Balka d uqrab-is. Kra teddun, yettlađaq-d ssut n uēemmer n wurar.

Ddan yis-s akken armi d tqintuct n tegzirt. Deg taddart-a, ma nezmer ad as-nsemmi akka i kra yiqiđunen-a i d-yulin s uđcic d uđanim, imezday leđten, tezzin-d i yiwen ukursi, ceťhen dađen i Mezyan ; heyyan-d tameđra. Mi ten-id-zran, imezday-a, yerran anagar yiwen uceťtiđ yef tuzuft-

nsen, wexren, sekren-d yiwen uzrug ansa kkan rebea yimdanen-nni i d-ieebban yef tuyat-nsen Mezyan. Sersen-t yef yiwen watag, i d-neqcen seg usyar. Din-din sin yemzerbiben n teḥdayin, qrib εeryan ula d nutenti, zzint-d i Mezyan. Ter yiwet ljiha, sin yimdanen, yiwen wesser wayeḍ mezzey, rran yef yiri ibrenyas, refden iḡil-nsen, din-din kulci yehbes. Tas akken Mezyan yedhec s wayen yettwali anagar deg yisura, meena yeqqel amendad i Balka yersen gar yifassen-is ; tyad-it.

Irgazen-nni i t-id-yeddmnen, sersen-t-id, enan awessar-nni d yilemzi-nni, ula d nutni uẓan-d yer Mezyan s wannuz. Refden-d aqerruy-nsen wehhan yer terbaet, din-din bdan tameyra.

Ma d Mezyan yerfa s wayen yeḍran d Balka, isuy : « A lqum aneggar ! A wid ur nuklal tudert ! »

Aseḥḥar-nni am win ifehmen acuyer yefqee Mezyan, iger afus-is, yekkes-as Balka gar yiyallen-is, yeldi-yas aqemmuc-is, yesmar-as kra tmiqwa, a win yezran wacutent. Cwiṭ kan akka, Balka tebda tettḥerrik aqerruy-is, tettnazaε. Mezyan yuḡal-d yer laεqel-is, yerked mi yezra ur temmut ara.

Rebea-nni yimdanen i d-yeddmnen Mezyan, rran yer yiwet tqernit, suffyen-d yiwet tlemzit, zuẓren-t yer yiwen umḍiq, tban tettwaheyya-d i tmenyiwt. Mezyan yefhem d taqcict-a ara nẓen d lehdiya yef tiwḍi-ines gar-asen. Mezyan yeḥsel : ad yeqbel neẓ ad yenker cẓel, acu ara yerbeḥ neẓ ara yexser, ma yeffey-d mgal leadat n lqum-a ?

Awessar-nni d yilemzi bdan duεat, wiyid tteiwiden-d deffir-sen. Mi sawḍen tilemzit yer umḍiq, weḡhen-as udem-is yer lqebila, aḥjaju n tmes yessayen deg tlemmast n ubraḥ, yettirriq yef teglimt n teqcict-a yecfen s tidi.

Ccix-nni awessar, yeṭṭar yer tlemẓit s tama n deffir, deg ufus yeṭṭef ajenwi. Lyaci yehbes tizlit. Kra teswiṭ kan, kulci yefra. Tessay riḥa n uksum yeknef. Tilemẓit-a icebḥen zgelli tura d iyessan kan i s-d-yeqqimen ; demmren-t yer tmes.

Yiwen-yiwen, lyaci bdan ttnejbaren. Ma d Mezyan werjin yenwa kra wass ad yedder lihala yecban ta. Mazal ur yumin ayen yeḍran ; ibajjew. Gas akka yeyra yef lecçal-a, meṇna mačči kif-kif mi ara teyreḍ yef kra ney mi ara yeḍru sdat-k.

Uẓant-d yur-s tlata teḥdayin, ṭfent-as afus ar uqiḍun i s-d-heyyan.

Ata amek yebda tudert Mezyan deg tegzirt-a d lqum-a iyef yuḡal d agellid.

Win i d-tejleq tegzirt-a yef yimedqan-nniḍen n lqaεa, ad as-tini « Mreḥba lεeslama » fiḥel ma terna-d « ruḥ di lehna ».

Gas akka lqum-a ttqamen d Mezyan, ma d netta iḥulfa iman-is yettwaḥbes deg lḥebs ur nessi sqef. Yebda yettxemmim amek ara isellek aqerruy-is seg lqum-a, izemren, ma feqεen, ad at-gezren, ad ifak deg teccuyt ara d-heyyin yef sebba-s. Mezyan iwala lecçal i tezzin da, meṇna ur yeqbil ayen akk yellan. Ula d netta yesεa ara d-yini. Yefra d yiman-is ȳas ulamma tighzirt-a ur teqqar « ruḥ di lehna », ihi, ad d-yaweḍ wass anda d netta ara yinin i tegzirt d lqum-a izedȳen deg-s : « Ġgiȳ-awen-d talwit ».

Acemma-acemma, Mezyan yelmed kra yimeslayen n lqum-a. Aεni tuget n tmeslayt-nsen d awehhi, d aya i s-isasehlen almad-is.

Di tazwara, Mezyan yerra lbal i lecçal xeddmn s tidet. Yufa-d, tuget wučči-nsen itekk-d seg lebḥer. Da i d-yufa yiwet n lεada n syaḍa tecba tin yettilin di Muritanya. Mi

ffÿen ibeħriyen sufella n teflukin-nsen, anagar ara lħun kra n *miles*, ad d-ddmen tihrawin, ad kkaten yis-sent sufella waman. Mi tezri cwiṭ n tēgnit, ad twalaḍ Ƴer lembeed idenfilen zuƳuren-d deg lħut Ƴer ljiha anda zgant teflukin. Imar, iseyyaḍen ad bdun ajemmuε n yiselman.

Mi d-yewwi lexber Mezyan s lqima i t-qeymen, seg yimar ur iεuz fell-asen tamusni d tussna yekseb ; werjin yebra i yiƳallen-is mi iwala ilaq ad asen-iselmed kra. YuƳal am win yettusayalen, ilaq ad yerr areṭṭal. Yebda iselmad-asen ula d netta ayen Ƴer wanda wḍen medden. Amek ara bnun ixxamen seħħan s tallayt d udƳay, mačči s uħcic kan, iselmed-asen amek ara afen aman, amek ara ten-ħerzen i tallit tayurart, iselmed-asen ur tetten aksum alamma yewwa, yekkes-asen kra n lεadat ur ten-iselħen, yekkes-asen lεada n tmenƳiwt n teqcict tis-snat ara d-ilalen, teddunt d tislatin i yedrumen-nniḍen, i sen-id-yettaken aṭas n tikci...

Ad yerwel yugad ad iεiwed i umecwar ad yedder tikkelt-nniḍen ayen iεeddan fell-as. Ma yeqqim da, acu n lfayda yesεa ? YeƳra da yeqdeε layas ; ussan ttkacbin, tezzin ttaqqalen : iḍelli yecba ass-a, ass-a ad yili am uzekka.

Kra irennu da, tettzid lqima-s, meεna Mezyan yenna : « Akken byuƳ staħlay da, taggara-s ad nejbareƳ Ƴer tmurt-iw ».

YeƳra dayen isamen-iten, ur t-ttεassan ara. Yiwen wass, iseyfel-iten, iħeyya aεwin, yeddem taflukt, yerna Balka, yebda tikli deg tlemmast ugaraw.

Mezyan yeƳra cƳel-is ur yettfakka ara d lqum-a, meεna yella wayen i s-d-isawalen d wayen i t-yettrajun anda-nniḍen. Acu kan, i udrum-a yefka-yas ayen Ƴef wacu yezmer ad yawi, ad yecfu wallay n uƳref-a, ass-a.

Γas akka, yeğğa-ten s wul yezmek, meəna ayen yexdem, yettwaqenneə yis-s, ilaq. D aya i yesəa ad yexdem.

Mi qrib ad yeğli yitij, yer lembeəd gar ugaraw d yigenni, ilul-d yiwen uzarig d azeggay. Yecba times deg yid yef tqintucin n yidurar. Mezyan isikkid deg-s akken ixag yef ddunit. Taswiət ata tettbin-d yer uzarig-a yiwet tneqqit d taberkant.

Kra i d-tettqeddim tneqqit-a, tettimyur armi tuyal gar wallen d lbabur.

Γer lembeəd, iban-d yiwen lbabur yettcerrig deg ugaraw. Ibeħriyen walan-d Mezyan, bernen-d yur-s. Sulint-id, fkan-as slam. Γas akken yehzel, meəna yettkel yeslek.

Kksen-as Balka yehres yer yedmarren, mudden-as lqec-is ibezgen, rran-as-d yef tuyat yiwet tduli, wehhan-as anda ara yerr ad ibeddel. Mezyan ar tura ur d-yehdir, yer yibehriyen ur t-id-friqen ma d amdan iraeen deg lebħer ney d amezday n tegzirin yezgan din.

Isared, fkan-as-d ad isu lkas uyefki s kra tziđanın d tqerəet n waman. Mi yekfa, yezdi lqed-is, inemmer fell-asen, yeffey-d ad isikked tikkelt taneggarut lewhi n umđiq anda zgant tegzirin, anda yekka aṭas n tallit fiħel ma yebna fell-as. Di berra, abehri yekkat-it-id yer wudem, tuzzel-d yur-s Balka s uskieew. S ufus ayeffus yettəf deg dderbuz, s ufus azelmađ yehres-d Balka yer tedmarin-is. Cwiṭ-cwiṭ, yettwali deg tegzirin ttibeident. Sufella waman ttbinen-d kra tecriħin n yiqirniđen. Mezyan yenna : « D wa i d leməalim belli əddan-d sya igemumen¹⁶ ».

Yusa-d yur-s yiwen ubehri, s uwehhi isuter deg Mezyan ad at-id-yedfer yer lqebtan n lbabur.

16. Agemum = *cachalot*.

Deg lbiru, Mezyan iwala lqebţan. D argaz meqquer deg la mer, clayem-is smektan-as-d lqeb tan *Michel le Breton*, talaba d tazegzawt, tacacit tres  f uqerru. Mezyan mi t-yez ra, yezwar netta yesteqsa-t : « Acu-ya  ass-a ? »

Mi s-d-yerra awal lqeb tan s teglizit, Mezyan yefhem belli yedder reb a yiseggasen deg tegzirt. Mezyan ur inul ara taqer et-nni waman, yerna isikkid zelme  yeffus. Lqeb tan yefhem, isawel i yiwen ube ri yegla-d s tqer et n crab n *Bordeaux*.

Lqeb tan, yeddem taqer et yeldi-tt, yesmar-d. Mi yeswa lkas-is Mezyan, yeddem taqer et yey ra isem-is.

— Uga  tessned-as i crab ?

— Xa i, d lmarka-ya i yi-d-yesmektan a as n lec al.

— Di Fransa i telli  ?

— Seg temna -a i ff  y tikkelt tamezwarut, ar wass-a ur u ale .

— I tura, tessei   ed din, deg Fransa ?

— Yella ih. Me na ma  i deg *Bordeaux*.

Kra heddren i sin, Mezyan imekta-d *C line*, ized  en deg um iq i ef ur yebni kra, s wamek i d-imekta imawlan-is d gma-s Fer at. Tura yez ra, yefhem awal i s-d-ye   a *Michel le Breton*. Win i s-d-yenna ilaq ad tweekle  yiwen fell-ak  f wakal. Tura iwala yella yiwen yettraju deg-s. Akka cc el-nni n tayri, yellan yakan gar *C line* d Mezyan, ahat tura ad ikemmel alamma yennul taggara.

Mi yekfa Mezyan lec al d tedbelt n lmersa deg *Bordeaux*, yet ef tamacint srid  er *les Antibes*, ad yesteqsi  er lqahwa anda txeddem *C line*. Mi yekcem, isakked  er ukuntwar, tban-d *C line*, yefre . Ula d nettat, mi t-twala tduq es am tin ur numin. Tneggez-d  ur-s, t errej fell-as, tesuden-it a al tikkal. Tekna  er Balka teddem-itt-id, t ennec-itt. « Uuh, tecfi  fell-i a tabeztu t-iw ! »

Tebren yer umεallem iwehha-yas ad truḥ : « Ruḥ a yelli, ass-a d nekk ara d-ixedmen deg umḍiq-im. Ass-a kan ara tiliḍ yid-s iman-im. Asmi ara fiqen imesjernanen yis-s, ur kem-id-yettsaḥ. »

— Saḥit.

Ffɣen-d akken i sin, afus deg ufus, bdan tikli s axxam. D ubrid *Céline* tekcem yer yiwet n tḥanut teqḍa-d ayen ara d-theyyi d učči i Mezyan d nettat.

Mi wwḍen, teldi tawwurt n uxxam i d-yeqqimen d ilem. *Céline* terra yer tnawalt ad d-theyyi kra wučči.

— I baba-m ?

— Yensa.

— Semḥ-iyi ur d-wwiɣ ara s lexber.

— Amek ara d-tawiḍ s lexber, kečč ula d tikkelt ur d-tessawleḍ, ɣas ulamma ad d-testeqsiḍ fell-i ! I s-d-tenna acemma s zzeaf.

— D aya i yi-d-yenna xali-m. Zriɣ d nekk i d lɣaleḍ.

— Ulac fell-as, mi d-tuɣaleḍ kan. Ineymasen uran-d akk ayen yeḍran yid-wen, kul wa amek iwala tadyant. Atna din yeymisen-nni jemεeɣ-ten. ɢer-iten tiniḍ-d ma d tidet akka i teḍra yid-wen.

Tmud-as-d yiwet tqettunt n yeymisen.

Mi zrin kra wussan, ineymasen akked rradyuwat d tilizriyin, slan s tuɣalin n Mezyan, jebbun-d suturen-t ad d-yehku tamacahut yeḍran d lbabur. Yesber ayen yesber, umbeεd yenna i *Céline* :

— Akken walay, ur nezmir ad naf lehna da.

— ɢur-k lḥeq, meεna acu ara nexdem ?

— Ad nali yer Paris.

— Werjin, ad ġġeɣ axxam, akka iman-is !

— Ad nali ɣef kra wussan, ad nesseεreq iman-nney, mi terked liḥala, ad d-nuɣal.

Cwiṭ kan akka, iḥenzen uninay n tilifun. *Céline*, tekker, teddem :

— Allu !... ih atan da.

Tesres tilifun, tenna i Mezyan :

— D kečč i d-suturen.

— Allu !... ih... anda ?... ih... melmi ?... ar tufat.

— D anwa-t wa ?

— D yiwen umɛallem n teẓrigin seg *Paris*.

— Acu yebɣa ɣur-k ?

— Yebɣa ad d-isizreg tadyant yeḍran d tɛaburt Skala.

— Zriɣ d ta i d sebba n rrwaḥ-ik bla tuɣalin. Mi tewḍeḍ yer Paris, siwel-iyi-d. Cfu kan, rnu yiwen wuṭṭun i numru.

Tameddit-nni, yerfed tabalizt, yeddem-d Balka yemsalam yid-s, iseggra-yas-d s wawal : « Yif ma teqqimeḍ da, ad tmendeddeḍ ɣef *Céline*. » Syin, yettef tamacint yuɣ abrid yer tɛarit n *St Charles*, di Mersilya. Mi d-ires seg tmacint yessawel i *Céline*, akken ad tt-ixebber s tiwḍi-ines. Syin yuɣ-d atikki, yerna-d kra n yiɣmisen ara d-iyer d ubrid. Tamacint ad teqlɛɛ ɣef tesɛa n yid, ad taweḍ yer *Paris* ɣef setta n tsebhit.

S teɣzi n ubrid i d-tewwi tmacint, seg Mersilya armi d *Paris*, Mezyan yewwet-itt s nadam. Mi d-yewweḍ yer tɛarit n *Lyon*, d tallit anda lɣaci iteddu yer uxeddim. Liḥala tetteblukmuḍ, amzun yiwen ur yeqqim deg uxxam ; bru-d i tsegnit werjin ad tennal lqaa.

Mezyan yedhec. Yenna : « Deg tegzirt anda ɛerqeɣ, zgiɣ deg lɣaba n lewḥuc ; da zgiɣ deg lɣaba yimdanen ; ulac lxilaf tal ta s yilugan-is ».

TIZRIGIN

Mi d-ires seg tmacint di *Paris*, yuḡal di rrif, yekcem yer yiwet ttberna ad isu kra ara s-iseḡmun ijeydanen. Yeṭṭef amḍiq isuter deg uqeddac ad as-d-yawi yiwen uyefki s ukerwasu yer taggara ad as-d-yernu yiwet lqahwa s *Rhum*.

Sya ar azekkuya, ad d-tawweḍ tallit n ttiead yeqqen d bab n tzeqqa usizreg, ur yezri anda ara yerr neḡ acu ara yexdem. Yewwi afus-is yer llib, ad d-yekkes dextan, iḡudan-is mlalen-d yiwet tkarnit ideg yura kra n wuṭṭunen n tiliyri yakk d tansiwin, tura dayen din tansa n usensu n Ferḡat-nsen. Yejbed-itt-id, yebda anadi deg yismawen yuran din. Ata yuli-d yisem n Lhacmi, mmi-s xalti-s. Isuter deg uqeddac tiliyri. Azenzen yella ma d ssut n taḡect ur d-iteddu. Yeffeḡ-d, yeena yiwet tkarḡa n umitru taelleḡ. Inuda ḡef tezniḡt *Belleville* anda yezdeḡ Lhacmi.

Ma d asensu n gma-s Ferḡat, mi yekfa cḡel d bab n tezrigin, ad yesteḡsi fell-as.

Yuḡ abrid ddaw n temdint *Paris* yer yezrugen anda ara yeṭṭef amitru yer *Belleville*, ad yekru taxxamt deg usensu, ad yesgunfu qbel ad yemlil anemhal n tezrigin i d-inudan fell-as. Anagar i d-yeffeḡ seg uqemmuc umitru, tucaḡ deg wallen-is tafukt, din-din yeḡbes am win iwehmen deg waḡal-aya netta ddaw lqaḡa deg yezrugen n lmina. Isakked zelmeḍ yeffus, tadlegt n tzenḡatin deg lḡuma-ya tecba cwiṭ tin n tzenḡatin di tmurt, ggten wid yeznuzun s tuffra, tafransit xeṭṭa-xeṭṭa ara s-tesleḍ. Teḡḡur s yitunsiyen

d wudayen, yal wa acu yeznuzu : wa d lkettan, wa d učči anda ara d-temlileđ ahemburger atunsi, ma teččid-t yer yimekli, ad tettud imensi. Mi d-yeffey i tezniqt-a n ssuq, yekcem abrid *Garibaldi*. Liḥala tbeddel kra, imdanen teddun ttaqqalen ttazzalen ur steefayen, ttwaneđmen am uzberbib n tweṭfin, liḥala n Mezyan gar-asen txulef : sellaw, yeeya, iteddu yettleɣway s nadam yiṭazri yezgel. Yettbin-d am win yeddren berra i lqanun n talsa, ur yesei amur deg tudert yessayen da.

Iqeddem kra, ata yewweđ sdat n tmezduyt n Lhacmi. Yekcem s daxel n lbatima, yuli. Itekka yef tqeffalt n uzenzen, ur d-yuṣal ssut. Isubb-d, yecfa d ubrid i d-yuṣ, yemlal-d yiwen usensu. Yerra srid yur-s.

Asensu-ya, isem-is *le Maghrebin*, sbiṣa-ines n berra teqcer, Mezyan yenna deg wul-is « saramex s daxel-ines, ur yecbi berra-ines ». Yedhem yer s daxel, iwala ur teqwa ara tafat, yer tewwurt tetteddu ad d-teffey yiwet tmeṭṭut, tewwet-it-id s tayet tesseggra-yas-d tamuyli d tamendeffirt, Mezyan yerra iman-is ur yefhim kra, yenna-yas « semmeḥ-iyi ». Fer ljiha tazelmaṭ yella yiwen watag, qiment din snat n tullas, isukk fell-asent slam. Liḥala-ya ur s-teejib ara maca yeeya, yenna « awi-d kan ad yesteefu urwiḥ, azekka ad tterḥem Rebbi ». Deffir ukuntwar, yeqqim yiwen urgaz, meqcer deg laemer, acebbub yufeg deg tlemmast uselbuε, tismaqqal usekkud rsent yef wanzaren-is yuffen am lembula, allen tucnent, timawin ulint, yedha s yiwet tesyunt yettef gar yifassen-is, ideg llant teswirat n tullas d tieryanin. Asigar yensa, ires sufella n tbewwaṭ n zalamit. Yecel radyu akken ad yeffey ssut yeskura s unhat. Iban ur yessal i tayect-nni i d-iteffeyen seg radyu. Argaz-a, ur d-yezri Mezyan armi d-yewweđ sdat-s. Iduqqes-d :

- Anεam ! I s-d-yenna urgaz-a s tutlayt tafransit.
- Sbeḥ lxir fell-ak. I s-yenna Mezyan s tutlayt taqbaylit.
- Ah, n at tmurt. Mreḥba yis-k. D aḥewwas ney...
- La wa la wa. Byiy taxxamt yef kra wussan.
- Tesεiḍ kra n lxetyar n texxamt ?
- Amek, zeεma ?
- Taxxamt s tcacaf, taxxamt yesεan ttaq yer ubrid, ney taxxamt d... Iwehha s uqerruy-is yer tullas.
- Taxxamt kan. D aya. I s-yegzem ameslay Mezyan.
- Aḥal wussan ?
- Awi-d tura yef yiwen wass, umbeed ad nzer.

Izenzen tilifun yersen ddaw ukuntwar. Yerved urgaz. Mi yekfa asiwel, yeffey-d deffir ukuntwar, yettwenniε deg tserwalt-is yettef s *les bretelles*, imazed yeddem-d yiwet tsarut iεelqen din deg yiwet tfelwit, syin yerved-d asigar ; yerra-t gar tcenfirin-is, yessay-it, yebda ijebbed am lpumpa, armi yecεel. Aεebbuḍ n urgaz-a yuf armi qrib ad treḍqent tseqfal n tebluzt, ansa i d-tessejbay tmiṭ-is.

Iwehha yer Mezyan ad t-id-yedfer. Netta iteddu asigar-nni yettaḡḡa-d nnig uqerruy-is abbu ; yecba aqerru n tmacint. Bdan talluyt deg tkeddanin yebnan s usyar yerkan, qrib ad rzent deg kra yimedqan ; uyalent am lmeddayef. Mi ires uḍar yef yiwet deg-sent ad twijeq, am tin yettwaqerḥen. Ulin akken sin wannagen, ḍefren yiwen ugnir azal xemsa lmitrat, yehbes bab n usensu sdat yiwet tewwurt. « Da, ad ak-yeεjeb lḥal, ulac lḥes s waṭas ». Mezyan yenna « Ihi ssut yella yella ! »

Win yehwa, Mezyan yekcem. Anagar teldi-d tewwurt, tewwet-d lfuḥa n tidi tewxem. Yezzi-d s tmuḡli i texxamt. Iwala lbenk wuzzal wessie s tduli zuret tmal cwiṭ yer tebrek, d nnila-ya kan i izemren ad teffer ikurdan ma zzan fell-as. Yella dayen yiwen ukursi s wuzzal d yiwet tabla

beztuḥet tesəa leqjer d lemri. Mi yettkel, ifuk afḥas n tduli, yuzzel yeldi tṭaq, ɣas semmeḍ lḥal. Mezyan yebda isensar talaba ɣef yiri-s, iqeddem ɣer tṭaq yendel-it, syin yesred. Din-din yedda di tnafa.

Azekka-nni, ɣer tafrara, yettəf abrid ɣer uxxam n teẓrigin, ad yemlil d uməallem-ines d wi yeqqen ttiead.

Yeffey-d seg usensu, yettəf ataksi i t-isersen ɣer tewwurt n uxxam n teẓrigin. Yekcem, tmuger-it-id yiwet tmeḥant d tilemẓit. Isefhem-itt Mezyan yesəa ttiead d uməallem. Kra teswiɛt atta tuɣal-d, tsuter-it ad yekcem ɣer yiwen lbiru.

S daxel, iban-d yiwen urgaz, yelsa talaba tebha, yerna yezzi-d i umeggah-is s tekrabaṭ. Yeqqim deffir yiwen lbiru wessie, iɣef rsen aṭas wungalen yettwasizergen sɣur uxxam-a d waṭas n teɣlafin, n wungalen i d-ttheyyin ad sizergen.

—Azul fell-awen, mreḥba yis-wen. Nekk d *Robert*, aməallem n uxxam-a. Saramey ad d-naf i sin nfee s temlilit-a. I s-d-yenna, mi yesres tiliyri.

—Tanemmirt. Ula d nekk d aya i saramey.

—Ahat twalam acuyer i wen-d-sawley ?

—Ih, ẓriy.

—Tikkwal, ad yedru kra d yiwen, ad yenwu diri-t, netta ɣer taggara, d anecten, ara s-d-yeglun s lfayda ur yezri. Saramey tfehmey-yi acuyer ad d-iniy.

—Tettmeslayem-iyi-d ɣef tedyant yedran yid-i deg lebher.

—Ih. Nebɣa ad tt-id-nerr d ungal.

—D rray.

—Ad temyigrem d tesqamut-nney n tyuri, ad awen-d-mlen ayen ilaqen ad yettwaxdem. Ad ternum ad tmeslayem yid-sen ɣer tfada ara ɣ-yeqqnen.

—Qbel ad nemmeslay, ʁef lecʁal-a. Bʁiʁ ad kun-xebbreʁ, belli ur qebbleʁ asizreg alamma nufa-d tifat i tutlayt : s wacu ara naru ?

—Semḥ-iyi ad d-siwleʁ i urgaz yettkelfen s usbeddi n tfada¹⁷, da deg uxxam.

Yerfed tiliʁi, isawel i urgaz yettkelfen deg uxxam n usizreg s tfada. Kra teswiɛt ata yekcem-d.

—Ad awen-d-qeddmey *Albert*, yettkelfen akken i wen-d-nniʁ s yilugan gar yimarayen d uxxam n usizreg.

—Mreḥba yis-wen.

—Mreḥba yis-wen. Anɛam ay amɛallem ?

—Tɛf amɔiq, gar-aneʁ. Ugaʁ tuḥwaj-ik tɛgnit.

—Acu uʁilif i d-yellan ?

—Xaṭi, mazzal ur nehdir kra. Tura ad aʁ-d-isefhem mass.

—Ma neqqen tafada gar-aneʁ, ilaq ungal ad d-yeffey dayen s tutlayt tamaziʁt. I s-yegzem awal Mezyan

—Meɛna, labud ilaq ad twalam, axxam-nney d win ara izenzen. Ma yettwasizreg wungal-nwen s tutlayt tamaziʁt, ur nettaf ara aṭas t-yaʁen d waṭas ara t-yeyren. Ma twalam lecʁal akken-nniɔen, inim-d.

Iger-d iman-is *Albert* :

—Nezmer ad naf tifat i tluft-a.

—Amek ? I s-yenna *Robert*.

—Ad nesizreg ungal s tutlayt tamaziʁt, umbeɛd, ad nessuter deg Tseqqamut n *Europe*, ad aʁ-d-tefk ttesriḥ ad nerr ungal seg tutlayt tamaziʁt ʁer tutlayt tafransit, ad rnun ad aʁ-xelsen.

17. *Contrat*.

— Ah ! Ur xemmey ara i tesqamut-a. Akka mass Mezyan ad yefreh ad yerbeh. Nekkni dayen ad nerbeh ameyray n tutlayt tamaziyt.

Syin, *Albert* d Mezyan ffyen-d, ad kemmlen ameslay yef lqanun usizreg.

Sutren deg-s kra lekwayed akken ad skelsen deg tsuddut n *SACEM*.

Mezyan yeffey-d seg tzeqqa n tezrigin, yerra yer usensu ad d-yeddem lqec-ines. Syin ad yerr yer usensu n gma-s Ferhat.

TABRAT N SAMIR

« Abgayti » d isem usensu n Ferhat yettseyyir Yidir.

Deg ttberna-ya n Yidir, yal wa yufa iman-is. Gas akka tikkwal, mi tezgıd teqqimed ulac axeddim, ad thulfad i wussan ttnejbaden am ufdir-uqessul gar yifassen n tmettut i t-id-ifeşlen. Tasebhit, qbel ad teččar ttberna, ad ak-id-tmager ccna n Lhaj Mhemmed Læenqa « Lhemdulilah... », mi tezri kra n teswiş, tissit ad tzid yef kra yimdanen, Yidir ad yekkes ađeb-si-nni n ccna n Lhaj, ad d-yerr deg umdıq-is Dehman, anda ara tebdu rejla, tırrugza d nnif-nni iseylin ataş d amdan. Fer taggara, mi d-qqimen wid ijađen, ad asen-id-yerr Akli Yehyaten ara d-yebdun ccna « Ay axxam, jahey... » neş Lhesnawi d Siman Şazem. Mi yeqqim yiwen, yetthessis i yicennayen, ad as-yini zzin-d akk i tlufa s wawal, udren-d kulci, ur d-ğğın acu ara d-yernu wayeđ. Ad twalıđ, deg wat tmurt, tessen tthuzzun deg yixfawen-nen ; zedren deg wawalen i d-işerzen i tedyanın.

D ućci i d-yettheyyi, i d-yeldin tiwwura n usensu i Yidir. Yiwet tikkelt asmi yella ixeddem deg tkebbanit n *Renault*, tikkwal mi d-yufa cwiş n lweqt, ur itett ara ućci i d-heyyan deg tnawalt n tkebbanit, itett ućci i d-iheyya netta deg uxxam. Ađebbax n tkebbanit yenεajab amek yiwen Uzzayri yenhaf, yugi ad yečč ayen i d-iheyya. Ađebbax-a iruja armi d ass ideg i d-yewwi Yidir ućci, yeşna-t-id.

— Acu d-tewwiđ akka a mass Idir, akken ur k-tεejjeb ara lmakla-nney-a n luzin ?

- D taesbant. I s-d-yerra Yidir s tefransit.
- Acu d wa ?
- D lmakla n tmurt-nney.
- Ihi yebda lxiq yettay deg-k-ażar. Wansi-k ?
- N Bgayet.
- Ah ! Akken sliq yakan fell-awen, tesεim ućči bnin nezzeh. Zemrey ad εerđey ?
- Ma tebyıđ.
- Yidir, yesmar-d taesbant-nni yer yiwet n tđebsit lqayet, yebda afettet deg-s, yekkes-d yiwet tfelfelt qerrihen.
- Wa d ifelfel qerrihen, ma tebyıđ ad teććed.
- Yidir, kra yella kra yerna, yeddem-d zzit uzemmur, yesmar cwiť, azal n tyenjawt n lqahwa, yef tfelfelt. Iseggrayas-d s wawal :
- Wa d zzit uzemmur n tmurt.
- Hedren-iyi-d yakan fell-as.
- Lmakla teşjeb nezzeh I uđebbax. Mi yekfa yenna i Yidir :
- Yella yiwen d agla-nwen, isuter-iyi ad as-ťfey tamećčayt. Tura ma tqebleđ ad as-meslayey fell-ak.
- Din-din Yidir, yemlal d Ferhat, din-din fran lecyal. Asensu n Ferhat yetťef-it Yidir.
- Mezyan yekcem yer usensu « Abgayti », yerra yer ukuntwar, isuter ma tella texxamt.
- Tella. Aćhal ara teqqimeđ ? I s-d-yerra Yidir.
- Ur zriy. Awi-d tura yef durt.
- Ef-k-iyi lekwayeđ-inek.
- Mezyan yekkes-d takarđa seg utezdam, imudd-itt i Yidir. Mi yeyra Yidir isem, yefka asekkud yer Mezyan am useffud. Yesteqsa-t : « D kećć i d gma-s n Ferhat ?
- Ih.
- Ur tezmiređ ara ad d-tiniđ deg tazwara ?
- Acuyer ?

—Segmi yesla gma-k truḥeḍ-d, deg wass-n ar wass-a, taxxamt-inek theyya ».

Yidir, imudd-as-d tasarut yerna-yas-d tabrat. Yedda yid-s ad as-d-yesken taxxamt.

S daxel n texxamt, yeqqim. Yewhem d anwa ara s-d-yaznen akka tabrat. Mi tt-yeldi yeyra isem. D Samir si Bgayet.

Deg berra, lgerra tefka nneɪ ur fell-as bniy, yas walay lajel n lehwa d asigna ; asigna yessaɣ. Win temken ad yeččumex.

Sin yibulisen s tlabā am tin n lɣaci merra, kecmen-d yer *Cyber*. Yiwen deg-sen yenna-yi-d :

—Mselxir.

—Mselxir. I s-d-rriy s wawal, fiḥel ma muqley-t.

—Ulaç kra n ṭḥanut yeznuzuyen tiktabin da ?

—Akken walay ulaç. Ma yella kra, wihin i ɣ-d-iqublen.

—Lemḥel-a, inek ?

—Xaṭi, nekk, d axeddam.

Abulis-nni i yi-d-isawalen, yesres-d yef lbiru takarḍit, isedfer-as-d awal :

—Awi-d lekwayeḍ n ṭḥanut.

Greɣ afus-iw, dmeɣ-d takarḍit, ɣriy-tt, nniy-as :

—Ulaç-iten ɣur-i ; yettawi-ten yid-s umɛallem.

—Awi-d lekwayeḍ-ik. Mi d-tewwiḍ lekwayeḍ n ṭḥanut arwaḥ yer uxxam n lkumisar ad ak-ten-id-nerr.

Sin ibulisen ffɣen. Lecɣal deg *Cyber* kemmlen akken bdan. Wid yellan yer *Internet*, yiwen ur d-yettwalleh. Amzun ur yelli kra. Ma d nekk seg yimar uysey, d tikkelt tamezwarut i yi-d-ɛnan ibulisen yer ṭḥanut. Cukteɣ yella kra yeffren. D acu-t ? Ur ɣriy.

Limer usan-d s sebba n tedbelt dili zriy, dili ixeddamen n tmehla-ya ddan-d d yibulisen, meena ad d-asen ibulisen iman-nsen, cyel ur isefrah ! Smektan-iyi-d tilufa-nni n zman n lhers.

S teyzi n tmeddit nekk, atan beddey, atan qqimey ; ur yitewwwi lqaea, ur yi-yerfid yigenni. Taswiæt-a d tin anda itran ylin, iyerdayen ulin.

Mi d-yewweð Lunis, ffye-y-d rriy qbala yer uxxam n Nadir, yefka-yi-d lekwayeð n *Cyber*, syin kemmley abrid yer uxxam n lkumisar.

Ulaç ara twalið. Am uxxam n lkumisar am wid i tizedyen : kulci berrik, kulci ittejtiti, kulci ifuh. Ula d cicma ulac. Ma lehqen-d waman n tasa, yas af-asen-d amdiq deg tæbbu-ik, da ulac anda ara ibecc yiwen. Amenzu i d-myagrey yer tewwurt, steqsay-t :

— Kksen-iyi lekwayeð-iw.

— D ibulisen ney d *les motards* ?

— Xa, deg tñanut i yi-ten-wwin.

— Txedmeð kra ?

— Xa, nnan-iyi-d ad ak-ten-id-nerr mi d-tewwið lekwayeð n tñanut.

— Umbeed tewwið-d lekwayeð n tñanut ?

— Ih.

— Amek isem-ik ?

— Agawa Samir.

Abulis yeldi yiwen uttafttar, yura isem-iw, yenna-yi-d : « Raju dihin, mi d-tewweð nuba-k, ad ak-d-siwley. »

Rriy yer yiwet tzeqqa, nniy ad ktiley kan tardast, ad qqimey. Ufiy din tlata yimdanen ttrajun. Yal wa yebren aqerruy-is yef wayeð. Agerbuz-nsen yella ma d aqerruy yezga berra i tesmeð n tzeqqa-ya yecban silul.

Ata isejba-d yiwen seg tewwurt.

— Samir Agawa !

Zdiɣ-d lqed-iw, ffɣeɣ-d, ɛefrey-d deffir-s, nelha akken azal n tmaya lmitrat, teɣzi n ugnir, nekcem tazeqqan-niden. S dixel, yella yiwen ubulis deffir ɣabla, yettraju. Gar-aneɣ tella tmacint n tira n lɛehd-nni n *Charlot*.

— Qqim !

Iwehha-yi-d s ufus-is ɣer ukursi yellan iqubel-it-id.

Uɣeɣ amɗiq, qimeɣ.

Iger yiwet tewriqt deg tmacint n tira, yebda tiyiti deg tqeffalin. Ssut i d-skurant tqeffalin iɛerɗiq s dixel uqerruy-iw am uninay n lɣameɛ n lihud. Ma d abulis-nni, yewwi yiwet tqeffalt ɣer yimejj-ines, tetteffi-yas-d ccna. Mi yekfa tira, yerfed-d aqerruy-is ɣur-i yebda asteqsi deg-i :

— Isem-ik ?

Mi s-d-rriɣ awal ɣef tuttra, yuɣal armi d uɛerɗeq s tqeffalin n tmacint.

Mi yekfa asteqsi, isawel deg tiliɣri i umeddakel-is. Ata yekcem-d yettɛf-d yiwet tmeɛttut deg yiɣil, izuɣer-itt-d. Tameɛttut-a tesakked-iyi-d tenneɣcam, tebra i wallen-is, tettqelleq. Din-din yettɛf-itt deg yiɣil, isuffey-itt.

Sdat tewwurt, yebda tuttra deg tmeɛttut-nni akken ssaleɣ.

— Tɛeqleɗ-t ?

— Mačči d netta. I s-d-terra, tettettru.

Abulis-nni yebda askenfer d usuɣu fell-as.

— Amek i tettɛqqeɗ mačči d netta ? Nniɣ-am d wa ! Ad akem-rreɣ twalaɗ tikkelt-nniden. Ilaq ad at-tɛeqleɗ.

Yekcem-d ubulis-nni tikkelt-nniden, izuɣer-itt-id am lmal. Tameɛttut tebbajew, imeɛtti igelmam deg wallen-is. Isuɣ fell-as ubulis-nni, yenna-yas :

— Muqqel-it mlih !

Mi tezri kra tēgnit n tsusmi, yerna-d awal :

— D netta ?

Tameṭṭut tnuzeε-d ;

— D netta.

— Σεyyeḍ ad am-d-nse !

— D netta ! I tenna i ubulis-nni yeqqimen yef ukursi.

— Awi-tt ! Yebren-d yur-i yenna-k. Tzagat εli-k !

Akken s-nnan Leqbayel « kul yiwen yessen amek ara yemḍel jidda-s ». Wa yufa-d ula d win ara d-yeḡzen azekka.

Anagar sliḡ i tmeslayin-a, frawseḡ. Żriḡ, mi tameṭṭut-a ur tt-quḍren ara, a win yeḡran acu yi-yettrajun nekk.

Fran taluft yef uqerruy-iw, ur walaḡ acu xedmeḡ. Tebrek tebda tyelli-d yef tmuyli-w. ur fhimeḡ ma yella ad ffyeḡ neḡ da ara yi-tṭfen. Ula d imawlan-iw ur ttwaxebben ara.

Abulis-nni, yejbed-d tawriqt-nni seg tmacint, imudd-iyi-tt-id. yezher-d fell-i :

— Stenyi !

— Ur stenyayeḡ ara alamma yriḡ acu turiḍ deg-s.

— Uriḡ ayen i d-tenniḍ.

— Γas d ayen i d-nniḡ, meεna ad at-yreḡ. Tzemreḍ ad iyi-d-tiniḍ acu xedmeḡ ?

— Weh tenwiḍ d kečč kan i yellan d cḡel fell-aḡ ? Aya stenyi !

Netta yugi ad d-yerr awal i usteqsi, nekk ugiḡ ad stenyiḡ. Ulaç ara yexdem, ulaç ara xedmeḡ. Ma d leεyaḍ i d-yeqḍan d tmeṭṭut, yid-i ur d-iqeṭṭu. Rebḡeḡ ma ur stenyayeḡ wala ma stenyayeḡ.

Nekk ur stenyayeḡ, nutni bdan ḡkara. Tlata wussan nekk, d rwaḡ d tuḡalin d ukeččum d twafḡa seg uxxam n lkumisar. Ad kecmey sbeḡ ad rajuḡ alamma d tnac, ad iyi-d-inin uḡal-d azekka yef tmanyā. Nutni sarmen ur d-ttaseḡ akken ad d-afen sebba ad iyi-d-sneslen ad as-inin yerwel.

Limer i zriy leçyal uyen yir-abrid, sfehmen-iyi-d acu yeðran dili heyay iman-iw. Ğğan-iyi tkuffutey gar lemwañi yettawin yettarran deg-i seg tzeqqa yer tayeð s dixel uxxam n lkumisar. Akka kan i teffrey, yur-k ad iyi-d-yeeqel yiwen mi kecmey ney mi qimey s dixel ney mi dffey seg uxxam n lkumisar. Uyalet am win yeddren yirtargit, am umekrað-nni iyef d-yura Saaid Meqbel.

Ur Zriy anda tetteddu taluft, teðra yid-i am win yewwi wasif, ulac asyar deg ur yettif. Fehmey i wakken ad selkey, ilaq ad d-nadiy yef tayet.

Sawley i Murad, amaðan¹⁸ n uxxam lkumisar, mliy-as tadyant. Isawel i lkumisar, yeqqen-d timlilit yid-s i tmeddit.

Tameddit-nni, newweð sdat ubulis yer tewwurt, isellem yef Murad :

—Sbeñ lxir a Mass Murad.

—Sbeñ lxir ! Murad yerra-yas-d awal d asemmað. Ikemmel abrid.

Nekk, tafarey kan deffir-s. nuli yer wannag aneggaru. Axxam n lkumisar d yiwen ma d leçyal maççi yiwen-nsen. Annag-a zeddig, tiwwura n lbiruwat yezgan din merra nedlent, tameslayt s wawal fsus yerna yemeen. Liħala ur tecbi tin n wannagen imaddayen.

Mi newweð sdat lbirru, teṭṭerdeq yiwet tqeffalt, teldi tewwurt, idemmer-itt Murad, nekcem.

Tazeqqa n lkumisar tessedhac. Wessie, teemer s wattagen, sin n lbiruwat, yiwen deg-sen meqquer iban sexdamen-t i unejmuε. Deffir uqerruy n lkumisar, tælleq tteswira n berzidan, yer yidis azelmað n lbirru ires senjaq n tmurt n Lezzayer, ma yer yidis ayeffus tres yiwet tilizri mezziyet ; syin i yettwali mi d-ibedd yiwen sdat n lbiru.

18. *Comptable.*

Lkumisar yezdi-d lqed-is, imuger-aɣ-d ɣer tewwurt.

— Mreḥba yis-k a Murad. Amek yettili werwiḥ ?

— Labas a lkumisar.

Murad yessen isem-is meɛna akka i d leɣal n yibulisen, isem-is ur t-id-ttadren medden kan akka.

— Aḥal-aya ur d-tbaned. Ugaɣ ilaq ad d-snedheɣ abulis ad ak-yesker abrusi akken ad aɣ-d-tzured. Qimet.

Iruja armi neqqim, lkumisar yerra deffir lbiru, yeqqim ula d netta.

— Amek leḥwal ?

Akken iteddu Murad ad as-d-yerr awal, lkumisar itekka ɣef tqeffalt teldi-d tewwurt. Yekcem-d yiwen ubulis, yewwi-d ttay. Din din lkumisar yerfed ameslay :

— Acu ara tsum ? Anay twalaɗ a Murad, ɣef rabea ilaq-iyi ttay d kra tziɗanin.

— Am yimezday Langliz.

Isakked Murad, yesteqsa-yi-d ma ad suɣ kra. Nniɣ-as xaṭi.

— Awi-d lqahwa i nekk.

Lkumisar yebren ɣer ubulis, isuter-it ad d-yernu lqahwa. Abulis yekka tawwurt.

— D wa i d ameddakel-nni-inek iɣef d-temmeslayed ?

— D wa.

— Isem-ik ? I yi-d-yesteqsa.

— Samir Agawa.

Yeddem tilifun, yessawel ad as-d-salin ddusi yeɛnan tadyant-inu. Mi yekfa tameslayt, yesres tilifun, isakked-iyi-d ɣer s daxel wallen-iw, am win yebɣan ad yetter tiririn n wawal ɣer s daxel tmelyiɣt-iw.

Lkumisar itekka ɣef tqeffalt tikkelt-nniɗen, teldi-d tewwurt, yekcem-d yiwen ubulis gar yifassen-is yettef yiwen n ddusi, isukk-d slam fell-aneɣ, imudd leɣal i

lkumisar, yeffey. Lkumisar yeldi ddusi, yebda yeqqar, umbeed yewwi dayen aḍad-is yer tqeffalt, teldi dayen tawwurt. Ata yekcem-d ubulis yef yiḡallen-is sniwa, rsen fell-as ifenḡalen d lkisan d tqerεet waman d snat tefjurin n lqares.

— Tamettut i d-wwin teεqel-ik, tezriḍ d anta-tt ?

— Deg ddunit-iw, ur tt-ssiney !

Rriy-as-d awal s ucnaq wallen.

— Atan ur testenyaḍ ara *le P.V.*

— Sfehmeḡ abulis-nni, ilaq ad yreḡ acu yersen s daxel uqbel ad stenyiḡ.

— Acu i k-d-yenna ?

— Iεeyyed-d fell-i, iseggra-yi-d s regmat.

Yebren yer Murad, yenna-yas :

— Ur ttqelliq ara a Murad. Ad as-iniḡ i Lmuhub ad yettkellef s tedyant, ad as-iεawed tasastant i mass Agawa.

— Amdan-a a lkumisar am nekk.

— Nniḡ-ak ur ttaggad, anagar ferru ara tefru. Nekk s yiman-iw ara yedfren taluft. Ma d kečč, a mass Agawa, yezmer lḡal ad d-steqsın fell-ak yer uxxam n creε meεna ad tiliḍ kan d inigi.

Akka i tefra. Zrin kra wussan, sawlen-iyi-d snat tikkwal yer uxxam n creε, unageḡ i taluft ur s-ḡdireḡ.

Din, deg uxxam n creε i fehmeḡ acu yellan.

Acu-tt tedyant yedran ?

D yiwen, i d-isawaḍen tixebbirin i yibulisen, ikeččem axxam n tmettut-a i d-wwin ibulisen ad iyi-tesmieqel. Amdan-a yekcem axxam n tmettut-a am yal ass, yufa anagar yelli-s d tilemzit i yellan din deg uxxam. Iger ad yettεeddi yef lḡerma-s. Taqcict tuced terwel-d yer berra, tettεeyyiḍ. Mi tt-yezra yiwen deg ljiran yewwi-tt yer uxxam lkumisar.

Deg uxxam n lkumisar mi bdan lbeħt, ufan amdan-a ixedmen yir-cyel-a d win i sen-id-isawađen tixebbirin. Gar-
asen fran ssuq : ilaq ad at-seřren. Anwa ara d-afen ad ixelles
taluft deg umđiq-is ? D nekk.

Hkiy-ak-d aya, akken ad ak-iniy ma tħulfađ s lyerba
zayet, ħsu lbařel n da, ur s-yezmir yiwen.

Ğgiy-ak-d talwit ».

Mi yekfa tayuri, isakked tabrat melmi i tt-id-yuzen
Samir. ředdan yakan rebea wagguren. Yeđfes-itt, yerra-tt
yer lĵib.

Mezyan yessen amek iga Samir. D afenřazi, ma d tigellelt
d netta i tt-igan i yiman-is ; teřjeb-as. Tetten-t ifassen-is yer
umesruf. Yettgernin mi yebya ad d-yay kra n zeřla, yaf-d
iman-is ulac asurdi. Ul-is wessiř, d bab n lxir. Mi d-yemlal
yiwen yenħaf, yettein-it s wayen yesea, ula d sadaqa mi ara
d-iseddeq, yettawi afus yer lĵib, ayen i d-ddmen idudan ad
yeffey d sadaqa. Akken dya i yeħmel ad d-yay igerwazen
icebħen ney atraren, wid yettak yer taggara wala ad aten-
yeznez. Asmi ara d-yezleđ, werjin ad isuter yiwen, mačči s
leħya maca yeqqar yef yiman-is « anagar yef wučči ney lkif,
i iserreħ lqanun n talsa i umdan ad isuter ney ad yaker
imerkantiyen, ma ur yesei asurdi ». Ur t-tuqeř lřeqliya n
yiwen, ur k-yeqqar la teħma la terya, la telha la diri-tt ;
amdan d amdan, akken yebyu yili ney semmin-as ney
subban-as medden.

Mezyan, iħulfa s yiman-is yemger gar zebra d ufđis,
bdan yesteqsiyen ttemttučařen s dixel wallay, itezzem deg
terwiħt-is yeqqar : yif limer ur yeffiy seg tmurt, d netta kan
i izemren ad yuyal amendad i terbařt. Maca tura lecyal
bdan tikli, ilaq i yiwen, ad iwala ar sdat : Acu yezmer ad
yexdem akka d afella ? Wama izri d idelli.

Samir seg wid iħemlen aħas Mezyan. Yezmer ad yenħ
neħ ad yemmet ħef ljal-is.

Yeddem rray, ad isiwel ħer tmurt i Jamal, deg-s ad at-
isuter ad as-d-yazen leeqed n tlalit akken ad at-yawi i
umεallem n uxxam n tezřigin, ad yernu ad at-yesteqsi ħef
leħwal n yimeddukul.

TILIFUN I JAMAL

Mi d-yuki Mezyan, yezdi-d lqed isubb ad isu afenğal n lahwa s uyefki. Mi yekfa, isuter bab n usensu, ad d-iserreh i tiliyri yer texxamt. Cwiğ kan akka, iğenzen tiliyri ; Yidir ixebber-d Mezyan yezmer ad isiwel.

Inemmer fell-as, yebda atekki yef tqeffalin s tazza, am win iwalan win iyef ixaq, ur t-yezri açal-aya. Tettuyal-d tayect i s-yeqqaren yella leyłađ deg wuğğun. İawed i numru açal d tikkelt ; yenna ahat yeğleb-it uraqi¹⁹. Ssut dima ulac. Yehwa-d yer Yidir, yellan deffir ukuntwar yedha s tilizri. Yesteqsa-t Mezyan acuyer ur yetteedday ara tilifun.

— Anda i tebyıđ ad tesiwleđ ? I s-d-yerra Yidir.

— Ğer tmurt.

— Awi-d akka numru. I medden akk yetteedday yer tmurt, amek akka kečč xatı ?

Mezyan yejbed-d iccer n lkayeđ seg ljib, imudd-as-t. argaz-nni yezmumeg, yesteqsa dayen Mezyan :

— Acu k-yuğen akka, mazal-ik deg uğğun aqdim ? Tura rnan yiwen wuğğun, yuğal ecra.

— Amek ara xedmey ?

— Rnu yiwen wuğğun kif-kif-it d umezwaru i d-ıđfren deffir n wulac-ulac.

19. *Emotion.*

Mezyan, ineḥcam. Yuli-d s tyawla tikeddanin. Yebda atekki deg tqeffalin n tilifun. Iruja, ulac. Iɛawed, kif-kif.

Tikkelt tamezwarut iluḥeq-it-id ssut yer tmezzuyt iddukel-d d usxerwec. Iɛawed, ulac ssut. Din i yenna « akken i s-qqaren : ssut n tmurt ulac, ma d lfuḥa d nettat akk ». Azal n 10 tikkal s wamek i d-yetṭef Jamal.

— Allu !

— Allu, anwa akka ?

— A d Mezyan.

— Anwa Mezyan ? I s-d-teqqar tayect i d-yettawḍen seg lxiḍ n tilifun.

— I kečč, d Jamal ?

— Ih, d Jamal. Anwa... Ah, Mezyan ! Aah, tura i d-ɛeqley tayect-ik. Tbeddel akk, tuyal am tin yečča uqadus. Aah, a Mezyan. Amek leḥwal ?

— Aha, aha, ṭixer-aḡ deg uqesser-inek. Amek liḥala din ?

— Da, tufiḍ-d akken kan i nezla tisenyit n Lɛid.

— Ahat idewwex-ikum buzelluf ?

— Am zik kan, llan wid ihelken aɛbbuḍ-nsen, llan wid ihelken aqerruy-nsen. Anaḡ ma ur tennuḡ ara kra, dima isehlak ḡas ulamma d ayen yelhan.

— Mazal arrac tturaren s wacciwen ?

— Acu akka a Mezyan, kunwi din tewḍem yer turart s wallalen n tfermatukt, nekkni tebyiḍ ad neqqim deg lɛehd n umennuḡ s wacciwen?

— I lecḡal amek lḡan din ?

— Atan tettmeslayeḍ-d am At Ḥmed seg *la Suisse*. I s-d-yerra awal Jamal deg yimi tezta taḍsa.

— Anwi lecḡal ? Mačči d yiwen. Tamurt tbeddel tura. Yerna acuyer ur d-tkeččmeḍ ara deg *Skype*, ad nemmeslay yerna ad nemzer.

—Eğğ-iyi tura ad derkey iman-iw, umbeɗ ad nemmeslay yef leḥwal-a ijdiden i d-yezzin i ddunit.

—Bdu-d yef yimeddukal.

—Yal wa yettɛf taɛcuct, timlilit nettemlili dima.

—I terbaɛt umezgun, anda tewweɗ ?

—Mazal akken, nettkafaḥ s yisem n tɣuri. Acu kan tura, yal wa abrid yextar... Aah, a Mezyan ! Iyab ssut-ik, armi nruḥ ad ak-nettu. Acu i k-yeğğan akka ?

—Mačči d ayen ara k-d-ḥkuɣ deg yiwen wass.

—I *Paris* amek ?

—Labas a Jamal. Meɛna qrib yerqey deg *la Provence*.

—Ma d da, nenna : nettraju ad d-tuɣaleɗ kečč d gma-k Ferḥat taswiet yegla yis-k d ubrid-is. Ihi mačči din di *Paris* i telliɗ ?

—Nniɣ-ak xaṭi. Kkiɣ aṭas deg tama wadda n Fransa.

—Ihi yenza uswal-ik din ?

—Aha tura berka asmuses. I leḥwal din anda wwɗen ?

—Anwi lecɣal ? A tura ddunit tetteɗdu tikli n *Internet*.

Mačči d ayen ara t-id-isefhem Mezyan i yeqqimen deqs n tallit berra i tɣerma. Jamal ur yezri awalen-a d imaynuten i Mezyan, ur sen-yesli yara yakan. Akken ad yaz yer sdat s umeslay, yenna i Jamal : « Meslay-d ihi yef teqdimin : amek lḥuma, ma mazal Σisa amɣabi yeznuzu lgaz s lpumpa... I terbaɛt amek, mazal tetturar ? »

—Nurar deg kra n temnaɗin.

—Mazal tetteɗtirim turart deg tudrin ?

—Mazal. Akken i nebda zik. Lukan ad k-ḥkuɣ, tura nqeddem yer tɣiwanin.

—Anti tɣiwanin anda akk i turarem ?

—Nurar deg tɣiwant n Tmezrit, yenced-ay-d Mexluf, s yisem n Uselway n tɣiwant. D nutni i ireɛden akk lecɣal i d-imendedden, am usiweɗ n tedlegt, am wučči...

— Anda dayen ?
— Nurar dayen deg tɣiwant Aɣbalu.
— Da d imezday n Ucluf i yettqamen yis-neɣ. Di tazwara.
— Isefraḥ lḥal. Ayen nezḥa tuɣal-d lɣella-s. tella tɣiwant-nniḍen ?

— Qrib nurar deg tɣiwant Iberbacen.
— Umbeɛd ?
— Myefken awal gar-asen iselwayen n *F.L.N*, akabar awḥid. Zriɣ nessawedɛ nessagad-iten, ɣas tazmert-nney d tin wawal.

— Amek i myefken awal gar-asen, amek qrib turarem deg tɣiwant Iberbacen ?

— D Lmuhub i yeenan aselway n tɣiwant iserɛdeb-it-id, armi yeqbel isujed-d ancad. Mi yerza ɣer tɣiwant ad d-yawi tifert n lkayeɛd n uncad, ixeddamen n tɣiwant, nnan-as-d « nheyya-tt, neḡḡa-tt i uselway ad tt-yestenyi ». Lmuhub iqeddem ad iwali lecɣal anda wwɛden, yekcem ɣer uselway. Yufa-t ikukra cwiɛ, acku yessen lecɣal n Lmuhub. Din aselway yejbed-d ancad ɣer tama-s, qbel ad yestenyi, yesteqsa Lmuhub : « Yella wanda turar yakan, terbaɛt-a Ineggura ? » Lmuhub yerra-yas-d, nurar deg tɣiwant n Tmezrit, deg...

Din-din yeddem tilifun isawel i uselway n tɣiwant n Tmezrit, mi yebda azemmer tilifun, isuli-d i ssut. Akken Lmuhub yettḥessis : « Ahla a Rayes ! » I s-yenna uselway n tɣiwant Iberbacen.

— Mreḥba, s ssut-ik a Rayes ! Amek leḥwal n yimezday n Yiberbacen ?

— Ad yedwem Rebbi taswiɛt.
— Aɛni yella kra tuḥwaḡeɛd a Rayes ?
— Welleh ar uḥwaḡeɣ-k ad iyi-twelheɛd ɣef yiwen cɣel.

—Ma d ayen nezmer aql-aɣ da, neɣ mulac ad nessiwel anda-nniɗen. Ini-d acu i tuɣwaɣeɗ.

—Sliɣ turar deg tɣiwant-nwen yiwet terbaet akken umezgun, isem-is « Ineggura ». Bniɣ ad aten-id-necdeɣ ɣer Yiberbacen. Acu tenniɗ ?

—D Imucewicin. Qrib i d-snekkren imezday n tudrin i d-yezzin i tɣiwant. A laɥif ! Ula d nekk, rriɣ-asen deg lxir, welleh ar briɣ-asen am lmal. Lliɣ ɗemneɣ-asen imensi d umesni, serɥeɣ-asen akken. Ad ɣren acu d ssuma n *la révolution*. Ma yella nwan eeddi kan ad temmageɗ *révolutionnaire*. Lmuhub yenna-k, kra yettɥessis uselway n Iberbacen, yeskerfij deg tifert-nni n uncad yettɥef gar yiɗuɗan-is.

—Seg yimar fkan awal fell-aɣ.

—I tzeqqa, mazal-ikun deg tin n *U.N.J.A* ?

—Yuksan wul-ik. Σbella neɣleb-it-id s tin i s-d-tessuffeɗ : ma yewweɗ lexbar lɥekkam, « nekkni d igrawliwen », ad neglu yis-k, ad asen-nini d kečč i ɣ-d-yefkan tadlegt. Maena ur yeɣbis ara da.

—Amek yexdem ?

—Di tazwara, isuter deg-i tisura n tzeqqa, akken ad ilewweɣ yis-neɣ. Netta yeɣra nekkni nezra : ur sent-nefka ara.

—Umbeed acu yexdem ?

—Tecfiɗ ɣef uɛessas-nni n yiɗ n tzeqqa ?

—Ih, cfiɣ fell-as.

—Ixelles-as taqerɛett n *Ricard*, isuter-it ad tt-isu s daxel n tzeqqa, anda netturar. Mi yeɣra Σbella teɣma zerda, yuli-d axxam n Si Lmehdi, yenna-yas «ad k-d-sekneɣ, anda lwaɣi d menhu yettsehhir mmi-k ». Akka yesruɣ-aɣ yiwen umdewwel. Mi iwala ta ur tečč ara, tezri kra n tallit, isawel-iyi-d yenna-k :

« Iwakken ad teqqimem da, ilaq ad tettekkim yer *U.N.J.A.*

— Amek ara nexdem. I s-nenna. Yenna-k : «Yal yiwen deg-wen, ad d-yawi tteswira-ines d leeqed n tlalit.» Azal n ddurt segmi s-nefka tteswirat, ata yejba-d yiwen ubulis yer baba, yenna-yas « Ini i mmi-k d terbaet-nni umezgun ad hadren iman-nsen, atan akabar awḥid iger-ten-d deg nican ».

— A ba, ba, ba !

— Mazal ! Uḡalen-d wwten-aḡ-d s wagla-nney.

— Amek ?

— Gren-aḡ-d yiwen d agla-nsen yer terbaet. Setearfey æddan-aḡ deg tḥerci, angeḥ-ik.

— Ur tfaqem ara ?

— Amek ara tfiqeḍ, yusa-d seg tseddawit n Stif, yessen Muḥuc, Muḥuc yessen-it. Anda ara yili ccek ?

— Isem-is i wa ?

— Miqur.

— Ula d isem-a deg-s ccek. Amek yexdem, Miqur-a ?

— Ussan imezwura, yeḡra tarbaet s *lba d tta*. Yeḡra yella lxilaf gar-aw d Muḥuc. Yeena-yi-d Miqur-a, yiwet tikkelt, yenced-iyi-d yer lqahwa, anagar neqqim yebda-d tiyiti deg Muḥuc. Azal n tsæet netta d yettmeslay. Ġḡiḡ armi d-iferrey taccuyt-is, segḡray-as-d s wawal : «Ma tseḡḡ lkuraj, ad d-qney ttiæad d Muḥuc, tḡiwwed-d i wayen akk i d-tenniḡ sdat-s ». Kkreḡ.

— I terbaet tesla ?

— Ala, cḡel yeqqim gar-as d nekk.

— Umbeæd ?

— Umbeæd yesnulfa-d tiyiti s tluft Yizduklanan d Yimaziḡen.

— Amek ?

— Ayen akk i d-ibermej yečča deg-s Muḥuc. Syin i d-

yebda beṭṭu gar yimdewlen n terbaet yeddan yid-i d wid yeddan d Muḥuc. Nekk, rriḡ yer uxxam yilmeḡyen Fatima Remtani, lbaqi rran yer uxxam yilmeḡyen Sumari.

— Akka yelha rray, lulent-d snat trebbuyaε. I Miḡur d Muḥuc kemmlen xawa-xawa ?

— Tumneḍ kečč ziḡen ! Cwiṭ kan msebḍan. Sawlen-iyi-d ad uḡaleḡ yid-sen, uḡiḡ.

— Umbeεd ?

— Yal yiwen yesnulfa-d tarbaet.

— Ihi, tarbaet tecba *la paramécie*. Tamezwarut tebḍa ḡef sin, tisnat tebḍa ḡef sin atḡ. Mazal lxir yer sdat. Ma fehmeḡ, kečč teddiḍ d yidelsanen ?

— Amek ihi ?

— I terbaet tkemmel turart ?

— Tkemmel, ma d imdewlen, kra qqimen kra ruḡen. Anaḡ twalaḍ yakan, akken nettimḡur ttimḡuren yiḡeban.

— Ih, anect-a walaḡ-t. I Bubker Galabruz yeqqim ?

— Angeḡ-ik, d netta i yuḡalen d Amaziḡ akter-nney. Kra-nni nleqqem deg-s, ikemmel-as netta afras.

— Amek ?

— Yuḡal yettarra-d iḍrisen seg tutlayin-nniḍen yer tmaziḡt.

— Mazal-it deg terbaet ?

— Awah, dayen. Tura yeddem senjaq-nniḍen. Yeddem senjaq aḡraḡlan.

— Amek ?

— Tura-yas-d tabrat yiwet terbaet idelsanen seg Lalman, bḡan ad d-rren yer tmaziḡt yiwet tmedyazt n *Jean la Fontaine*, tin iwumi isemma « Le chien et le chacal ». Mi tt-yekfa, iruja aggur akken ad as-iεiwed taḡuri qbel ad asen-tt-yazen. Deg teswiεt-nni uraji, yewwi baba-s yer tmurt, jban yer lexla, mi bḍan tikli deg ubrid uḍar, baba-s i d-

temken taqqa deg yiṭil, yenna : « Akken i s-yenna wuccen 'Taqqa wala tuqna ». Din-din Galabruz icelqef asefru, yebda asteqsi : anwa izemren ad yaker wayeḍ gar nekkni d Yifransisen ?

– Amek i d-yeffeḥ yer tuttra-ya ?

– Yesεa lḥeq. Deg tallit-nni n *Jean de la Fontaine* Leqbayel ur ḡrin ara, ihi ur zmiren ad akren i win yeyran.

– Anda yewweḍ s unadi.

– Yufa-d belli *Jean la Fontaine*, yedda-d d baba-s armi d Delles, kkan azal n setta wagguren din.

– Mazal yettkemmil anadi ?

– Ata iban-d yiwen di Fransa, isem-is *Richard Demarcy* yerra-d aṭas n tmedyazin n *Jean la Fontaine* yef usayes. Yeqqen yid-s ttiεad yezmer lḥal ad d-yerzu yer tmurt. Ula d anazur-a yettḥeqqeq belli *Jean la Fontaine* iruḥ-d yer tmurt n Leqbayel.

– Yemlal yid-s ?

– Mi d-yewweḍ lweqt n temlilit d unazur-a, sawlen-as-d yer lεesker.

– Anta ljiha uyur s-d-sawlen ?

– Atan di Batna. Ussan-a bdan ḥettben imezday n tmurt. Netta ceyεen-t yer Arris.

Yekcem yer yiwen uxxam akken ad yeḥseb imezday-is, imuger-it-id yiwen umḡar, mi t-isekcem s axxam, iwala iεelleq tteswira n *De Gaulle*. Yesteqsa-t yenna-yas : Ya ccix, d anwa-t wa ? *Hada brizidan taεna. Lala ya baba*, i s-yenna Galabruz. *Mačči hada brizidan taεna druk*. Yerra-yas-d : *Wana tani, druk fhemt waεlac nsituna*. Segmi tefra lgirra yiwen ur yesteqsa fell-asen.

– Aqcic-a, ur iḥebbes anadi alamma yufa ayen yettḥuffu. Ziḡen d asḡar ṭḥeqreḍ ara k-yesderylen.

—Lukan ad k-d-ħkuṽ. Yiwet tjaret-is n zik, din deg lħuma n Bab-Lluz, temlal-it-id din deg lħuma, tecfa fell-as, tessawel-as-d. Testeqsay-it ƴef yimawlan-is, akken tettmeslay yid-s, tenna-yas s tbejjawit : « Cfit a wlidi, ki kanu iɛeytuna Bougie ; cbeena maklat *le merlan* we *Rouget* ; ki rjaena Bgayet, kklina serdin lbayet. Druk a wlidi mačči kima fi zman win Bougie kanet tecɛel. Druk txelțet deewa ; setɛemruna lewħuc, hadu li klathum tilkin, lijaw belbertit. »

—Acu i s-yenna Galabruz ?

—Akken d tamƴart, d lɛuț n setti-s, yenna-yas : «Terwiț taxna, mačči rouget, a xalti Xira.»

Ƭsan i sin.

—I tedlegt n terbaet, am zik kan i ten-tessawađem ?

—Am zik kan, Lwaliya d tamubil-is i yettkelfen yis-sen.

—Aħeqqa, amek yettili ?

—Acu ara k-iniṽ. Zriṽ ur tesliđ ara.

—Acu yeđran ?

—Yekcem lħebs, netta d Samir.

—Ahah ! D anwi wi, amek i teđra twayit-a ?

—Welleh ar ass-nni yakan, asmi nuli ƴer Tizi ad d-nawi Tafsut i tt-cummey. D ubrid n Udekkar, deg yiđ yezger-aṽ- d abrid uwtul. Šbella yenna-k « Limer ad taƴem rray ad nuƴal axir ». Ur zriṽ ma d tidet neṽ ala, akken qaren, mi k-d-yezger uwtul abrid, axir ma tuƴaleđ s axxam axater ssuq-ik ass-nni yebțel.

—Aha a Šbella, beɛɛed akkin i lehdur-a, kemmel, kemmel !

—Mi newweđ ar Tizi, yejba-d Ferħat s 305-nni-ines tekerfej ƴer sdat.

—Mi t-yesteqsa Lwaliya acu yeđran d tkerrust-is, yenna- d « mekney aṽṽul ițazri ». Šbella, yețƴar-d ƴer umezzuṽ-iw

yestewtew-iyi-d « atan teffey tedyant-nni n uwtul ». Lwaliya yenna i Ferhat s taḍsa : « Ula d zher-ik yensa, akka ur tezmireḍ ad txedmeḍ *le constat* d uqyul. Syin yeddem-d sin yikurta n Tefsut. Mi ten-yerra Lwaliya s daxel *la malle* Ferhat imazzeḍ icerreg yiwen ukartun, yeddem azal n 10 numruwat. D ubrid n tuḡalin, yer Wad Aëisi, am yal ass, yella din ubaraj n yijadarmiyen. Yal tikkelt nettēdday, twalaḍ takerrust n Lwaliya temurka yef twilayt n Stif, ma d ass-a yehbes-aḡ. Isuter-d lekwaḡeḍ n tamubil, syin ajadarmi yerra tamendeffirt. Ur k-qareḡ ara twezzeε tēebbuṭ-nney : nettwali iman-nney dayen nekcem lḡebs. Isawel-d i Lwaliya. Lwaliya, am zik-is, lxuf ur s-t-yefki Rebbi. Meslayen akken cwiṭ, ata yuḡal-d Lwaliya yerra-d anehhit s zhir, isefhem-aḡ-d ziḡen d yiwet n *stop* ur iteddun ara. Syin iserreḡ i tkerrust, newwet nēdda. Azekka-nni, nebda afraq deg « Tefsut ». Mi d-tezzi ddurt, ata tṭfen Samir.

— Amek i d-wwin lexbar yis-s ?

— Teffey fell-as tbayueṭ deg luzin anda ixeddem. Yewwi yiwet tesyunt n Tefsut yer luzin i yiwen uxeddam, axeddam-a ur d-yusi ara, Samir yettu-tt din. Aëssas n yiḍ mi d-yejba yer tedbelt n luzin, yesferfud seg sya yer da, yufa-tt deg leqjer n lbiru n Samir. Isawel i umεallem n luzin, aneggaru-ya ixebber *la S.M.* imir yakan jban-d yer lbirru ufan din kulci yefser, jemεen kulci, ffyen. Dindin tṭfen abrid, jban yer Samir s tazzla, εebban-t-id. Gma-s iruḡ-d ixebber-aḡ-d akken ad nesserwel ayen i d-yeggran yur-neḡ.

— I Samir ?

— Yesber ayen ilaqen, syin akkin yebda-d ameslay. Iḍ-nni yakan εnan-d Lwaliya.

— Truḡem, tezram-t deg lḡebs ?

— Anay twalaḍ, ma truḡeḍ-d s ubrid lqanun, ad arun

isem-ik ad rnun ad ak-sbedden taessast. Nekki kan i t-yezran. Isekcem-iyi ukuntabli-nni n lhebbs, win nessen yisk. Ur ttxemmim fell-as, Lwaliya yezmer i leçyal.

—Tameddit-a, ad suffyey lexbar da di Fransa.

—Ur tuhwajed ara.

—Amek ?

—Samir ata din di *Paris*.

—Teseid tansa anda yettili ?

—Anay yesa tansa usensu n gma-k. Yenna-k ad d-yesteqsi fell-ak ar din. Ma teeq akk, atan isazreg-d yiwen wungal, nadi fell-as deg *Internet*. Ihi ur tettifed tabrat i k-d-yura ?

—Mazal a Jamal. Labud, yella wayen yedran yid-i. Maççi d ayen ara k-d-ħkuy deg tilifun. Uriy-d ula d nekk yiwen wungal. Deg-s ad teyred ayen akk ddrey d tawayit. Acu kan ilaq ad tawim lexbar din, yas kkiy atas n lweqt di lberrani, yas ddrey atas n tedianin, ma d aqerru mazal-it din, yeqqen-d yer tmurt, yer temdint, yer lhuma...

—Ugay ur tezmired i lyerba. I cyel i k-yewwin ar din, tettud-t ?

—D tidet d cyel i yi-d-yewwin ar da. Meena akken iteddu wakud, timeslayin am tiyi sedhayey iman-iw yissent. Yenya-yi lxiq a Jamal. Lxiq a gma Jamal, ulac win izemren ad t-id-isefhem ; d afra yugaren wiyid...

—Raju, raju a Mezyan, ur znuzu abaltun-iw deg tfelsafit-inek.

—Teseid lheq. I yemyaren-nni : baba d yemma ?

—Baba-k inehlak cwit. Atna di tmurt qrib aseggas aya.

Mezyan iwala belli atas i s-iruhen.

TIMLILIT D SAMIR

Mezyan ur yelli seg wid i d-itekkren sbeḥ zik acku deg yiḍ yettsehhir s usuget n tira.

Armi d lujuh n 10 n tsebhit i d-yeffey-d seg texxamt, yekmumes deg yiwet lfista teḥma. Isejba seg ttaq n wunnig iwala adfel mazal ur yefsi rrif-rrif n ubrid. Qbel ad yehwa yer lqahwa, yeffey ad d-yay iymisen d tesyunin. Deg berra, yemlal-d udem yer wudem d ubeḥri i d-yetthuzzu igezzem s usemmiḍ tanzarin. Ifassen deg ljb, yuḡal-d. Idemmer-d tawwurt n ttberna s uerur, yeēdez ad d-yekkes ifassen seg ljb, yekcem, isellem yef wid yellan din, yerra qbala yer ukuntwar ibedd. Isuter deg Yidir yiwet lqahwa s *Rhum*, ara s-d-iseḥmun ijeēbuben-is. Akken yettraju, ata yekka-d yiwen d tamendeffirt-ines, yekkat-it-id yer tayet. Mi d-yebren, ur yumin ayen ttwalant wallen-is : d Samir. Msalamen, izuḡer-it Samir yer yidis anda yella yeqqim yettraju deg-s. Yebda-d iseftutus-as-d awal yef yiberdan ansa i d-yekka segmi d-erwel si tmurt.

— Ad nerr daḡen timlilit-a yer zher-ik yeqwan ? I s-yenna Mezyan.

— Kra yella kra yerna. Deg waḡal-aya segmi d-ttruḡuy yer ttberna-ya ad mlileḡ yid-k. Armi d ussan-a, ḡabey.

— Ula d nekk, mačči aḡal aya segmi i d-uliḡ yer *Paris*.

— Ih, zriḡ.

— Amek tezriḍ.

— Tura ad ak-ḡkuḡ tamacahut.

Ata amek tebda tedyant n Samir, i wumi sawalen Saɛu.

Tawaffya seg tmurt. D wa i d iswi iressan deg yixef n Saɛu. Iwelleh-it-id yiwen umeddakel belli tella yiwet tħanut yeznuzun itikiyen yer tmura tiberraniyin i uħewwes am tmura n *Europa*. Saɛu yeħra yezmer ad d-yaf yis-s abrid n trewla. Lehdur-a ur risen ara deg tmezzuħt taɛzzuħt.

Tameddit wass, yerra yer yiwen n lbiru yeznuzu itikiyen yer berra. Yedhem tawwurt, yella yiwen urgaz yeqqim deffir lbiru, yiwet teħcict tecbeħ yer tama-s tayeffust d yiwen ukursi sdat-s.

— Mselxir. I s-yenna Saɛu.

— Mselxir, mreħba yis-k. Qim. Anɛam.

— Bħiħ, ad aħeħ atikki ad ħewseħ yer tmurt n Iħriqiye.

Argaz-nni deffir lbiru, imeyyel-d iman-is yer sdat, yeħħar-d acemma yer Saɛu.

— Rwaħ s tuħalin, neħ...

— Amek, ad nehder s lekcif neħ...

— Amek iħi ?

Saɛu, yerra-yas-d « iħ » s uhuzzu n uqerruy.

— Iħi, rwaħ bla tuħalin ? Aħewwes-inek, ad ak-d-yettqam, xemsa yimelyan nnig n leħlas utikki. Xemsa yimelyan-a, ad ak-ten-id-nerr ma teqqlə-d yid-neħ, ur terwileħ ara.

— Acuħer xemsa yimelyan ?

— M'ur d-tuħaleħ ara, ad nxelles yis-sen abrusi.

Taħawact i d-yeħmeɛ deg waħal-aya Saɛu, yesmar-itt-id. Iɛemmed ħef kulci, yeħra akka i d-yettli cħel. Akken qaren Leqbayel « Bedd ad twaliħ, ddu ad d-tawiħ, qim ulac ». Yuħ-d atikki yer tmurt Tayriħit.

Zrin tlata wussan, yerkeb tababurt seg temdint Lezzayer Tamaneyt.

S dixel n ttaburt, yeena-t-id yiwen uxeddam, talaba tebha, yeereḍ-it yer lqahwa. Uyen amḍiq yer yiwet ṭabla, bdan asefruri wawal.

—D tikkelt tamezwarut, ara teffyeḍ ? I yestaqsa umexluq-a Saɛu.

—Ih. I s-d-yerra Saɛu awal.

—Tawaffya-ya, d tin bla tuyalin ?

Saɛu yewhem, amzun suffyen fell-as awal. Mazal anagar ad iyer tadyant deg uymis.

—D nekk ara k-d-yinin amek ara txedmeḍ.

Amdan yuṣa-d acemma yer Saɛu, yebda yemmal-as-d amek ara yexdem, mi rsen yer wakal. Lḥasun yewwi deg-s isurdiyen. Acu kan ula d netta yeznez-as-d rray d kra leqcuc ara s-iliquen. Mi yemfaraq yid-s iwessa-t : « Ḥader ad txalfeḍ ayen yef wacu ara k-wessiḡ neḡ ara k-wessin wiyiḍ deffir-i. taneqqiṭ ur tt-ttxalaf, cfu yef kulci ! »

Ḥas liḥala yef ttaburt ur tressa ara, Saɛu ur yettwadeyyeq ara acku deg yixef yethenna. Yeena yiwen umḍiq, yeḍleq akursi yufa din, yesred fell-as ; abeḥri d waman n wallel kkatén-t-id yer wudem. Ma d netta yedda deg nadam almi wwḍen yer Athenes.

Deg tzenqatin n temdint *Athenes*, kecmen ad d-ṣuren yiwen n ljaɛ n lihud d aqdim. Da i s-yemla uqeddac-nni ad isenser iman-is yef tejmaet. Yettwexxir d tamendeffirt, armi d-yeggra iman-is, yerra yer tbankiṭ tis-tlata yellan din yer tama tayeffust, yuḡ amḍiq amzun yettṣalla. Mi ffyen akk iḥewwasen, ata yekcem-d yiwen yeqqim-d deffir n Saɛu yer tama tayeffust.

Amdan-a wesfen-as-t-id yakan. Laḡa akken i yemmug : d aḡezfan, tamart tewzen, tismaqqal d tiberkanin am tid n *la mafia* d tcacit.

—Mselxir. I s-d-yenna urgaz-a s tutlayt taqbaylit.

Saεu iduqqes-d. Yerra-yas-d slam.

—Amek isem-ik ?

—Samir ?

—Wessan-iyi-d yur-k.

—Armi nwiγ d abulis i telliγ.

—Ur d-ttmuqqul ara yur-i, xdem am wakken tettzallaγ theddreγ yid-i mačči d Rebbi. Da d nekk i d-iceyyeε Rebbi-inek.

Ula d wa, yemla-yas-d anda ara yili yef wachal saεa. Sya ar yimar ma ulac acu ara yexdem, ad iruγ yer yiwet n ttberna, isem-is « Le bar maghrebin ».

Saεu, ur iqelleb ara ad yefhem aγas, yemfaraq d urgaz-a, yuγ abrid d aqibal yer ttberna-ya i s-d-yemla. Iruja din armi d-yelheq lweqt, yeswa yiwen lwiski aneggaru, sway ara iqabel tesmeγ n berra, yeffeγ-d yerra srid yer umđiq i s-d-welhen. Kra n tegnit, ata teħbes-d sdat-s yiwet tkerrust tafransit. Isejba-d s daxel-is yiwen Ugriki, isuter deg-s ad d-yali yer tamubil yewwi-t yer tama tanğit n tmurt Tagrikit. Ulin yer tegzirt *Corfu*, ansa ara ttfen tababurt yer tmurt n Telyan. Ur ħbisen armi wwđen tamdint *Lomia*, anda kecmen yer yiwet n lqahwa seħman-d ijeγdanen-nsen s ufengal n uyefki d tzidanin. Syin ur ħbisen armi wwđen yer temdint *Arto*. Da dayen, asemmiđ n udfel isejba-d ur yettu yiwen, ur iserreħ i yiwen, ur yebri i yiγallen ulamma dqiqa. Ula d itij ulac-it, mi d-iban yettbin-d am yinebgi. Yers-d Saεu, yenna-yas Ugriki-nni s tutlayt tafransit : « Raju kan da, yef tbankit-ihin talem mast. Fer lujuh n tmany a d uzgen n yiđ ad d-yerzu yiwen yur-k. »

Ires-d Saεu deg tkerrust, yerra yer tbankit i s-d-yemla urgaz-a. asemmiđ mazal yessaγ-itt, Saεu iħulfa s txenzizt teffey-d seg tenzarin-is, meεna ur yezri ma d tuzzilt neγ

tejmed. Ur yennum d uqerrif am wa. Sdat tbankit, ibedd ; ur yezmir ad yeqqim, talwiht n tbankit-nni tegres. Acu kan, yezra ur ilaq ad ixalef ayen i s-d-nnan. Mi iwala yer lembeed takerrust ney amdan, ad yeqqim cwiṭ.

Mi d-yewweḍ lawan i s-d-mlan, ata yejba-d yiwen urgaz s tlabba n yibehriyen, yerna-d sufella-s yiwen yibidi. Yesteqsa Saεu :

— D kečč i d Samir ?

— Ih.

— Dfer-iyi-d.

Saεu yezdi-d lqed-is yef tbankit-nni tasemmaṭ. Ddan akken armi d lmersa, yehbes Ugriki-nni, Saεu dayen am uεeggun, yehbes. Yebren-d yur-s yenna-yas :

— Gef tnac n yiḍ, muqqel-d ar s daxel n lmersa, ad twalaḍ tessay-d yiwet teftilt, imar neggez-d yer s daxel i ubaryir, ad ak-id-nmager. Cfu kan ma tensa gen yef lqaεa, ur d-tekker alamma tecceel teftilt. Ġġiy-k di lehna.

— Ddu d tayed.

Da i mfaraqen, seg wass-n ur meẓren. Deg uxeddim-a, ulac ameddakel, yal wa iletha, ney yettnay d yiεessasen, ur sein lweqt ad meslayen ; xeddmen am yiḍ am wass. Lqum-a ur tetten ur tessan ur steɛfayen ur gganen.

Ger tagnit i s-d-yemla Ugriki, Saεu yettwillih yer lmersa ansa ara d-tbin tafat-a. Deg tagnit-a, iberdan n temdint xlan, ula d iqzaḥ ulac, agris yuy amur n tudert. Ged-ged yef tnac ata tecceel tafat, ineggez yef ubaryir, din-din tensa tafat. Saεu meskin ur yettwalleh, ziyeen d tafat n *le phare*. Yuṭal s amḍiq-is mi ifaq. Taswiεt kan ata tessay seg ljiha n lebher teftilt : « D ta ! »

Bih-bih ineggez i ubaryir tikkelt-nniḍen. Yetṭef-itt d arabee yer ljiha anda tessay teftilt, armi yewweḍ yer yiwet teflukt, sawlen-as-d yuli, gren-t s daxel yiwen ukarṭun,

rnan fell-as lqec. Ur yezri anda yella ney anda iteddu, ney acu i t-id-yettrajun.

Mi ffyen berra i lmersa, refden-d ibeħriyen lqec sway sburen yef Saεu, sutren deg-s ad d-yali. Asekkud n Saεu ires yef yiwen. Yeeqel d argaz-nni yemlal tikkelt tamezwarut deg ljameε n lihud di *Athenes*. Yefka-yas-d slam s teqbaylit i Saεu. Saεu yerra-yas-d s teqbaylit dayen. Qimen akken i sin yer ljiha tamadayt n ttaburt, ttmeslayen yef lihala n tmurt d wayen akk i d-yezzin i ddunit.

—D *la mondialisation* i iseylin tilisa. Tilisa-ya tura anagar i d-qiment yef yimdanen i k-yecban ney i yi-yecban.

Seg umeslay yer wayed dhan, s dixel waman n wallel agrakal yersen. Taswiεt kan ata tban-d yiwet n ttaburt n *la douane*. Din-din beddlen abrid. Rnan semremden kra *la douane*, uraren yid-sen tuqemca, deg tlemmast wallel. Iħettem fell-asen lħal ad rewlen yer tama wadda, ad seerqen iman-nsen, ad rnun ad nadin yef terbaεt ara ten-iselken deg ubaxix am wa.

Kecmen lebħer ameqran, aman xedmen lbudε deg ttaburt d wid yezgan sufella-s, d aman i ten-inehren ; ttawin ttarran deg-sen akken i sen-yehwa. Ula d lqebtan yeğġa lecyal ad ddun, yezra ur yesεi lxetyar, ulac ara yexdem alamma kecmen allel irekden ; yecba win yettruzun asalu, ixeddem akken yufa mačči akken yebya.

Mi yezri yid, yer lembeεd, gar wallel d yigenni, iban-d yiwen uzarig n tafukt. D ass i d-yettlalen. Imar, iqeddem-d lqebtan, gar yifassen-is tisatin²⁰, yewwi-tent yer wallen, isikkid yis-sent zelmeđ yeffus, syin imuqqel *la boussole* akken ad d-yefrez amđiq anda nella. Ma d argaz-nni azzayri isawal deg tiliyri.

20. *Jumelles*.

Rujan akken armi d-yeḡli yiḍ, iban yer lembeəd uftis. Tababurt teṭṭyar yer rrif n wallel. Lqebṭan yextar yiwen umḍiq, am win ttextirin zik *les pirates*. Anagar teḥbes ttaburt, iruḥ-d yiwen ukurdi. Win iwumi isawel Uzzayri-nni deg tiliyri. Akken deg yiḍ, beddlen i yisem n ttaburt, sulin senjaq n Terk. Ma d imsafren idukkel yid-sen yer yiwet lḥara, yeḡḡa-ten din, yekka tawwurt. Mi d-yuḡal yewwi-d uḫḫi. Din-din yeffeḡ.

— Anda-yay ? I yesteqsa Saεu, Azzayri-nni aqbayli.

— Aql-aḡ deg tmurt n Terk.

Syin yebda isefham deg Saεu, amek i d-leḥqen yer da. Mi yekfa iseggra-yas-d s wawal.

— Aql-aḡ deg uxxam n yiwen Ukurdi.

Ata yuḡal-d Ukurdi. Anagar rsent wallen n Saεu fell-as, imekta-d tisfifin-nni n Muḥya, anda i d-isedday tikkwal, gar usefru d wayeḍ, ccna takurdit.

Gezmen abrid deg wallel xmet-xmet, armi d-ffḡen yer yiwen umḍiq ggtent deg-s temra.

Anagi-ya yuḡal-asen, akken i s-qaren Leqbayel : Anda-t umezzuḡ-ik a wa ? Imazzeḍ s ufus azelmaḍ yezzi-d i uqerruy-is yer umezzuḡ ayeffus, yenna : « Ataya ». Akken ad kecmen yer Telyan ṣubben armi d Terk.

Asemmiḍ deg temnaṭ-a izad. Taswiε kan tessay tafukt tugar tin n yiṭij, cwiṭ kan akka, iṭerḍeq yigenni, temar-d lehwa d rcuc.

Syin, rran-ten-d armi d tlisa yellan gar tamurt n Telyan d Fransa. Ter temdint *Pinerolo*. Abrid yer da isawen. Swelhen-ten ad aḡen tabriṭ uḍar, acku d ta i yexlan, lḡaci ur tt-sexdamen ara aṭas. Teṭṭulmes yezḍa fell-as uḫcic, tessawen, teḫḫur d idḡayen iḡef yessa udfel. Mi yekfa usawen alamma d taqintuct n udrar, ad tbin teksar tecba azerdadaḥ.

Ilaq ad at-qablen awexxer ulac. Mi yekfa uksar d usawen, ad dehmen amaday εemren ixerciwen iqeflen iberdan.

Kra ttalin, ttattafen amđiq deg tama ufella, ma d idyaŷen ttegririben ddaw n yiđarren-nsen am wid yettwaεerđen Ʒer ljiha tamaddayt. Kra ttalin tugdi trennu deg ugerbuz am tin iwumi yesmar yiwen sufell-s tamtunt, tesbedday deg tmejjatin-nsen armi uyalent taskiwin²¹ am tid n yibelεuras, neƷ tid n uwtul n lexla yesmeħsisen ansa ara d-yekk wuccen. Da, megren iƷallen d tugdi d εeyyu izuƷuren deg yiđarren. Ttmenttaren deg tƷaltin am tƷetten yeğġa umeksa.

Am tal tikkelt, swalhen-ten-d ad uyalen amendad Ʒef lweqt d umđiq d leεlamat yesεa :

—Rajum da, ur ttħerrikem ara. Mi d-tewweđ tnasfa yiđ d rbeε n tsaεet, mačči aqbel mačči membeεd, neggzem-d seg lƷar-a, azzlem akka kan d aqibal, ħader ad txalfem abrid, alamma d ubaryir, din ad temlilem yiwen umđiq anda inegzam ubaryir-a, kkem ddaw-as, teddum akken d aqibal, azal n myat mitra, ad tafem snat tbettiiyin s tirmi d tazeggayt, εnat tabettit yezgan Ʒer tama tazelmať darim din taqernit. Ter rabea n tsebħit, ad akun-id-Ʒεna yiwen teddaklem yid-s. Ma tettum iman-nwen, tεedda teswiεt gar tnac u-rbeε d tnac d uzgen n yiđ, uƷalem Ʒer umdun anda tellim, trajum alamma d azekka.

—Amek iga, neƷ amek isem-is ?

—Ur ttayes ara, d netta ara kun-id-yafen, ad akun-id-Ʒesteqsi. Acu kan ttwilhem i wayen i wen-d-nniƷ ħader ad txalfem kra.

—Acu yellan deg tbettiiyin-nni.

21. Taska = *antenne*.

—D leɛlamat i nesker nekkni, i lɛibad i kun-yecban, akken ur ɛerqen ara.

—Umbeɛd ?

—Acu umbeɛd ? Tewɗeɗ armi d Ikerdiyen ur tugadeɗ ara, tura mi d-tewɗeɗ yer tewwurt n uxxam tugdeɗ ? Umbeɛd aql-ik deg tmurt n Fransa. Ğğiɣ-kun di talwit.

Anagar yeqqim cwiɥ Saɛu, yettwala deg nefɣ i d-yettarra seg tanzarin iteddu-d yid-s ssut uzeffer, zun tibrujin ansa i d-iteffey wuzwu nekmacent, zerbent. Ma d aqemmuc, fiɥel ad yeɛreɗ yiwen ad at-id-yeldi sɣa ad dgedgent tuɣmas s daxel yimi.

Tikkelt-a, amnir²² i d-yeddan yid-sen yesken-asen-d yiwet texxamt deg tlemmast n teɣgi, anda ara sɣunfun. Taxxamt-a tebna s uparpan, alamma tenwiɗ ma ihuz-d waɗu ad tedrem, aqermud d lɥhɣya ma d ttaq ulac. Mezɣiyet i terbaɛt-a, maca axir wulac. S yiɣil i d-teldi tewwurt, kra s sɗiɗ yerna-d fell-as ugris armi tezdi d tɣalaɗ. Amenzu i d-iheyyan iman-is ad yekcem, imuger-it-id tlam uɥellis²³ d usemmiɗ yeččuren taxxamt. Yessay tacemmaɛt yersen yer umnar s tebrikt yella yettef deg yifassen-is. Isezwat tacemmaɛt, yerna isejba netta, ma ulac kra yeffren s daxel. Dehmen akk, yal wa yettef amɗiq. Tlam yessayen zgelli, yelben-t s temmaɛt, i d-yessay umezwaru i ikecmen. Ma d tesmed, d tirni-nsen, zun mmefken awal, ad att-suffyen s wabbu d lɥuman n dextan. Uɣalen am lpumpat, ssayen akk iggiru. Mi yekfa, ad d-yejbed tabakit n dextan seg lɣib, ad isiɣ wayeɗ s yiggiru-nni yekfan. Yal wa yejbed-d takemmust anda yerra učči. Tetten akken ttkeyyifen, kmumsen.

22. *Guide*.

23. *Aveuglant*.

Tacemmaet iceelen deg tlemmast n texxamt, am tin iæedzen ur tehmil tagnit-a anda tettwahewwel. D asqiter i tt-id-tesqittirn tafat, tessay cwiṭ kan akka ; tmal yer xessi wala yer usiṭ. Kra kan akka ad as-d-tuṭal terwiḥt, ad d-tsiṭ tafat tettergigi am tin iḥulfan s usemmiḍ yessayen tamnaṭ.

Saæu, iḥulfa dextan yelheq izuran uqerruy, am win yezgan s dixel wanu ideg tecæel tmes s usṭar yebzeg, tkemmel-as-d taftilt-a n temmaet yetterqiqisen, teqreḥ-it deg wallen, maca yesber. Tura mi iḥus s yibezdan byan ad d-neqren tigezzal-is, ur yesi lxetyar. Yeffeṭ-d, iṭurfa yer yiwen yidis anda ur t-id-yezṣar yiwen. S yiṭil iṭallen yefsi snesla userwal, s yiṭil iṭallen i d-yufa tacrurt-is : tennekmac yer s dixel s ugris. Anagar yebda yettserriḥ-d i waman n tasa, yeḍsa, yenna i yiman-iw : « Aḥal-aya ur ṣriṭ ibeccan-iw ttafwaren. Limer ur sruyan ara dili uṭallen d izeblellucen. »

Asemmiḍ deg yidurar-a, ixulef win n tmurt, igezzem s teqseḥ. Yettidir tallit-is berra i wakud. Isejmad iḍudan, tzemreḍ ad aten-tawiḍ yer yimi, ad aten-tefzeḍ am llazuq ur tḥufuḍ yis-sen. Ula d uḫḫi semmeḍ ; anda-t uyaziḍ-nni s seksu ubisar, itett yer yemma-s. D aya i d-tuḡew teswiæt. Ula d tudert, da, ur tessei amḍiq. Lqaæa tedla, neṭ temttuttel deg udfel am lekfen. Ur d-yettbin kra nnig n tmulli n udfel.

Yuṭal-d, yesres aqerruy-is yeḥ lḥiḍ icergen armi d sqef i d-yellan s lḥelya. S æyyu, bih-bih yedda di tnafa. Segmi qemcent wallen-is, netta itterjijif. Yettargu yeḍfer-it-id uqjun deg ubrid yezga zdiḥ maca ur yeṣqil dacu-t, ssut-a kul æmmal yettimṭur, isakked ansa i d-yettaweḍ iwala kulci yeffer deffir tagut. Iduqqes-d. Qrib ad d-yali wass. Yeffeṭ-d berra, yessay igirru ad isehmu idmarren-is, akken yesmeḥsis i tsusmi. Di berra yufa-d yiwen n terbaet, ibedd, isikkid mebeid. Yettbin-d ixelxel cwiṭ.

Yeena yiwet tezrut iqummec fell-as, yesres lbasta-s cwiṭ kan yekker-d. Yesteqsa-t-id win i d-yeffyen qbel-is :

—Dayen, ur teeyid ara ?

—Xaṭi. Limer ad rnuy cwiṭ n tyimit yef udṡay-a, mi ara d-zdiṡ lqed-iw, timeccacin-iw ad ttusunt.

—Isem-iw, Lgaher. Usiṡ-d seg Palestro.

—Nekk, Saεu. Tesεid ḥed yer wanda tettedduḍ ?

—Ur sεiṡ ḥed.

—Twalaḍ anda tettedduḍ ?

—Ih.

—Anda ?

—Qareṡ-ak usiṡ seg Palestro, ad rekbey amitru yer Bordeaux anda yesεa mmi-s n εemmi abistru, ad zenzeṡ deg-s sitru.

—Maεan Fransa tettnadi yef wid ara d-yawin kra n tussna.

—Wa d *racisme*, a gma aqbayli. Tenwiḍ wid yellan da akkit ṡran ? Yerna d tamurt n lḥeq, kul yiwen yezmer ad ijerreb seεd-is.

Imekta-d yiwet tedyant iseḍsayen, ḥekkun-t medden yef At Ḥmed. Asmi i d-yuṡal seg zyara n tmurt Legniz, yesteqsa-t yiwen, yenna-yas : « Amek ceεb-nsen a Dda Lḥusin ? » yerra-yas-d : « D ayen ur tettamneḍ : am umeqran am umeṡyan, am teqcict am uqcic... ssnen akk ad meslayen taglizit ».

Mi d-ffyen akk seg texxamt, fukken amized d uwenneε n lqec, bdan tikli yer tama i sen-id-yemla umeksa.

Ayen akk ddan yef uḍar, iseqcer yejreḥ i tuget deg-sen iwerzan. Ma, gar tfednin d lqiεan uḍar, terḍiqent-d deg-sen tcuftin, yezgan gar uglim d uksum, d aman. Ḥulfan s yifadden wwan s tikli.

Wa yeqqim yesber, wa ibedd yuyes, yettraju akken yettwillih. Fer tnac u-rbee swa-swa, iæssasen-nni yer tliša, şubben-d seg tğarişin. Tura d nuba n yemsafren-imerwalen ad d-neggzen seg uxmuj anda llan zzren.

S tazza tşfen abrid yer umđiq anda inegzam ubaryir.

Tura i fehmen acuyer tnac u-rbee mačči aqbel mačči umbeed ; zişen imar i ttbeddilen iæssasen.

S tazza, zegren tilisa ; s tazza ffşen-d i tmurt n Telyan, kecmen tamurt n Fransa. Lşan akken dayen qbala armi i d-ufan snat tbettiyin. Rran yer tin yezgan yer tama tazelmaş, uşen amđiq ttrajun.

Tef rabea u-xemsa, yer wamag n tewrirt i ten-id-iqublen, yiwen urgaz s tlab a useyyađ, s tikli terked, yer sdat zwarent-id tlata tşetşen, yiwet deg-sent tesqudur, deffir-s yedşer-d uşarus, yettazzal seg udarnu yer wayeđ. Bdan tşubbun-d akken jmiş. Xersum nutni, şran anda teddun, ma d tarbaet-a yemsafren ur şrin acu ara rnun ad magren. Sikkiden deg-s am tili, xatı ahat am tafat, neş ahat d lřal, wissen s wacu ara d-yeglu. Tagelda n umdan-a, ur yezri yiwen amek ara s-isemmi, tezga da gar lmal d tzemrin.

Yewweđ-d sdat-tsen, yesteqsa şef yismawen n terbaet, fkan-as-ten. Yenced-iten-d ad at-şefren armi d yiwen umđiq anda i d-yettbin yiwen ubrid n tmacint, sufella n yiwet tqenşert.

Iger afus-is yer uqrab, yekkes-d yiwet tkemmust deg-s učči, imudd-itt i terbaet, iseggra-d s wawal :

— Da, ara trajum. Alamma d azekka şef sebea n tmeddit, ad d-taweđ yiwet tmacint n selş. Mi d-telşeq sufella n tqenşert, ad telşu weşda-weşda, ad tessenşes deg urured. Kunwi imar ara tqarşem tagnit, ad tneggzem s daxel-is. D nettat ara kun-yawin yer tlemmast n Fransa. Ass-a şur-wen zher, mi semmeđ lşal.

— Amek, testehzayed ?

— Xaṭi, ur d-teffyen ara iεessasen yer berra ad d-zzin i yifuga. Akka ihi. Da i nekfa cʔel yid-wen. Ğğiṽ-kun di lehna.

Argaz iruḥ, yeğğa-ten-d d tarbaet tettgani dayen deg tmacint melmi ara d-tawed. Asemmiḍ izellef deg yiḍudan-nsen. Mi tezri tsaet, atta tmacint tebda-d aḥrured. Yiwet-yiwet armi d-tezga sufella n tqenṭert. Imsafren yettrağun deg lqaea, ddaw tqenṭert, yiwen-yiwen tneggizen yer s dixel armi i ulin akk-nsen.

Anagar i zgan deg tmacint, ata zzin-asen-d rebea yimdanen deg yifassen-nsen ṭṭfen tiḥerrasin. Dayen terwi. Bnan yef kra yellan anagar ad d-ṽlin gar yifassen n wid yettmeslayen s ṭḥerrasin. Dayen ! Ayen akk umnen s zzher yedda-d d tama-nsen, tura dayen, yerwel.

Rran-ten yer yiwet tqernit. Sawlen-d i umεallem-nsen.

Ata yejba-d umεallem-nsen. Lqed yezzif, yekmel, talaba am tin n yimdewlen i d-skunan deg sulima ttakren, yer waggus yeqqen taḥerrast. Iban kan akka d netta i d amεallem fell-asen, xfif allen sikkident tal tama, yettruḥ yettuṽal. Mi d-yewwed sdat terbaet yebda afḥas deg-sen s tmuyli. Mi d-yewwed yer sdat n Saεu, yeḥbes. Isuter deg-s ad d-yezdi lqed. Isakkd-it. Saεu yenna « udem-a yettkacba i wid n tmurt n Leqbayel, amzun d udem n yiwen ssney ; cubheṽ-t yer ḥed. D anwa ? Mazal ur zriṽ. »

Samir yuṽ rray, fiḥel leεḍil, yekker-d, meεna s dixel-is iḥulfa i kra idemmir deg-s ad yexdem kra, yenna i yiman-is « ad d-tawi neṽ ad truḥ, ur zriṽ acu ara xesrey. »

— Wanisi-k ? I yi-d-yesteqsa umεallem s tutlayt n teqbaylit. Ma nniṽ-ak dehceṽ, dehceṽ.

— N tmurt Lezzayer.

— Anect-a zriṽ. Neṽ tenwiḍ iman-ik n Danemark ?

—Rekbey-d seg Lezzayer tamaneyt. Ma d lasel-iw n temdint Bgayet.

—Anida i tzedved, deg Bgayet ?

—Zedvey deg lhuma n Bab Lluz. Tessned anda i d-tezga Bgayet, mi testesqayed yef lhumat-ines ?

—Yyan yid-i.

Dukklen akken i sin. Amɛallem yezwar, Saɛu iɥafar deffir-s. Yiwen deg yiɛessasen yeğğa din yer wiyaḍ yesteqsa-d amɛallem :

—I wiya yellan da, a *Joseph*, amek ara sen-nexdem ?

—Umbeed ad nzer. Tura efk-asen ad ččen ad sun. Tetṭixred-asen ad staɛfun.

Kecmen yer yiwen lbiru, *Joseph*, yenced-d Saɛu yer tyimit, ma d netta yeena yiwet texzant yezgan din deg yiwet tqernit, yeldi-tt yeddem-d yiwet tqerɛett n *Whisky*, yerna-d sin lkisan. Yeqqim.

Samir yettwehid kan deg wayen yettwali. Ur yefhim acu i t-yettrajun. Ad d-tawi ney ad truḥ. Yesteqsa-t :

—Ur ḥsiy ara kečč d arumi. Qlilit irumiyen yessnen taqbaylit. Llan zik kan deg tallit n *les pères blancs*. Ma d tura ur nwiḡ...

—D tidet. Mi tɛaced deg Bab-Lluz, d anwa-k ?

—Nekk, qqaren-iyi Saɛu.

—Anwa Saɛu ?

—Mmi-s n Saɛid Xenti.

—Aḥewwat ?

—Ih.

—Cfiy, yef mmi-s isem-is Samir.

—Ih, isem-iw n lekwayed akka.

—I Saɛu d acu-t ?

—D isem n udrar.

—Amek n udrar ? Ur sliḡ tella lgirra deg tmurt.

—Tella, lğirra yef yidles d lɛada tamaziyt.

Isusem. yenna-yas : «Tessneḍ aṭas yef temdint-iw. »

—Ih, d tidet. Ula d nekk, lasel-iw n Bgayet. Seg lḥuma Bab Lluז. Din i ttwarebbay ula d nekk.

Samir yewhem deg wayen yessal, ula d timezzuḡun-is ur uminent ayen ssalent. Yezlez uqerruy-is, am win yebḡan ad as-yini i wayeḍ « berka asmesxer fell-i ». *Joseph*, yefhem acu n tikti izedḡen aqerruy n Samir. Yenna-yas :

—Tura ak-d-fkey lbayan belli din i ttwarebbay !

—D ayen i ttajuy akken ad ttwaqenɛɛɣ.

—Anay yella sbitar din ?

—Ih ! Dacu dayen ?

—Yella utunsi, akka ?

—Akka !

—Ad ak-d-rnuɣ tayed ?

—Ih !

—Nnig utunsi yella Σisa amẓabi. Akka tumneḍ ?

—Ah, dayen. Ihi d menhu-k ?

—Aḡal deg laɛmer-ik ?

—Fell-i 27 d aseggas.

—Ihi ad tiliḍ d tterb n gma.

—Isem-is ?

—Isem-is Mezyan.

—Anwa Mezyan ?

—N twacult Uqerwi.

—D kečč i d Ferḡat ? Mezyan d ameddakel-iw. Aɛni yettakk cwiṭ anzi yur-k.

—I uxxam-nneɣ, yemma baba, amek ttlin ?

—Labas ur ten-ixus wayra. Ma d gma-k Mezyan atan da.

—Ih, nnan-iyi-d iruḡ-d. Labud yur-i wid i yi-d-isawaḡen lexbar ama seg tmurt ama da, di Fransa. Sliɣ iruḡ-d akken ad iyi-yeqqen yer uḡar-is, ad iyi-yerr yer tmurt. Wa d ayen

sway isamen imawlan, wama ula d netta yehlek lehlak n trewla seg tmurt. Mi d-iruh seg tmurt n Lezzayer yer Fransa yexdem yiwen wass yewweḍ-d, seg Mersilya yer Paris armi d ussan-a i d-yewweḍ yer usensu-inu. I s-yenna Ferhat s taḍsa.

—Xaṭi, netta yerfed rray n twaffya akken ad d-yernu timusniwin i wayen yessen, yerna iqenneɛ yemma-k ad inadi fell-ak.

Ferhat, yerfed-d yiwen yiccer n lkayeḍ, yersen din yef ṭabla yura kra wuṭṭunen sufella, imudd-it-id i Saɛu. Iseggra-yas-d s wawal :

—Ata numru-inu n tiliyri. Hader ad at-tefkeḍ i lyir anagar i gma. Gef lhedra i yi-d-yewḍen, Mezyan ata din deg usensu kriy. Ata din i yettṭef taxxamt. Mi ara temlileḍ yid-s, ini-yas bxir i lliy.

Ferhat yeddem-d iccer n lkayeḍ-nniḍen, yura tansa n usensu-ines sufella, yerna imudd-it-id i Saɛu.

—Ta, d tansa n usensu-inu. Err yer din s lkayeḍ-a, efk-it i Yidir. Netta ad yettqam yis-k din.

—Ata amek iga umecwar i d-lhiy seg wasmi ffyeḡ seg tmurt Lezzayer.

Mezyan yefkan tamezzuyt ad isel i tmacahutt n Saɛu, mi tekfa, yenna-yas :

—Ihi akka, d kečč i yemlalen gma qbel-iw ! I lxedma-s dacu-tt ?

Saɛu iggugem, ur yeḡri acu ara d-yini. Din-din Mezyan yerfed awal :

—Fiḥel ad d-tiniḍ, m'ur isehmay ara amḍiq kan, iban acu d cyel-is.

Saɛu, akken ad ibeddel awal, yenna i Mezyan :

—Ur ḥsiy ad at-yeɛqel yiwen s shala. Ula d isem ibeddel.

—Amek ?

—Da, sawalen-as *Joseph*. Yecba imdewlen-nni n sulima.

—Yah ! Acu ixeddem deg tmacint ?

—D netta i d aqerru.

—Amek ?

—Tamacint-nni i d-nerkeb, din ula d nutni ttrajun, mi tsenyes cwiṭ deg urured ad neggzen s daxel-is, ad as-beddlen abrid anda ara ten-id-rajun ikumya, ad feryen selɛa i d-tɛebba, ara zenzen i wiyiḍ.

—Limer ad d-yawi lexbar baba, ad d-icewweq. I tmacint acu d-tewwi ?

—D ifecka n tfermatukt.

—Umbeɛd amek i tkemleḍ lecɣal ?

—Isakked-iyi-d ar s daxel wallen. Yeɛqel-iyi. Mi kfiy tameslayt yid-s, yefka-yi-d tansa n usensu-aya, yenna : « Atta tansa usensu, mi tewḍeḍ efk i Dda Yidir iccer-a n lkayeḍ, ur tettxussuḍ deg wayra. Ayen ɣayen fell-ak fsus fell-i. Mi temlaleḍ d gma, umbeɛd siwel-iyi-d. Inim-iyi-d acu i kun-ixussen ad awen-t-id-ceyɛɛɣ. Da, ɣur-i bezzaf n tmusni. Mi temlaleḍ d Mezyan, err-iyi-d awal ɣef lxedma. Ad tesɛum lxetyar gar : ad tilim yid-i, ad iyi-d-ṭṭettbem isurdiyen. Ma d ayen-nniḍen i tebyim, inim-d dacu-t. » Iseggra-yi-d awal : « Acu kan ass-a nezmer ad nesɛu imelyaren, azekka ad neṭṭalab ansa ara d-nawi kra. Yaɛni ur wen-ttmenniɣ ara tamɛict-a. »

—Umbeɛd amek tefra gar-awen ? I t-yesteqsa Mezyan.

—Sutrey deg-s lekwayeḍ. Yenna-yi-d ad aten-id-iceyyeɛ ar da ɣer usensu.

—Ihi Ferḥat-nney yeqqel d wayeḍ. Ibeddel isem-is ! A tewḥid-ik a Rebbi, akken yeqqar baba.

—Yedder, meɛna tudert-is tecba abeḥri ; ata da, deg dqiqqa ad d-yesbeḥ dihin. Dunit-is akk tuɣal d tarewla. Yefka-yi-d uṭṭun n tiliyri-ines.

Samir yejbed-d tiliyri seg ljob, yenna i Mezyan :

— Awi-d ihi ad as-nessiwel.

Yerra-yas-d Mezyan :

— Xaṭi, mačči akka. Siwel-as kečč, ini-yas gma-k atan bxir, tefkeḍ-as uṭṭun n tiliyri-inu, d netta i ilaqen ad iyi-d-isiwel. Ma yesea lweqt.

Samir yettwalleh i tebrat yetṭef Mezyan gar yiḍuḍan-is, yenna-yas :

— Ta, d tabrat i k-d-uriy aḥal-aya ?

— D tin, ih.

— Uriy-ak-tt-id ged-ged, ass ideg bdiy ttnadiy yef ubrid n twaffya.

— Zriy. Werjin eyiy deg tyuri-ines, ula d asentel-ines yecbeḥ. Ttawiy-tt yid-i, tsmektay-iyi-d tallit nedder di tmurt. Yyan tura ad d-naḣ kra tqerret sway ara nqesser deg texxamt. Ass-a ad ngen xawa-xawa deg texxamt yur-i.

— I lxedma-k ?

— Lxedma-w, segmi d-uriy ungal iwekkel-iyi amɛallem n tezrigin ad as-d-ttafey tidyanin yecban akka tin yeḍran yid-i. Anwa yeẓran ahat agla-k tezmer ad tili d ungal ara iɛejben i umɛallem. Ad nesker taqerruyt yer tqerruyt ad as-d-naf ixef ilaqen. Aḥeqqa, sɛelmen-iyi s wungal i d-turiḍ. Yedda kra, yef wacu yettmeslay ?

— Yelha kra. D tadyant-a yeḍran akka yid-i, ta i k-d-ḥkiy i uriy.

— Yelha cyel.

— Anda tekriḍ taxxamt ?

— Aql-i da yer Dda Yidir. Yerna yer da i yi-d-welhen ad d-rrey ma byiy ad mliley yid-k.

Rran i sin yer ukuntwar :

— Mselxir a Dda Yidir.

— Meslxir a Mezyan.

— Ass-a, Samir ad igen yid-i.

— Akken tebyid a Mezyan. Efkiyi-d kan lekwayed.

Mezyan d Samir mixzaren.

— Acu ? Ulac dayen ? I ten-yesteqsa Yidir.

Refden tuyat i sin.

— Maelic, ini-d amek isem-ik, umbeed ad nwali amek ara nreqqee lecyal.

— Isem-iw Samir Gawa.

Anagar yesla i yisem-a, Yidir yesferfed deg lekwayed yellan ddaw ukuntwar, yeddem-d yiwet temkardit imud-itt-id i Samir.

— Atan kulci yefra. Isem-ik yezwar-d yer da.

— Amek ?

— Ur ttqellib ad tfehmed.

— Yesea lheq Dda Yidir. Yyan tura, ad nali yer texxamt.

— Werjin ad nali bla ma nxelles aturni n mebruk. Efki-
asen a Dda Yidir acu ara d-sun, i s-yenna Samir.

— Rnu kan ihi, xelles i nekkni lmakla, da.

Uyalen yer tabla anda llan qimen, glan s sin lkisan
ccuren s lbira.

Ata kecmen-d rebea waedassen, ma d wayed, ameqran
deg-sen s ucebbub kemmil ikencef, yeqqim yer tewwurt
yettgani. Mezyan isuter deg Samir ad qimen. Samir yuy-as
rray. Ibulisen deg berra, anagar zran lecyal beddlen tazniqt.
Yiwen ufransis, yuyen taqernit deg tterna n Yidir, mi ten-
yezra yenbeddal wudem-is, inekmac yef yiman-is sya ad
at-id-zren waedassen-a.

Yiwen deg waedassen-nni, iqeddem-d yer tabla anda
qimen Mezyan d Samir. Iwala tabakitt n dexxan yersen din,
imazed yeddem-itt, yekkes-d yiwen igirru. Samir irekkem
s wurfan, teccel s dixel-is tmes. Ur yezri amek, yezdi-d
lqed, yejleq-as-d tabakit gar yifassen, yettef-it deg tgezgal

yehres fell-as. Aɛdas-nni yettwaqreh, isaḥ. Mi d-uzzlen wiyiḍ yer leɛnaya-s, ameqran-nni yellan yettgani yer tewwurt n tṭberna yekcem-d. Isaḥ yef wiyiḍ, mmuten din. Yetṭyar-d yer Samir.

— Acu yellan akka ?

— I kečč, d acu-k ? I t-yesteqsa Samir akken mazal yettɛf aɛdas-nni deg tgezzal.

— Nekk, d baba-s n uqcic-a.

Din-din yebra-yas. Yenna-yas :

— Mmi-k ur yettwarebba ara.

— Amek ?

— Yeddem-iyi tabakit yekkes igirru, bla ma isuter rray-iw.

Aɛdas-nni ameqran, yebren yefka-yas aselbiɛ i mmi-s.

— Yesɛa lḥeq. Ma ulac akk ad as-tiniḍ ma yeqbel ad ak-d-yefk igirru. Semḥ-aṭ. Tettbineḍ mačči n da.

— Wanisi-k ?

— Nekk, d Azayri. I kečč, wanisi-k ?

— D wa i d aṭilif-nney : ur nessi tamurt.

Yiwen deg waɛdasen-nni yettnadin yef kra neṭ yef yiwen, yuṭal-d, yenna i umeqran-nni :

— Ulac-it !

— Yyan !

Yidir deffir ukuntwar i d-iheyyan abeckid i tiyiti, yesres-it mi ffɣen.

Mezyan iruḥ yer ukuntwar ad ixelles. Yidir yenna-yas-d dayen ttwaxelsen-t. Mi t-yesteqsa d anwa-t wa ixelsen, yerra-yas-d awal ufransis-nni yefren :

— Nekk, n ukabar FN. Ayen i d-ttmeslayen fell-awen, tura dayen kksey-t deg yixef-iw. Tura zriṭ s wallen-iw belli lḥeq-nwen ur tettaḡḡam deg-s, yas a lukan ad txelsem-t s terwiḥt-nwen. Ġḡiṭ-awen-d lehna, ay imeddukul.

Yexdem akka yekka tawwurt. Cwiṭ kan akka rnan deffir-s Mezyan d Saɛu, ad ddun cwiṭ. Akken d ubrid, Samir isuter Mezyan :

—Ungal-inek, yettnuz deg tmurt ?

—Aql-i ttmeslayey d uxxam tezṛigin. Qrib ad d-naf tifat i uylif-a. Labud da, kulci yettwaqqan yer leeqed.

—Γas ulamma i yimeddukul.

—Ma yella ur tefri gar-aw d umɛallem n tezṛigin, ad at-dmey s talya n *P.D.F*, ad at-ceysey deg *Internet*. Ad iruḥ ad izemmer.

Akken teddun ttemduduɛen cwiṭ s zyada i zeyden tissit n crab, Saɛu iwala yiwen uqjun yebra-yas-d bab-is, yeɛna yiwet tqernit iqummec ad yeḍreg. Mi t-iwala Saɛu yumer yef Mezyan ad as-d-yefk aḍad-is yenna-yas : « Awi-d ad d-nemeki tid nxeddem zik deg lḥuma ». I sin myuqanen tiletṭatin-nsen, kra izemmi uqjun nutni ḥersen deg tletṭatin-nsen, ttaḍsan. Afransis-nni i d-izuyren aqjun yewhem acu ten-yuɣen, ur yefhim wayra. Kra izemmi uqjun, Mezyan d Samir sekmacen deg yiman-nsen.

Anagar kecmen taxxamt, Mezyan yerra yer texzant, yeddem-d lqec n nadam imud-it i Samir, umbeɛd yemlayas anda tezga texxamt ubeddel n tlaba. Am wid iḍaqen deg tlaba lsan ass yemmed, i sin uzzlen ad kksen lqec n berra lsan syin uyalen-d yer tzeqqa talemast, Mezyan iwelleh Samir ad isenned sufella ukatri, ma d netta yeɛna yiwen watag iqubel-d akatri anda yeqqim Samir. Tura i yesres iman-is Samir imekta-d ixus kra : « Welleh ar lukan nerna-d kra tebyarin, ay axir. » I yenna.

Mezyan iḥulfa s wakud-a yekka d tameslayt am yiḍ am wass d Samir, iɛedda am lberq. Isemma-yas « tagnit ddren nutni di sin, tikwal tugar deg-s taḍsa, tikwal tuzzma ; tikwal d asmekti... »

Açhal d ussan i kkan akken i sin, taqerruyt yer tqerruyt,
yal wa yemla-d tidyanin yeḍran : ama di tmurt sɣur Samir,
ney da di Fransa d Mezyan. Yal yiwen deg-sen yeyra-d
ungal yura, i wayeḍ.

TUTALIN

Tamuyli yesεa Mezyan yef tmurt-a taberranit tenbeddal, segmi yemlal Samir. Kra zerrin wussan, yettgeemir usteqsi deg wallay, yeččur d « nniy-ak tenniḍ-iyi ». Iḥulfa s lecçal-is kfan da di Fransa.

Mi yeεfes tikkelt tamezwarut akal n tmurt-a tawerdanit, Mezyan yenna ilaq ad yerr yer rrif, ad yeğğ yer deffir, ad yesfeḍ deg wallay leadat yedder seg zik, tid yennum, tid uyur yettwaqqen ačal-aya. Ilaq ad atent-yerr yer ufniq, ad yerr fell-asent tawwurt, ilaq ad imager, ad iqabel liḥala tamaynut.

Am win yettšen yurga, tura dayen yuki-d. Gas akken leaddat εerqent, maca werjin isaweḍ ad atent-yettu. Cwiṭ kan n riḥa n tmurt, ad at-id-yuḡal usmekti. Ziḡen ayen heddren medden d cḡel, ayen tteicin d cḡel-nniḍen.

Mi d-iheyya iman-is ad igen, cfawat ad d-jebbunt, ad d-ttbeggisent : ta teqqen-d ḡur-s leḥbab, ta tezuḡer-d leadat, ta tcebbeḥ-d i yimeḍqan anda yesεedda temzi, anda yuḡ tanumi n tyimit...

Imetel liḥala-s yer tin n dabex n Tennis, mi tt-yewwet umyurar ad d-tezg yef yixef anḡi n cbak. Ma teḡli yer ljiha n umyurar axsim, atan yeslek win i tt-id-yewten, ma teḡli-d yer ljiha n win i d-yewten dabex, ulac ara yexdem. Ad yili Rebbi yid-s. Maca taggara-s, d ticeqlumbaε ara d-tesker yer yiwet ljiha.

Yeqqar ahat d tidet, da yekfa c̣yel-is, yewweḍ leḅyi isarem s usizreg n wungal i netta d wid ur nessaweḍ ad arun ney ad d-afen axxam n tezrigin. Yezra isedhay kan deg yiman-is : ur yettwaqennee s uxeddim yekfa. Seg yidis-nniḍen iwala tawaffya-s yer tmurt tawerdanit ur truḥ d taḥramt, ayen yezmer yexdem-it : yerbeḥ iserbeḥ.

Ma d tadyant n gma-s Ferḥat, msawaḍen lexbar ma d timlilit ulac. Kra n tikkwal, yeena imeḍqan anda yesla yella. Siwel yewweḍ ur fell-as yaf-it ; dima ttemseḅtalen. Teḍra yid-sen am tmacahut n tteryel d Σmer-Azgen ; mi teṭṭef deg uḍar ṭyil d aḍar, mi teṭṭef aḍar tenwa d aḍar. Γas ulamma ur igellu i yimawlan s lexbar yef Ferḥat, meena yezra, ad ferḥen mi ara t-walan yuḡal-d netta. Ad inejbar qbel ma teeser-it tmurt-a taberranit, akken teeser imezwura.

Tudert da di Fransa tuḡ talḡa n tneqqiṭ d taberkant, simmal zerrin wussan simmal tettiṃyur. Iwala ilaq ad d-isuffey taneqqiṭ-a i s-iyummen axemmem, i s-yerran kulec d aberkan deg wallaḡ, da di tmurt tawerdanit. Ahat akken ara yekcem tamurt-is ara teffey seg uqerru-s tneqqiṭ-a taberkant ney mulac akk, ad as-ibeddel tirmi.

Sya i yeddem rray ad yuḡal yer tmurt, ḡas ulamma yef kra n wussan. Dayen yuḡal-it-id wul.

Isawel deg tiliḡri i Samir, i yetṭef uxeddim, iyab aḥal wussan, ad at-ixebber atan ad yejbu yer tmurt.

Azekkuya taseḅhit, Mezyan yuḡ abrid yer usensu anda yeqqen ttịead d Samir. S teḡzi umecwar, ur yettwalleh i kra nnig n c̣yel anda iteddu. Kra n usteqsi ara d-yerzun ḡur-s, iseffeḍ-it s uzlaz n uqerruy-is. Maca ugin ad kfun, tefflen-d am usyax. Mi yenteḍ xersum, usteqsi deg yixef am ḥinteḍ, iwala ilaq ad as-d-yaf tifrat acku d win ara d-isel syur Samir. Imar ad yebdu ad yettkellix deg yiman-is. D wa i d Mezyan. Tayri i d-iteffi i wiyiḍ tugar tin yettmuddu i netta.

Mi yewweḍ, yuli yer texxamt n Samir, iseqreb deg tewwurt, yufa-tt teldi, yedhem yer s daxel. Isaki-t-id :

—Ugaḡ tsehreḍ-as idelli.

Samir, yeṣṭaṭew-d ddaw tduli yeεqel-d Mezyan. Yezwi seḥt-nni n uyrum yečča iṭazri, i d-yeftutsen yef tduli. Anagar takiluṭ i yersen yef ugerbuz. Allen ufent, acebbub yexreb, tajajin n lbira mferfaṭent sya d sya yef ugnēs. Yezdi-d lqed, yebda anadi yef lqec anda i s-yebra. Yufa tiqemjet, ma d aserwal yesres-it Mezyan yef yiḡil-is. Imazḡzed Samir s leḡya, yejleq-as-t-id.

Mezyan d Samir mikmalen ; ayen ixussen i wa ad at-yaf yer wayeḍ. Mi ara iseftay awal Mezyan yid-s, yettḥulfu iman-is zun yeldi-d tiwwura wallaḡ-is ad yekcem ad imeslay d Mezyan yeffren s daxel. Akken ur yeḡmil ara ad iserfu Samir i yeḡmel ad d-yerbeḡ lehna s daxel-is, akken ur t-yettḥasab, ur t-yettlawam yiwen. Yeggra-d Samir, ad yeskasi yid-s, ad as-yawi alamma d taggara.

Lḡasun Mezyan yeḡra mi ara iseεreq iman-is yef Samir, aneggaru-ya yettdiε ; ur yelli d bab n rray. Taxxamt-a yekra deg usensu-ya d tin n wid ur nesseḡmay amḡiq. Mi d-yekker tasebḡit, ur yeḡri yiwen anda ara yili. D ta i tudert yedder Samir, da deg usensu-ya. Mi t-yesteqsa Mezyan acuyer yextar tudert-a, isukkay iman-is, yeqqar « d gma-k i yi-igan akka, nekk qebleḡ. Anwa ara ilethan yis-s, ma mačči d agla-s. Yesεa laman deg-i, yerra-yi d lmersul-ines. »

—Welleh ar zeydeḡ-as cwiṭ. Iceyyeε-d Ferḡat-nwen yiwen, yefka-yi-d isurdiyen, ur gineḡ tlata wussan, armi ten-ḡesbeḡ. Rju ad lseḡ lqec-iw.

Yeεreḍ ad yels aserwal-is akken ittemdudue, iḡarren-is ur s-zmiren ad at-refden.

—I yisurdiyen, anida-ten ?

—Azgen, wwiq-t i Yidir, amur-iw atan dihin deg tekwat, ma d ayen i d-yeggran, nwiq i wass-a ad aten-greş yer lbanka anda i teldiđ *le compte*.

—Nniq-ak-d yakan a Samir, ur d-ttaţţaf ara isurdiyen-is !

—Nniq-as akk ayen i yi-d-tenniđ.

—Acu i k-d-yenna ?

—Isuter deg-i ad ak-d-iniş : « Ma tugiđ-ten, ţţef-iten i yemma d baba ».

—Am keĉĉ am netta. Zwir, zwir ad tsuđ kra, ad d-ldint wallen-ik.

I sin şer umnar n tewwurt n texxamt, Mezyan isakked şer yifassen n Samir, iwala ur d-yegli s kra. Yesteqsa-t :

—I yisurdiyen-nni ?

—Ah, welleh ttuş amuziđ-nni.

—Bedd da, ad at-id-awiş.

Yekcem Mezyan, kra tegnit yuşal-d : « Anda i tersedş amuziđ-nni ? »

—Tura ad d-aseş.

Yekcem şer texxamt, yerra şer cicma, yesferfed s dixel lbila-nni waman, yekkes-d amuziđ. Yebren-d. Isuter deg Mezyan ad yetţef amuziđ.

Samir isenned şef yiri n tewwurt, yettemşentnay d useşlaş n tsura ad yeşleq tawwurt. Yeşleq-as-t Mezyan gar yifassen-is, yebda işerređ yiwet-yiwet ur d-yufi d anti. Yesferfed deg leşyub userwal n Samir. Ulac. Ysteqsa-t : « Anda-tt tsarut s wacu teldiđ tawwurt iđelli ?

Ah ! Tura i d-mektaş d ameşllem i tt-yeldin yewwi yid-s tasarut, ur yendil ara tawwurt, yeğğa-tt teldi, akken ad iyi-d-yettwilleh, şaş ad yeđru kra yid-i. »

Mezyan ihuz aqerruy-is. Qedmen-d i sin yer tkeddanin n usensu ad d-subben, Mezyan, imazed yettëf-d deg yiyil Samir yettmilen.

Mi yewweḍ Samir, ar tkeddanin anda yella derbuz, iger afus-is yettëf deg-s, yebda amdudeε d tkeddanin yettijiqen. Mezyan yuzzel-d yer yidis azelmaḍ, yuḡal-as d abudid. Deg ubrid, Samir, yeḥbes, iwenneε-d iman-is, ibedd, yerra nefis, am win d-yefḡen seg uyṡas s dixel waman.

Mezyan yettferrij kan. Mi d-iheyya iman-is Samir yer tiddi, yenna-yas :

—Mi tfaḡeḍ i turin-ik ilaq ad rident s wuzwu, ihi rnu wenneε lḡec-ik akken ad d-tbinedḍ d amdan.

Tqubel-iten-d yiwet lḡahwa, izuḡer-it Mezyan zegren abrid. Kecmen. Mi yeṡam Samir, iruḥ ar ukuntwar yekmanda acu ara d-sun. Yuḡal-d, yeqqim. Seg tṡaq iwala yiwet lbanka, isuter deg Samir ad as-yesmeḥ ad iruḥ ad yesres isurdiyen deg le compte, ad d-yuḡal. Mi yezri rbee n tsaεet, ata yekcem-d yekfa cḡel deg berra. Yuḡ amṡiq sdat n Samir, yellan yettëf tajajt n Perrier isikkid deg-s. Ma d lḡahwa isuter i netta, tella-d yer tama-s tettraju.

Kra n teswiεt, Samir yenḡa tasusmi. Am win i d-ijebbden s umrar awal s dixel taḡect-is, yesteḡsa Mezyan :

—Anwa arḡaz i k-yeḡsen sbeḥ-a, mi d-tbekkreḍ ?

—Usiḡ-d ad ak-iniḡ, ad jbuḡ yer tmurt.

—Anwa wa ara iruḡen yer tmurt ? I s-d-yenna Samir, yewwin tajajt-nni Perrier yer yimi.

—D nekk.

Yeḥbes akken. Yuḡal d semεa, ula d sekṡa teffey ; taḡect teḡdem.

—Uḡaḡ d tidet yella kra i k-yeḡsen. Tegneḍ kan turgadḍ teḡiḍ ad truḡeḍ ar tmurt, din-din tendeh deg uqerruy-ik ad truḡeḍ ? Ur testaḥlaḍ ara da ? Yerna tusiḍ-d ar da, akken

ad tezređ ddunit, ddunit ad ak-d-tzer. Ayen akk i tjerbeđ, i tlemdeđ, ad d-tuýaleđ yis-s yer tmurt ad yettwaxzen deg yiwet n lhuma neý ahat deg taddart.

—Xați a Samir. Hulfay s yiman-iw zadeý. Ayen i yellan fell-i ad at-xedmeý da, yekfa.

—D aya kan ? Labud tessneđ-iyi akken i k-ssneý. Yella kra yeffer.

—Fur-k lheq.

—Twalađ ! Hku-d ihi. Balak ad ttwiqensey ula d nekk.

Mezyan yeddem-d tiħjurin n sker, yersen s daxel n tdebsit, yerra-tent s daxel ufenjal yebda aħerrek n lqahwa. I yekfa yewwi tijyelt yer yimi-s yeeređ ma telha lqahwa. Syin s wawal lway, d tayect terzen, yerra-d awal :

—Segmi eefsey akal n tmurt-a, ula d tikkelt ur ħulfay s yiman-iw ddmey rray. Dima tilufa tllaħaqent-d, ma d nekk ddiý gar-asent d aewin. Afus ara yi-yebrun ad iyi-yetťef wayeđ.

—Amek ?

—Subbey-d seg lbabur werjin nwiý ad rrey yer les Antibes, ufiý-d iman-iw limer rniý cwiť dili zewjey din.

—Umbeed acu n diri yellan ?

—Ur teqqim ara deg lecýal ma lhan neý ala. Qareý-ak, ula d tikkelt ur d-bniý imal-inu : ttensabeý d abeħri ur bniý fell-as, kecmeý tamurt Lmarikan ur nwiý ad awdeý kra wass...

Samir iggugem. Taswiť yenteq-d am win itezzmen : « I nekk, amek ara yi-teđru. S niya-k staħlay da ? Staħlay segmi i k-id-ufiý, mačči d lxir n da i býiý, d kečč ! Segmi nemlal rekdeý. Am kečč am nekk, nerbeħ nufa-t. Ula d nekk am kečč, weh bniý s gma-k armi uýaleý xeddmey ýur-s ? »

—Ur d-usiý ara a Samir ad qarney kečč ýur-i. Usiý-d ad ak-id-xebbreý kan, mačči ad iyi-d-tefkeđ ttesriħ. Mi k-nniý

ad ruḥey, ad ruḥey. Ur ḥemmel ara iman-ik, ad tettud wiyid. Necrek aṭas n lecṭal, d tidet, meṇa lebṭi-ya n rwaḥ yer tmurt, ur zmireṭ ad ak-t-id-sfehmed, ma ur t-tefhimed iman-ik.

Ula d Samir yefhem, din-din ibeddel ṭbiṭa. Yenna-yas :

— Melmi ara truḥed ?

— Ur zriṭ, ṇay-k-id akken ad ddmey rray yid-k.

— Yella yiwen ad iruḥ yer tmurt, ula d netta. Ad as-meslayey, ad teddaklem.

— Anwa-t wa ara iruḥen yer tmurt ? Yerna, ur uḥwajey yiwen. Ula d tibalizin ulac aṭas.

— D yiwen. Dakklet akken ad temwanasem.

— Zriṭ d yiwen, mačči sin. Bṭiṭ ad d-awiṭ lexber, ma ssney-t.

— Ur t-tessined ara.

— Seg yimeddukul n gma ?

— Xaṭi. Uuh, a Mezyan, tettfed-iyi a bu tazart. Anda tewwed tsaṭet ?

— Attan d lṭacra.

— Yyan ad nawed yer uxxam n baba-s. Ahat ad at-naf din.

Mezyan, yefhem ilaq ad isusem. Ur yeṭi ad as-yeddu di nmara tikkelt-nniḍen. Ma d Samir, iḥulfa s tsusmi-ya zṭayet. Ur yesbir yeddem ameslay :

— Welleh ma tṭhibbiṭ ad ak-ṭanneṭ, meṇa ilaq ad ak-d-iniṭ mačči d tallit n rwaḥ yer tmurt imi imezday-is rewwlen-d yer da, neṭ anda-nniḍen.

Mezyan yuged ad d-isuget awal ad yekcem d Samir deg cwal ; ad yuṭal deg ttaḥiyat. Axir ma isusem.

Mi wwḍen ar umḍiq, ur d-iban urgaz-a. Mezyan yestaḥla mi ulac-it, akka ur yettruṭ awal i Samir. Syin yenna-yas : « Zwir ad naṭ atikki. »

Samir yekkes-d tiliyri seg llib, isawel i umeddakel-is. Cwiṭ akka, ata yerfed.

—Allu ! D Seid?... Aql-i d umeddakel-iw, ad iruḥ yer tmurt. Ma mazal tettfeḍ deg rwaḥ, ahat tzemrem ad teddaklem... Yah !... Ihi, akka. Mi d-yuḡa atiki ad ak-d-iniḡ... Xaṭi, iṭtik saḡa. Ma yella wayen ara ceyseḡ yer tmurt, ad at-yawi umeddakel-a... Yezmer lḡal ad nemlil... Mi d-yuḡ atiki Mezyan... Yezmer lḡal ad nemyager jmiε, qbel n rwaḥ-nwen.

—Yenna-yi-d : yuḡ-d atikki i wass n lexmis. I d-isefhem Samir Mezyan. Ma deg niya-k ad teddaklem, netta dayen yuḡ-d atikki.

—I melmi ara d-iruḥ ?

—Ass n lexmis i d-iteddun.

—Mi newwed yer lbiru, ad nesteqsi ma yella utikki i wass n lexmis, ad d-aḡeḡ yiwen. Akka, kečč ad testaḡlaḍ, nekk, ad ruḡeḡ hani.

—Ula d kečč ur tettenεettabeḍ ara d ubrid. Netta s tkerrust ara iruḥ. Atan fkiḡ-as isem-ik.

—I netta, ameddakel-a-inek, amek isem-is ?

—Isem-is Seid. Ur ttagad, ameddakel-a, m'ur k-yesliḡ ur k-yettḍurru.

Iwala ur yeḡjib cḡel i Mezyan ; mazal yettxayal-it. Iseggra-yas-d s wawal : « Zriḡ ur k-yeḡjib rray-iw, meεna ilaq ad ak-d-geḡ leqrar sya. Walay teddmey rray deg umṭiq-ik, meεna zriḡ ad t-tuḡwajeḍ s daxel n lbabur. Ur yelli d ameddakel n gma-k. Wa ssney-t anda-nniḍen. Anay tezriḍ ur ḡemmley ad rzey awal-ik ; ansa i d-tenniḍ syin, meεna tikkelt-a ilaq ad iyi-tayeḍ awal. »

—Ad xedmey akken i k-yehwa.

Deg yid n wass n larebea, yejba-d Seid s tkerrust yer Samir d Mezryan. Ieebba imuziden n Mezryan, yenna :

—Ma ulac fell-as a Samir, ad yeddu yiwen yid-neɣ, ula d netta yuɥwaj timsaɛfa.

Ata tura anda i tettenxuxul i Mezryan. Imeddukul n Samir merra, am netta. Yenna deg wul-is « ad tt-isuffeɣ Rebbi yer lxir ». Syin isawel i Jamal, ixebber-it s tuɣalin-is ara d-yilin seld-azekkuya.

Ass n lexmis yer tafrara, isawel-d Seid. Mlalen, msalamen. Mi kfan asissen, kecmen deg tkerrust. Ttɣfen abrid yer lmersa n Mersilya.

S daxel n lbabur, tixxamin-nsen mxalafent. Ttemplilin deg lqahwa, ttqessiren.

—Açhal-aya segmi tellid da, di Fransa ?

—Açhal-aya. I d-yerra awal Mezryan i Seid.

—I kečč ?

—Da i luleɣ.

—Kečč, n Bgayet ?

—Xaṭi n Lezzayer tamaneyt. Ma d ameddakel-a-inu, isem-is Lærbi, n Lexmis Melyana. Ad ines yid-i deg usensu, mi zrin sin wussan, ad neddakel, ad at-siwɣeɣ yer Lexmis Melyana.

—Acuɣer ur d-tekrim ara yer Lezzayer tamaneyt. Syin i kun-yeqreb ?

—Din i tella lqebba-s. I d-yenteq Lærbi s uzummeg.

—Syin i d-zewjeɣ. Ladɣa ad afeɣ tameɣtut-iw yer la douane tettraju deg-i.

—Tessneɣ kan, neɣ...

—Xaṭi, nexdem lekwayeɣ, aseggas yezrin.

—I yimawlan-ik ?

—Atnad merra di Fransa.

—Amek i tessneɣ taqcict-a n Bgayet.

—Ruḥey-d d zyara yiwet tikkelt. Din i mlaley yid-s. Txeddem deg déclarante en douanes. Ladya takerrust-a wwiḡ-tt-id i nettat.

Mezyan isusem. Ulac ara d-yini.

Anagar yesla Mezyan i yimanagen ttmeslayen yef yidurar n tmurt i d-yettbinen, yerra abaltun yef yiri, yeffey-d ar ubalku, isikkid. Ixaq, ixaq nezzeh.

Yewweḍ lbabur yer lmersa n Bgayet, imsafren snin wa deffir wa, zuḥuben-d deg tbalizin-nsen d iqeffa-nni mechuren n Tati. Mezyan yemfaraq d Səid, mefken numruwat n tilifun, rnan qnen ttiead ad mlilen.

Ter sdat, nejmaəen-d kra yibulisen d iterrasen n *la douane*, d sin yimanagen yettəyyiḍen, iḡallen ttnerfaden ttrusun. Mezyan yeəqel Ləerbi d Səid, yiwet tlemzit tbedd gar-asen. Mezyan yewhem deg wayen yettwali. Ur yezri acu yellan. Ur yesəi ara yexdem.

Tamdint tebna gar snat tirmi taḥcict, i d-gan yemyan, d tirmi tazerwalt n wallel. Argel n temdint, isedhac.

Seg tama tanḡit, anda yezga udrar Guraya, ad twalaḍ lebni əlayen, ula ara tasem, zun d agrireb i d-yegrareb yer tama tamaddayt anda yella wallel. Mi tmuqleḍ agama, ad tafeḍ tettwakerrem. Tamnaṭ-is s umata tgelled s yisekla, uzemmur, tigrurin, axerrub, ubelluḍ yakk d zzan.

Mi d-yeffey Mezyan seg lmersa, tecyeb teglimt-is. Iḡulfa s tesmeḍ yas ma itij ittirriq. Yemsalam d Jamal i t-id-irujan deg berra. Dindin, yekkes-d seg ljob tilifun, isawel i Samir. Iseəlem-it s umeddakel-is Səid tṭfen ibulisen, syin yesəedda-yas Jamal mseqsan.

Mi əbban tibalizin, kecmen s daxel n tamubil. Mezyan, yesres yef wudem ufus, tacekkart ideg i yerra tisfifin n Muḡya, d tbakit n dexxan d tqerəet n Lwiski, i d-yuḡ deg lbabur. Isuter deg Jamal, ad ḥəbsen ad sun afenjal n lqahwa.

Jamal ifures tagnit ixelles tasarut-is n Internet. Mačči d ta i tamdint yeğğa. Isikkid yesteqsay, acu yuɣen tamurt-a, acu n tallit tedder. Amek armi tuɣal temttuttel, tettwattel, tekres deg tkemmust tēbba tayet n tugdi. Mezyan yenna i yiman-is : « Zik meqqar tugdi tella deg lhukuma, tura udmawen n yimezday banen-d zun yal wa yettxayal wa. »

Ixebber-it Jamal belli, lxuf iεerrej ula deg tlemmast n yiwet twacult, gar wayetmaten ; wa ur yettak laman deg wa. Gar yimezday, ulac win iεeqlen axsim-is neɣ ljar-is. Ma yesteqsa-d yiwen fell-ak ad tedεuɖ awer k-yaf. Lyaci yella ma d tarwiht ulac.

Gar, Uzzayri yenwa yessen: yettnayen ɣef wagla-s, ur nberru i yiɣallen s shala, itezzmen, ur nqebbel ad at-id-yaweɖ yiwen, yettnayen mgal lehkem, d Uzzayri: iqeblen ad yeknu, yebran i yiɣallen, yekkaten afus mi d-yemyager lhakkam, i d-yemlal deg tagnit-a tamaynut tedder tmurt, tilist ur meqqret beztuhet, yellint bih-bih, ur d-ttbinent, akken izemrent ad nejbarent i zemrent ad nekmacent.

Timetti yessen zik d tin yemlal akka tura, mxalafent, ur zdint deg wayra. Mibεadent, ttemyexzarent am yiɥij d lqaεa, ttemyehwajent maca werjin ttemlilint ; zun wa ixuza ta. Yufa-d sdat-s timetti s wudem yesbek semmeɖ, ur yetthussu la s lferh la s lqerh ; terwel fell-as tudert. Medden qeddcen akk, meεna yiwen ur yezri gma-s sdat-s. Akken i s-d-iweššef lihala Jamal : « Zik, ttakren s tuffra ma d tura ttakren, nekkni nettuala ».

Rekben takerrust, uɣen abrid ɣer taddart, anda ara yemlil Mezyan d baba-s yakk d yemma-s.

S yiɣil iɣallen i d-ffɣen seg lmersa : texleɖ gar waɥas n tkerrusin d lkiran. Awer yezdeɣ yiwen da. Jamal yenna i Mezyan :

—Deg wasmi truḥeḍ, ssut-ik yettlaḥaq-aḡ-d. I kečč, yettaqqal-ik-id wul yer tmurt ?

—Asmi ffɣeɣ seg tmurt, liḥala i ḡḡiɣ, ɣas akka terwi meena ur tewwiḍ ara yer wanect-a. Ma d tamurt, ulamma ffɣeɣ-tt, amtiq-is yezga deg wul-iw. Deg tmurt taberranit ara tnadiḍ s waṭas ɣef lexbar n tmurt. Aɣilif, atan deg wid izedɣen tamurt, axemmem-nsen yezga berra. Tawayit yeḍran deg tmurt terza ifadden n yimezday. Dihin ḥulfay yis-s, ur briɣ i yiɣallen, ula d nekk nnuɣeɣ amur-iw s tikti d tira.

—Ayen turiḍ ur d-yelḥiq ara yer da.

—Ata wwiɣ-d ayen zemreɣ. Lecɣal dihin, mačči am da.

—I tira, d kečč i yettextirin ɣef wacu ara taruḍ ?

—Xaṭi, a Jamal ilaq ad iyi-d-testeqsiḍ : s wacu uriɣ ? Uriɣ s teqbaylit ! Ma d ayen iɣef uriɣ, ata gliɣ s wungal, ad t-teɣreḍ axir ma mliɣ-ak-t-id.

—Wa nezra-t. Labud l'internet iseyli tilisa. Yerna, amek yeqbel ufransis, ad isizreg ungal s tutlayt tamaziɣt ?

—Labud sekkren leḥsab : ad d-isuffeɣ ungal s tmaziɣt, umbeed ad d-yaf yiwen ara t-id-yerren yer tutlayt tafransit, syin lhukuma ad s-txelles tisuqqelt, ad d-ternu ad tay 1000 wungalen.

Jamal inehher, ma d Mezyan imazzed yer tcekkart-nni yesres ɣef wudem ufus, isenser-d yiwet tesfift n Muḥya, yerra-tt deg radyu. Akken yetthessis, yettmuqqul seg ttaq am win ixaqen. Ata isakked zelmeḍ ata yefka asekkud yeffus. Ma d Jamal yettafar Muḥya.

Mezyan isakked steḥ yexxamen, iwala akk-nsen yeffeɣ deg-sen wuzzal n leersat i d-yulin seg lsas. Yenna, s taḍsa, i Jamal : « Ixxamen akk sekkren-d, rnan-as ameqyas ukawučču. » Yerra-yas-d Jamal.

—Ttxemmimen akk ad rnun annag.

Isuter Mezyan deg Jamal, ad ħbsen yer yiwet n lqahwa. Mi i d-ires, yerra yer yiwen n Cyber ad iwali tasenduqt-is taliktrunit ma yella kra n tebratt i t-id-ileħqen.

Mi tt-yeldi, yufa tura-yas-d tabrat Céline. Yeldi-tt.

S teẓzi n ubrid i d-tedda tkerrust, tamuqli ur teẓri nnig yiyilifen i d-ttemyagaren deg ubrid avelnaw. Ibeddel, yerna ibeddel aṭas. Ur yelli d ilem am zik xetta-xetta ad tæddi tkerrust, tura ula d littæ yezgan gar snat tkerrusin tikkwal yettlaħaq lmitra. Ma timesliwt, imezzuɣen rwan asderdef d uzemmer, wa d akamyu, wa d lkar wa d asemiremorque...

Kra tleħħu tkerrust, Mezyan ur yestaħla armi d-ffɣen i ubrid avelnaw, kecmen abrid Lfilaj. Ass-a dya d ssuq deg tyiwant.

Qbel ad yali yer taddart ad iwali baba-s, yenna i Jamal, ad ħewsen cwiṭ deg ssuq, ad d-imekti ussan n zik asmi i d-yettsewwiq d baba-s.

Gas akka, tuget n yemsewqen tsubbun-d s tkerrusin, maca mazal wid yetṭfen deg tjaddit ; ttsewwiqen-d yef lehwayec. Ula d aselway n tyiwant, ixemmem fell-asen, yefres-d yiwen umḍiq anda ara srusun lmal. Cwiṭ-cwiṭ amḍiq ittimɣur, yuṣal din i znuzun din i zellun lmal, akken dayen i yuṣal d amḍiq anda i d-regglen wid yettbeddilen l'Euro. Amḍiq iwehha ula i wiya, axater iwala lbanka ansa i d-teffɣen yemɣaren i d-ijebben isurdiyen-nsen, nnig waya ttwahennan deg yibulisen.

Yiwet tikkelt yejba-d yiwen ubulis, d ajdid miskin yer tyiwant, yekcem yer rehba-ya, yetṭef yiwen yilemzi, yegla yis-s yer uxxam n lkumisar. Mi t-id-ẓran din, wid yessnen ilemzi-ya, nnan-as : « S yisurdiyen i k-id-yetṭef ?

—Ih, i sen-d-yerra yilemzi.

—Ma steqsan-k-id ma d agla-k, ini-yasen « tusiḍ-d ad tayeḍ lmal i baba-k ».

—Nnan-iyi-d yakan amek ara xedmeḡ, ur ttqelliḡ iman-ik. »

Ma d abulis-nni, tenneqlab-d liḥala fell-as. Lyaci yemttuḥaε-d ḡer uxxam n lkumisar, yeqqar : « yeḥqer-aḡ nekkni yeddren taḡerma fransis, tura yerna-yay ḡer udaynin ». Ma deg uxxam n lkumisar, ḡas akka ḡran akk kra ur yeffir ḡef yiwen, din i d amḍiq ubeddel n l'Euro, maca xzan akk abulis-nni, rran-as aman d asawen.

Syin i yebda lharaj n ssuq Ljemεa. Lemεalim n ukeččum ḡer ssuq yella-d s uḡebbar i d-iteffi d riḥa n dexxan i d-yedduklen d riḥa n tasemt seknafeḡ akken, imzenza wučči, ad d-jebden lyaci ḡur-sen. Imdanen mixlaḍen d kulci : d lmal abeztuḥ, hah d tayaziḥ hah d awtul hah d abrik, d yizeḡza d lfakya, d yigerwizen n tnawalt sdat n uqemmar. Tas ma tettbin-d liḥala terwi, maca yal wa yufa iman-is, iwala acu ara yexdem, yeḡra anda yaweḍ anda ara yerr aḍar. Da, s teḡzi n wass, tnejmaεen-d, ttemlilin-d imzenza d yemsayen. Akken ḡayen i tmibdalen lexbarat ḡef tudrin. Lhedra ur tḡebbes syur win yeznuzun neḡ win yettayen.

Ssuq ibeddel cwiḥ. Tura ttunuzun aḡas yigerwazen n dihin, am lqec n Cinwa. Akken ḡayen i yella zik ssuq d reḡba yergazen kan, tura ula d timḡarin ttsewwiqent-d, tin i d-yetḥfen afus i yilemḡi, ad tekcem ad teqḍu.

Mezyan isuter deg Jamal ad qeddmen ḡer yidis ufellaḥ anda mazal znuzun lyella wakal s lgelba neḡ s uqerwi neḡ mulac s tiḥ, d tikeddusin fiḥel lmizan.

Anagar dehmen, ata isawal-as-d yiwen d tamendeffirt. D Dda Qasa.

Dda Qasa, d afellah, meqquer acemma akka deg laemer ; seg wid teğğa temzi, ma d temyer tebda tettceeluluq deg-s, teggar-as iyallen, taglimt tebda tettneđfas, yekna acemma s leetab.

— Slam fell-ak, a Dda Qasa. I s-yenna Mezyan.

— Leeslama yis-wen. D Mezyan anay ?

— D Mezyan a Dda Qasa.

— A d kečč aya ! Deg zgelli nekk, smieqilev deg-k. Wellah ar d Mezyan. Amek tettliđ, melmi d-tuvalađ ? Am zik-ik kan, ur tettettuđ ara tamurt.

— Akka a Dda Qasa.

— Yyan, yyan ad nsu afenğal n lqahwa.

Dda Qasa, iwessa win yezgan yer yidis-is azelmađ ad as-d-yerr amendad i ubelluđ i d-yewwi yeznuzu s lkas.

Lqahwa d tin n Uherkuc, zik d tawacult yimerkantiyen ; xeddmnen akken byan, ulac win ara ten-ihasben. Ikursiyen d tablat, kra deg-sen, ulin-d s usyar, kra-nniđen s wuzzal ; mi tersed timeccacin fell-asen ad aten-yewwet wađu. Ma d afrag n lqahwa yuli-d s uwađa n wakal i d-ukren i tyiwan, deg unebdu iyubber, deg tegrest yeččur d abertiđ, yas akken ssan-t s siman. Sqef-ines d lhelyat seddeđent, mi d-ihubb cwiť ubehri, ad sgerbubent. Ar ljiha anda bedden sin waktiyen, rsen sin ibidunen yettrajun deg waman i d-yettmiqqin. Ma d idis azelmađ n ufrag, ires din yiwen n baby-foot, s usyar yehfa deg cwaki anda ttymman yemferjen yettrajun, s wul yuyes, nuba-nsen. Tban tuy amđiq deg tedlegt ; atas warrac i s-d-yezzin, gar yiđuđan tturaren s yijitunen. Tuval deg umđiq n diminu. Ma d turart n lkarťa mazal tella. I tiť tturaren yef wayen yersen yef tabla, ma d ayen yeffren atan ddaw utapi. Zran akk, meena ruh ttef-iten-d.

Mi qimen, Mezyan yekkat ad d-yefrez aqahwaji. Ur isawed : yeereq gar lyaci. Kra tegnit ata isuy-d win yellan deffir ukuntwar : « Lunis, zer acu ara d-swen, yergazen-a leali ! »

Ata iruh-d yiwen yilemzi gar yifassen yettef acettid. Isuter deg-sen acu ara d-sun, Dda Qasa yewwi afus-is yer llib, yekkes-d yiwet tewriqt, yesres-itt yef tabla izuheb-itt s uɗad armi d sdat n Mezyan. Yenna-yas s tyawla :

—Ttxil-k a mmi, kteb-iyi tabrat i Lmadani.

—Raju mi zriy baba, ad ak-weɛdey ar d-ruhey alamma d uxxam-ik, ad ak-n-aruy tabrat-a.

—Xaṭi a mmi, nekk, aql-i da deg tyiwant, mačči kulas i d-ttsubbuɣ, tura kan ara tt-taruɗ akken ad azney tura, mi ufiy win ara s-tt-yawin alamma d axxam.

Mezyan akken yettneḥcam, ur yessin ad d-yini ala. Yuy amɗiq deg tejmaet, yewwi afus-is yer llib, yekkes-d amruɗ. Yenna i Dda Qasa : « Awi-d a Dda Qasa, icer n lkayeɗ-inek. » Yezra ur izemmer ad yaru deg lihala ideg yella, yekna yer ugrab i d-yewwi i baba-s, yekkes-d yiwet tektabt deg tektabin-is ad yesres fell-as tifert-nni akken ad yezmer ad yaru.

Yenteq yiwen din, mi iwala tteswira n Mezyan yef wungal :

—Ahah ! Ur yi-d-qqar ara d kečč wa, a Mezyan.

—D nekk, a Dda Ferḥat.

—I k-d-griy d Rebbi, ar d kečč ?

Ladya Mezyan yefhem, limer ad ikemmel akka ur s-ttserrihen ara. Yejbed-d yiwen wungal, yefka-t din ad kksen tewnef. Yura akken kra, ayen akk ttarun medden merra, asellem d lexbar s umata sway zwarayen tabrat qbel useftutes n tedianin.

- Aha a Dda Qasa. Bdu-d tura tilufa-k !
- Ini i Lmadani.
- Yehbes Dda Qasa, yesteqsa Mezyan :
- I kečč, ur tt-twalađ ara ?
- Anda yella akken ad ak-d-iniy ahat myagrey.
- Atan deg yiwet n lmina di Saint Etienne, yezdi taqerruyt d at Jilil.
- Ala a Dda Qasa, nekk, lliy di Paris.
- I Ferhat-nwen, temlaleđ-t ?
- Wicqa a Dda Qasa, ad nkemmel tabrat, umbeed ad nemmeslay yef lecyal-a. I s-d-yerra awal i d-yesdukklen cwiť uqelleq d ufeqqie.
- Ur ttayes a mmi, ur ttayes. Nekkni deg taddart anagar lweqt i yeggten.
- Semh-iyi a Dda Qasa. Labud baba yettraju.
- Ihi, ini-yas i Lmadani : atan tayať-nni turew-d sin, yiwen yiyid ggiť-t wayeđ fkiť i uletma-k ; ma d gma-k, ur s-fkiť kra, dayen yeffey i lecyal n tfellaťt, aľuli i s-muddeť tikkelt yezrin, yewwi-t yer ssuq izenz-it. Ata acuyer ur s-fkiť ara kra nuba-ya.
- Raju a Dda Qasa, ad aruť ayen i yi-d-tenniđ, umbeed ad nkemmel. Mezyan akken yettaru, yettarra-d yer tefransit awalen n Dda Qasa, isawal-iten-d am win yebyan ad at-isamen.
- Cette fois-ci. Ruľ a Dda Qasa, kemmel.
- Rnu meslay-as yef tyaziť-nni, ini-yas dayen tesqef.
- Jamal yeđsa, ma d Mezyan yesres amruđ, yekker, yenna i Dda Qasa : « Da a Dda Qasa i teľbes tefransit-iw. Eđđ-itt kan a Dda Qasa, ttxil-k, ad tt-naru tameddit-a. Uľal kan tura yer ubelluđ-inek. »
- Yerbeľ, yerbeľ.

Yekker Mezyan ixelles, Dda Qasa yeḍfer-d deffir-s yettgalla. Mezyan yugi.

Uḡalen akken jmiε yer ssuq, Mezyan yenfeq-d, rran yer tkerrust rekkben, tṭfen abrid d asawen yer taddart.

Γas taddart εlayet s waṭas yef uswir n wallel, wid i d-inejren abrid deg tḡaltin, bnan-t-id yezzi akken ur s-yetthussu umnagi yis-s isawen.

Deg ljiha-ya, akal d tayzut, yerwa aman ; ired ney zerriεa ma ḡlin, mḡin. Yegget yimḡi, hah d tileggit, hah d azanzu, hah d amagraman... ma d akal ameqran, yessa s tzemrin d ugrur, xetta-xetta ad d-tbin teslent ney tbelluṭ.

Jamal, mi iwala Mezyan yedha s wayen yettwali, yenna-yas :

—Medden tura uḡalen-d yer tfellaḡt.

—Amek ?

—Tura lḡaci ur zmiren ad d-aḡen zzit n tzemmurt, yerna qlil ; ur yeggit. Kra win ikesben akal yezṣa d tizemrin, yexdem-it. Ma d win yeεan akal yezmer ad isuter deg lhukuma tjer. Nekkni deg at Mimun, yeqwa tjer ubelluṭ. Akken daḡen yer Imezzayen yeqwa uxerrub. Mačči am da ḡur-wen.

—Acuḡer i yeqwa ḡur-wen ubelluṭ ?

—Kul ljiha acu n tjer yellan ; kulci yeqqen yer lεadat n temnaṭ. Akken nesla yer yimeqranen, asḡar ubelluṭ yuḡal-aḡ d lḡella. Qaren-d imezwura, yis-s nesnulgay-d tiflikin. Mi gedlen fell-aḡ senεa n teflukin, nuḡal nsexdam-it i lefhem. Ansa i ḡ-d-yekka yisem uqesser : Abimuni bu-lefhem. Akal ameqran deg uzayar yewwi-t ufransis yewwet-it d daylat.

—Ula ḡur-neḡ kif-kif, yer tama-ya wadda isehlen i tfellaḡt, zṣan deg-s tizuyar. Ma d akal yezgan deg yidurar yuḡal-d i nekkni, mi yuεer i tfellaḡt. Akal ameqran yewwi-

t urumi, yeẓẓa-t akk d tizuyar, am win i d-nemyager anda d-ggran kra yixerban deg teẓremt yella din zik.

Abrid yellan ẓer tewwurt n taddart, zun yenjer-d s dixel uḥriq. Rrif-rrif snint tzemrin neẓ tegrurin. Jamal, yenna i Mezyan : « Ugaẓ sya i d-yeḥḥeẓ usefru-nni n teqbaylit taneqlet n ubrid. »

Mi d-wwḍen sdat n tala Mumada, m-lebni aqdim n udẓay d tlata yirecracen, tewwet-d teblalat. Mezyan isuter deg Jamal ad kecmen ẓas m'ur fuden. Mezyan yegzem wulis mi iwala tlata yirecracen, ideffiqen zik s waman sbeḥ-meddi, tura cban iqudas. Anagar sin i d-yesmiqqiwen ma d aqadus alemmas ur deg-s teffyen-d waman. Di tal taqernit ad d-tettemliliḍ imiguten n dexxan, tiqerɛatin d tilmawin, i d-ḡḡan wid i d-yekkan sya. Wwin lemziya n ugama, i send-yefkan aman d yimẓan, nutni rran-as-d areṭṭal s leknis.

« Taddart-a teqqen ẓer zman aqbur terna tegla s yimezday-is d asfel. I yenna Mezyan.

—Ala, a Mezyan, ur d-qqar akka. Atan din wanza : tiqerɛatin n plastik, dexxan... wa d lemɛalim n tẓerma. Neẓ ala ? » I s-yerra Jamal s uqesser, wama yeẓra Mezyan yesɛa lḥeq.

Yebren Mezyan ẓer usamar, anda zgan yidurar n Tbaburt, iwala itij yebda yettmil ẓer uyelluy. Deg tallit-a wuzwu, gar leaser d lmeẓreb, la d-yeṣṣiṭiw, yettaḡḡa-d tafukt tettirriq tetteg-d ijerriden d iwraẓen.

S dixel taddart, bɗan tikli ẓef tebrīṭin i d-yulin s teblaḍin. Mezyan ittemsalam d yimawlan yakk d yimezday, am wid yecfan fell-as am wid ur necfi neẓ ur t-nessin. Jamal yetṭafar ẓer deffir, akken yexdem Mezyan ad yexdem.

Sdat yiwet-nni n ṭḥanutt yellan deg taddart, mlalen d Lbacir. Lbacir, d awessar, yeqra cwiṭ deg tallit n umnekcem ; yettwali iman-is d amassan n taddart. Yugi ad

yezdey deg temdint yas akken yezmer-as i tudert-is.

Tikkwal akka ttmesxiren fell-as ilemziyen.

—Wa, a Dda Lbacir, yeƣra nezzeh, yura tiktabin. I s-yenna yiwen umecƣuƣ, iwehha-d ƣer ljiha n Mezyan.

—D tidet ? I yetter Lbacir Mezyan.

—Cwiƣ kan akka, a Dda Lbacir, ƣriƣ meƣna mačči azalik.

Din-din lyaci yezzi-d. Zran kra kan ad d-yili.

—Tura ad walaƣ anda yewweđ niveau-inek.

Kra ihedder, ilemziyen yellan din wexren d tamendeffirt.

—Aha, a Dda Lbacir.

—Ma teƣriđ nnig-i, ihi tzemređ ad tiniđ amek qaren s tefransit i uceir.

Mezyan, iruja kulci anagar ta. Yuƣal d azeggaƣ, ilemziyen i tt-yudin jebden iman-nsen. Jamal yerra ƣer tama tayeffust yeđsa. Yejbbed Mezyan deg yiƣil. Iseggrayas-d s wawal : « Taddart-a-nwen, awer d-awin lexbar teƣriđ. »

Ur ilaq ara i Mezyan ad yeğğ akka Lbacir, neƣ mulac anda i t-id-yemyuger ad as-d-ieiwed i tuttra. Am win yestæerfen belli yettwayleb, yenna i Lbacir :

—Ur zriƣ ara a Dda Lbacir.

—Ihi niveau-inek, mazal-it mezzey.

Asmi yensa Baba Muƣu, Ferruja teƣna-d yemma Ğğa, tessuter-itt ad d-truƣ ad tidir yid-s di temdint anda ara uƣalent amendad ta i ta. Yemma Ğğa tugi. Ladya Ferruja uli texdem, ƣtetter argaz-is ad d-nejbaren ƣer taddart ; tugi ad d-teğğ yemma-s iman-is, la aƣnin la lwali. Argaz ulac acu ara yini, ad yeqbel ad isusem. Lukan yid-s i yeđra waya, akka ara yexdem.

Mi yekcem afrag n uxxam-nsen deg taddart, zun da lweqt yehbes, ur ibeddel kra. Yemma-s Ferruja, yettwali deg-s tecyel ; atta dihin atta da. Tesmektay-as-d yemma-s Ġġa n baba-s Muħu. Mi t-d-tezra, Teħbes din, tebra i ubufreħ, idegdeg yer yidarren-is. Imeṭṭi igelmem-d deg wallen n Mezyan. Tuzzel-d yur-s am tlemzit, trebbeε-it s tezmert ufellaħ, ṭhennec-it yer yedmarren-is s tayri i tezmer ad d-teffi anagar tyemmat.

Teefes yef yiceqfan n ubufreħ, ur ṭħulfa i lqerħ. Ula d nettat tettru : « Werjin nwiṣ ad εawdent ad ak-ṣrent wallen-iw ».

Ayen tbubb tegnit d araqi, yejqef awal. Ma d Jamal, teḍra yid-s am win yettferrijen asaru. Iwala yemma Ġġa, yerra yur-s :

— Mselxir a yemma Ġġa !

— Mselxir a mmi. Wakilan ?

— A nekk, d mmi-s n Ttekfa.

— Anta Ttekfa-ya ?

— Tajaret n Nna Ferruja, zik.

— Ur cfiṣ a mmi.

— Amek telliḍ, a yemma Ġġa ?

— Am lħal yemyaren a mmi.

— Ur qqar ara akka, a yemma Ġġa, mazal lbaraka.

— D wa i d lemealim n temyer a mmi.

— Amek a yemma Ġġa ?

— Lehdur-a « mazal lbaraka » a mmi, sendahen yis-sen iwessura am nekk. Yella kra i tenniḍ lehdur-a i win mezziyen ?

Jamal iqajjew ; acu d lexliqa-ya !

Mezyan yesteqsa yef baba-s.

« Lħemdulleh a mmi, akka wala akter. Lethu kan d yiman-ik ». I s-d-terra yemma-s.

Mi yedhem ar ugnēs, iwala baba-s yeqqim yef ukursi wuzzal, aqerruy yefka-t yer lhiḍ, am ubuhali teffey tallit ney yeffyen i tallit. Iwala iēlleq takarḍit yef yedmarren-is. Iqeddem yur-s ad iwala acu d lkarṭa-ya. Yura deg-s uṭṭun n tiliyri. Din yefhem belli baba-s yuḍen lehlak n sihwan. Ferruja, kulci yef lbal. Mi tekfa aheyyi n teḥbult n tmellalin, atta tekcem-d, tegla-d s sniwa gar yifassen.

—Qimet, qimet, ad tsum afenjal n lqahwa s uyefki.

Mezyan yerra-yas-d :

—Nekk, ad suḡ cwiṭ lqahwa. I kečč, a Jamal ?

—Ula d nekk a xalti Ferruja.

—Xaṭi a mmi, kečč ad tēerḍeḍ cwiṭ uyefki s teḥbult, umbeēd ma tebyiḍ ad d-tessegrid s lqahwa. I Ttekfa amek tettili ?

—Akken tebyiḍ a Nna Ferruja. Labas a Nna Ferruja, ljiṛan irkel xaḡen fell-awen.

Mi kfan tissit n lqahwa, Jamal isuter aman ad isu. Ferruja teddem lkas, terra yer tzaēluqt, ad d-teffi.

Mezyan yekker yeldi tawwurt ufrijidar, ad d-yekkes taqerēet. Iwala yef ucebbak ires yiwen n lkayēḍ yekmumes. Yeddem-it-id, yeldi-t iwala yemttuttel deg-s seḥt n uyrum. Isawel i yemma-s :

—Wa Yem !

—Acu ?

—D kemm i ijemēen lkayēḍ-a deg ufrijidar ?

—Acu yellan deg-s ?

—D seḥt n uyrum.

—Ruḡ a mmi ar tcekkart n lekniṣ, wali m'ur iḍegger ara kra umyar-nni n baba-k.

Ziḡen akka meṣkin. Xelḍen lecḡal deg uqerru n baba-s.

Akken ad iseereq tilufa, ad iqesser cwiṭ, ad tneerah tegnit, izedren s dixel uraqi, mi yesla Jamal i ccix yedden, yenna i yemma Ġġa i yenwa ur tesli ara :

—Atan itedden ccix a yemma Ġġa !

—Sliq-as a mmi. Nerra-yas-d ula d nekkni deg wulawen, s Sadaq Lleh urasulih.

—Ur tettzalla ara ? I yestewtew Jamal yer umezzuq n Mezyan.

—Steqsi-tt. I s-d-yerra.

—A yemma Ġġa, tettzallaq ?

—Mazal a mmi.

—Acu tettrajuḍ akka ?

—Nekk, ttrajuq ad iyi-Iserbeḥ akken ad S-ḡalley, Netta ahat Yettraju ad ḡalley akken ad iyi-Iserbeḥ.

—D aya i tebyiḍ ad tesleḍ ? I s-yenna Mezyan. Ma d Ferruja teḍsa s tuffra, tekker ad tay luḍu.

Mezyan yenna i Jamal ad ddaklen yer lmelk, ad ḥewsen.

Armi yedda yiḍ swamek i d-nejbaren s axxam. Ufan-d imensi yewjed, lmida theyya deg ufrag.

—Mazal ur teččim ara ? I s-yenna Mezyan.

—Nettraju deg-wen melmi ad d-tuḡalem, ad nečč akken jmiε.

—Lukan tebdim. Acuḡer i trujam ?

—Yyan, yyan. Qimet-d, qbel ma yesmaḍ.

Zzin-d i lmida, bdan učči n tæsbant.

Mi kfan učči, Ferruja tekker ad d-theyyi ttay, ma d Mezyan d Jamal meawanen kksen igerwazen yersen yef lmida. Ma d baba-s, mi yekfa učči, yuḡal armi d umḍiq-is.

Mi d-tuḡal yemma-s, bdan asefruri wawal yef leḡwal n ddunit, d tudert yedder yal yiwen. Kra usteqsi ara d-yawḍen Ferruja, tettarra-d : « Lḥemdulleh a mmi, lethu kan d yiman-ik ». Xersum tuget n tuttriwin llant-d i Mezyan. Di

sin ttfen-t am bu-tazart ; yal wa ansa i s-d-iḍegger tuttra : ma ur ixaq ara fell-asen, amek yedder ussan-is, i unagi m'ur t-iṣetteb ara, yef sebba n tuḡalin n yemma-s yer taddart, leḥwal n lḡiran teḡḡa di temdint, anwa izewjen, anwa yemmuten, ma yemlal d Ferḥat... Ah, atta tewweḍ-d tluft iwumi ur yeḡri ansa ara d-yebdu awal.

—Ur ttexemmim fell-as a yemma, labas i yella. Dayen tewwi-t l'yerba. Ula d isem-is ibeddel-it.

—Amek ?

—Tura sawalen-as Joseph.

—D aya i ixussen. Yexdem leqrar i yiman-is ?

—Ur yezwij ara.

—Acu ixeddem ?

—Yuḡ nutilat d leḡhawi ; mačči yiwet mačči snat.

—Rrruḡ ! Ihenna-t Rebbi.

—Atan iceyyeε-iyi-d isurdiyen. Yenna-yi-d : “efk-iten i baba”.

—D netta i nuḡwaj, mačči d isurdiyen-is. Ur k-d-yenna ara ma yesεa niya ad d-yas kra wass ?

—Kulci yeqqen yer lmeḡtub a yemm.

—Akka a mmi. Ma d kečč, ayen yellan fell-ak, txedmeḍ-t. Awi-d kan, mi d-tuḡaleḍ kečč. Dayen beddunt wallen-iw εeyyunt, ad ruḡeḡ ad segneḡ baba-k, syin ad ruḡeḡ ad gneḡ ula d nekk.

—Ruḡ a yemm, ad tegneḍ.

—Ma d kunwi, atan ssiḡ-awen-d deg tḡurfet.

—Akka a yemm.

Mi tekker Ferruja, Mezyan imekta-d imeslayen i s-d-yenna Samir : « Ayen akk i tjerbeḍ, i tlemdeḍ, ad d-tuḡaleḍ yis-s yer tmurt ad yettwaxzen deg yiwet n lḡuma neḡ ahat deg taddart. » Ruḡ ma mačči d tin i d-yewḍen.

Yezdi lqed, yerra yer tnawalt yeddem-d sin lkisan yerna-d taqeræet waman. Syin yekcem taxxamt, yeddem-d sin yibalṭunen yerna-d tacekkart-nni ideg yerra dexxan d tqeræet, yekkes-d tafermatukt-ines, yegla-d yis-sen. Imudd yiwen ubalṭun i Jamal, isuter tasarut n Internet. Yeldi tabewwaṭ-is n tebratin. Uccanen, deg lexla bdan askiæew.

Jamal am uqeslal, yebda tissit.

Mezyan yeldi tabewwaṭ. Yufa-d aṭas i s-d-yuran. Tin i yewwin dehn-is, d tabrat i s-d-tura Céline. Yeṣseb ad att-yeldi. Ixaq fell-as. Tabrat meqqret. Yebda taṣuri.

« ... Zriṣ tabrat-a ad att-teyred, meena ur zriṣ melmi. Saramex ad tt-teyred deg tallit ilaqen. Uriṣ-ak-tt-id yef snat tlufa. Tamezwarut, akken ad ak-iniṣ aql-i labas, ulac ara yeḍrun yid-i diri-t nnig n rwaḥ-ik, delwiḥex seg umḍiq ar wayed. Kulci yewzen, amzun aql-i yef usayes tturarex taceqquft umezgun. Tura, cwiṭ-cwiṭ yebda iærreq-iyi wudem-ik, tærqed-iyi. Wezziled neṣ Fezzifed ? Mezziyed neṣ meqqred ? Udem-ik yebda irewwel fell-i. txussed-iyi nezzeh. Udem-ik d iger, asekkud wallen-ik iteffi-d itij n tmurt-ik, kulci deg-k ixus-iyi. Ttmektayex-d cwiṭ kan akka deg-k, ur zmirex ad ak-id-fessley s timmad. S daxel-iw, azgen yeḍmee ad ak-iḥer tikkelt-nniḍen, iḥulfa yis-k sdat-i i telliḍ ur tebsideḍ : teffyed kan yer ttberna. Azgen deg-i yeqqar ur ḥsiṣ ad neiwed ad nemzer. »

Ttmektayex-d ambiwel-inek, timeslayin-ik mi s-d-terniḍ awal s tmaziṣt akken ad cfuy fell-as acku tebniḍ deg uqerru-k kra wass ad neddakel ad d-nḥur idurar-nwen elayen. Xususen adrar Guraya, iṣef d-tzuxed aṭas. Ttmektayex-d amceqllel-nney : yef wulac ad tecæl, ad teṭṭerdeq gar-aneṣ akken yer taggara ad tt-nfak s taḍsa. Din-din ad nemger iṣallen, ad nemttuttel ad nettegliliz yef wawal. teqqared-d dayen : « A tawayit win ur nesæi iswi deg

ddunit ! » D tidet iswi yelha, meena amek ara t-yawed yiwen ? Asmi teerqed deg wallel yriy akk ayen yuran yef tluft, meena ulac win i d-yuran ayen byiy ad yrey. Mi kfiy asteqsi yef lihala-k, yef sehha-k, tismen beddunt tlalent-d deg-i, ahat yufa tameɛttut-nniɛen, ahat yezwej, ahat yeğğad derya... ur k-d-mmaley amek iga uxemmem n lxalat, tessned-t. Ulac acu ara k-slemdey.

Aql-i qimey sdat ɛtaq yettwalin yer tebɛhirt. Itij i d-ikečmen tura syin, ur yelli am win n zik. Sedhayey iman-iw, qqarey d tasemhuyt i ibeddlen, yas akken zriy d kečč i ixussen yer yidis-iw. Deg yid, yettruɥ fell-i nadam, ttsebbirey iman-iw s tmuɣli n wayur, ttɣimay yef ukursi yersen sdat tewwurt, sikkidey wayed iyef tuyeɛ tanumi tettɣimaɛ. Ttwalay-k deg-s tecbiɛ taklut yemsan, ur zriy anta tirmi i k-yedlan. D tebrek n yid, d tirmi taɛcicit n udrar, d tizerwelt n waman n wallel... Ur d-ttawiy lexber, ttɣimay din s teyzi yid alamma ttwalay tafukt n yiɛij teɛtuɛuc-d gar yidurar. Deg uxxam, ttmeslayey iman-iw d leɥyud. Ula d tteswira-k kksey-tt, jemsey-tt. Tban-iyi-d zun tesmektay-d amdan yensan.

Nemlal am yiyeğğigen i d-qerɛen warrac deg uɛriq, i sdukkulen gar yifassen-nsen. Serɛey ad d-mektiy lferɥ izedyen allen-ik, tazmert yiyallen-ik d lhenna taleggayt n teglimt-ik tacebɛant. Mektay-d ass amezwaru ideg nemlal, ideg nemihras ; ulawen-nney defdufen. Ass-nni, tenniɛ-d s taɛsa : « Ma nkemmel akka, ulawen-nney ad d-ffyen seg teylaft-nsen. »

Nemxalaf yef tsaet n rwaɥ : Asmi neqqen ttiead n temlilit, kečč tewɛed-d, ma d nekk ɥulfay truɛed teğğid-iyi. Kečč, teddiɛ d lbabur, yewwi-k yid-s. Lbabur-a ur yezmir ad iyi-yernu.

Bla yis-k, tikkwal ur zriy acu i yi-yettayen, tikkwal ur bñiy ad d-awiñ lexber acu yeḍran.

Tura qqarey : kulci yeḍra-d deg yiwet tallit d yiwet temnañ ur k-ɛnint, ideg tuyeḍ aẓar fiḥel ma tuyeḍ amur, ur ttalaseḍ deg-sent, ur d-tmezgeḍ yid-sent deg wayra, la axemmem, la lefhama, la leqdic.

Deg wass ijelleq-ik fell-i yiñij i d-icerqen, ɣas akken ttwaliy-k zun s daxel-is tezgıd. Jebbuñ yer yimeḍqan anda nettarra i sin, sɣa ad d-mektiy ad rnuñ ad idirey tikkelt-nniḍen taswiɛt i ɣ-yezdin. Deg yiḍ ttḥulfuy mi kecmey yer wusu dliy, belli kečč imar i d-tnesreḍ ddaw n tduli. Am wass am yiḍ, d axayel kan i ttayaley deg-k, am tin yesmiɛqilen deg yiwen sufella n tteswira txerbec.

Mi truḥeḍ ad iyi-tɛerqeḍ, ttaddamey-d tteswira i txedmeḍ deg yidurar n tmurt-ik sway tettzuxxuḍ. Ttmuqquley deg-s, ttwaliy deg wallen-ik akud yeḥbes. Akud-a, am wakken yettraju deg-i ad iyi-d-yenğer abrid ɣur-k, ney ad twalem deg-k i yettraju akken ad ak-d-imel ayen ttḥulfuy seg wasmi tyabeḍ, akken ad ak-ɣiḍey ahat ad d-tuɣaleḍ. Rwaḥ-a-inek wis-sin ur yecbi amezwaru anda tḍaɛeḍ deg tlemmast ugaraw. Wa, ḥussey ur d-isawal i tuɣalin-ik ɣur-i.

Zriy aḥulfu ɣur-k ur yesɛi azal.

Cɣel wis-sin iɣef i k-d-uriy tabrat-a, d win sway ara k-xebbrey belli aql-i s tadist. D aya.

Akken i k-nniy yakan, da sufella. Ma nemlal akken i bñiy, ma ur nemlal, yella yer wanda ttmuqquley.

Ur yumin tesber s lexber am wa ur s-tt-id-tenna. Yesbek. Mi t-iwala akken, yesteqsa-t :

— Acu k-yuñen akka, amzun teččıd tiyiti s ubeqqa.

Yeswa lkas-is ɣef tikkelt. Yenna :

— Smir-d, smir-d a Jamal.

PAO : Ramdane Abdenbi.

Tawlaft n tduli :Sser yeffren.
© Yacine Zidane

ISBN : 978-9947-865-89-7
Dépôt Légal : Septembre 2023.